


ISSN 0134 — 4323



ЛІТВЫІВ КОДЗУВ

1
ЯНВАРЬ
1988

Выль воён,
выль шудён,
выль вермёмъясён,
дона лыддысьысь!



Усьё му вылө лым.

А. Семёнов.



Төвся этюд.

Л. Агеев.

Репродукциясыс — «Серпас» котырлөн выставка вылысь.



ТАЙО НОМЕРЫН

Борис ШАХОВ. Гөрд дзоридзьяса съод шаль. Роман.	3
Альберт ВАНЕЕВ. Морт чужо светас шудон-гажон овны... Сонетьяс	29
Степан РАЕВСКИЙ. Кузь туйо петигон. Висьт	33
Альбина АНУФРИЕВА. Аддзисьлөмыс коли съо- лөмө. Очерк	38
Лия ПАНЮКОВА. Быд лун. Сиктса велодысьлөн пасйодьяс	42
«ВОЙВЫВ КОДЗУВЛӨН» ПОЧТА	
Николай ПОПОВ. Журнал лыддьом бöрын	55

БЫД ТÖЛЫССЯ
ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

ЛЭДЗӨ КОМИ АССР-са
ПИСАТЕЛЬСЛӨН СОЮЗ

ПЕТÖ 1926 ВОСЯНЬ

1

ЯНВАРЬ

1988

СЕВЕРНАЯ ЗВЕЗДА

◆
ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ

◆
ОРГАН
СОЮЗА ПИСАТЕЛЕЙ
КОМИ АССР

Главный редактор *П. Шахов*

РЕДАКЦИОННАЯ КОЛЛЕГИЯ:

*А. Ванев, Ю. Васютов, М. Игнатов, Н. Куратова,
А. Одинцов (ответственный секретарь), В. Попов
(зам. главного редактора), И. Торопов*



Пажга сиктеа сылысьяс да йӧктысьяс.

Снимокс В. Ячменевлӧн.

БОРИС ШАХОВ

ГӨРД ДЗОРИДЗЬЯСА СЬӨД ШАЛЬ

РОМАН



3

Кык төлысысь дырджык ветлөдліс-корсысыс Лунин. Первойя куим вежонсö Изьва кыр йылас палаткаясэ зэвтлісны да олісны Чимь-ель вомын. Лунин да Мамедов кык лун гөгралісны Педьбөн индөм места гөгөр: вутш бокусь Чимьельöдыс кыссис вöсни сьөд визь да кэні курья кодьö чукөртчöма вöсни сьөд сыла кеньөн. И Лунин, и Мамедов шуисны: да, тайö, дерт, углеводородлөн прöдукт му пытшсыс кыскö пычиктысьö.

— Молодеч, Туланов,— шмонитөм сорөн ошкыштіс Миш Педьöс Лунин.— Вывті радлыны, дерт, водз на, но збыльысь кö нефть татыс адзам, тэнад нимөн шуам.

Некымын лун ветлөдлісны Изьва берег пöлöныс. Торья дыр ёсь йыла мөлөгтянаныс гудйысисны джуджыд еджыд щелля бокин. Сэс-ся кыклаын тшөктісны джуджыд кузьмөс гуяс кодйыны. И помся тетрадьясаныс пасьялісны да гижалісны. Сэсся Лунин юаліс, позьö оз Педьö местаясö кöть верзьöма вөлөн писькөдчыны. Кор Миш Педьö думыштчылөм бöрын сөгласа доккнитіс юнас, Лунин Мамедовлы сетіс бумага, сьом да нöшта öти уджалыськөд, пыжөн ветлыны кужыськөд, ыстіс Изьядорö вөв медавны кык төлысь кежлö. Первойсö Лунин Тулановс шуліс, но Миш Педьö корис мездыны сэтчö мунöмысь. Педьö поліс лёк морткөд паныдасьöмысь да кутчысыны вермытöмысь. Кор Лунин вежис тшөктөмсö, Миш Педьö велөдіс Мамедовс Стольö Иван, сиктöветса юралысь пыр корны колхозсыс налысь Серкосö, ловья на кö. Сійö вöлі велалöма вөрті ветлыны.

Вөв медалысьяс бөр локтісны мөд луннас. Öтикыс пыжнас, а Мамедов збыльысь Серко вылын верзьöмөн. Сьöлбөмыслысь тэрыба тп-көмсö кутны зильöмөн Педьö матыстчис Серко дорö, шылыкнитіс сьылі-

сö. Серко бергöдiс сылань юрсö, паськöдлiс-топöдлiс нырбордъяссö, сэсся коренитiс, топöдiс пеляссö, нырнас зургис Педьöлы морöсас. Педьöлөн нимкодъысла öдва лолыс шедiс, сывйыштiс Серколысь юрсö: «Тöдiс! Тöдiс ассыс кöзяинсö!» Педьö котöртлiс палаткаас да Серкоöс гöститöдiс солалыштöм сукар торйөн. Сiдз сэсся найö кыкөн водзын и ветлöдлiсны. Серколы кык бокас лöсьöдлiсны-öшöдлiсны сьöккыджык грузсö: палаткаяс, сёян-юан запас, кутшöмсюрö геологическöй инструментъяс, да сийö кывзысына вöтчис водзын мунысь Педьö бöрся. Ветлiсны Кос нюр бокö и Нибель йылöдз, сэсся Серкоöс бöр колхозö ну-сны.

Лунин бöр лэччис Дзольюö июль помын нин öтнас. Изъядорöдз сийöс пыжөн кылöдiсны, а сэсянь кöсйис водзö кывтны сиктса олысьяс отсöгөн. Но мунтöдзыс Чимъель бокса вевтасö, Изыва юсянь верст мында кымын, Мамедовкөд кыз майöг черөн тувъялисны, öти боксö лöсалисны да гижисны: «Скважина № 1. Июль 1931 г.»

— Вот,— торжественнöя шуис Лунин.— Татчö первой скважина буритам. Мед сийö мян шуда лö.

Сэсся Лунин урчитiс, мый колö татчö кольчысыяслы вöчны буритысь бригада локтöдз: тайö лоан скважина гöгöрыс кушинсö паськöдны сё метр пасыта — мед позяс и бурöвöй вышка сувтöдны и торъя дзескöдчытöг овмöдчыны. Шогмана вöрсö ставсö чукöртны стрöйтчöм вылö. Содтöд стрöйтчан вöрсö матiгöгöрсыс жö пöрöдны.

— Татчö командировкаö тiянöс ыстiсны, ме чайта, эз öти вö кежлö,— содгiс Лунин.— Кутам нефть корсьны, кытчöдз ог аддзöй. Эн виччысьöй, а заводитöй аслыныд оланiн стрöитны. Кызь вит кымын морт вылö. Туланов, тэ керкаястö стрöитлiн?

— Да, сöмын сиктса керкаяс,— вочавидзис Миш Педьö.

— Вот и бур. Вот тэ и лоан стрöитчысыяслөн десятникөн: медыджыд стрöитчысьөн, велöдысьөн и стрöйтчöмнас веськöдлысьөн, сiдзкö. А став кузяыс ыджыдөн тiян пиын мастер локтöдз ме коля Мамедовс. Кывзöй сийöс.

Кызь морта бригада кык паськыд пыдöса ыджыд пыжөн воис сентябрь заводичгөн бурмастер Семиненко веськöдлöм улын. Дзольюсян сьöккыд груза пыжъяссö дзонь тöлысь кыскöмаöсь.

Чимъель кодь командировкаын олöмыд Миш Педьöлы эз вöв вьлтор, нчöтсянь сьöд вöр шöрын велалöма овны. Сöмын шогис йирис сьöлöмсö, Ульясасö воштiс да. Челядьсö эз вермы ачыс быдтыны да овны велöдны да. И сир курыд шогсö зiлис сьöккыд уджнас пöдтыны. И вöр пöрöдiгөн, и нитш перйигөн, и тшупсигөн, и бöрын, кор вышкасö да буритчан станоксö нин сувтöдiсны да нефтьлань думсьыныс заводитiсны писькöдчыны, зiлис ныр вылас усъмөн уджавны, мед аслас нар вылö воёмөн тшöтш идзас вольпась вылö (тöвся туй сувтöм бöрын «Выль туй» колхозлысь кык додь ид идзас начальство ньöбис) пöрöдчыны сöмын и колис вын-эбöсыс да мед юрсö идзас юрлöс вылö лэдзигмоз и ланьтны-вöйны пемыд гуö... Мед сöмын сьöлöм йиран мöвпяяслы местасы ни кадыс эз кол Педьö юр вежöрын. Сiдз лун бöрся лун, тöлысь бöрся тöлысь челядьсяныс письмö виччысьöмөн и олис. Лунинкөд на Дереваннöй детдомö челядьыслы письмö ыстылис да.

Дзонь во Миш Педьö аслас письмö вылö вочавидзöм виччысис, да воис жö сэсся воча письмö... и виччысьысьöс выльысь весьöпöртлiс. Миш Педьö дрöжжитан-кисясөн косялис конвертсö да лыддис гырысь букваясөн стрöг почеркөн сылы гижöм письмö:

«Гражданин Ф. М. ТУЛАНОВЛЫ.

Юöргам, мый письмöныд, кодöс гижöмныд Туланов чоя-вокаяслы, воис. Да, Григорий, Георгий да Октябрина Тулановьяс мян детдомыньсö. Сы вöсна мый батыныс налөн лобма кулакөн да сувтöма Сöвет властылы паныд, Сöвет государство ачыс бөсытiс найöс быдтыны, велöдны да воспитайтны. Но ми, найöс быдтысьяс-велöдысь-

яс, корам водзё п'сьмёястё гижёмысь кутчысьны. Оз ков челядыльсь сьёлём дойсё вөрöдны. Ме запретити т'янлысь п'сьмёнытё челядыль сетны. Мед повтөг быдмасы Революциялы да большевикъяслөн партиялы став сьёлёмён сетчём йёз. Челядь батысь вöсна абу кыв кутысьяс.

Детдомса директор Потолицына Е. А.э.

Мортысь винёв нинём абу — быдсяма сьёкыдсё вермё ас вывт'ис пуны, шуёма кё сылы. И тайö дженьыд, но ёсь, сьёлём кырыштан п'сьмёсö — сылы выль пыткасö — Миш Педьö вермис пыкны, кöть и дыр кежлö сыркмунил сьёлёмыс и юр вежöрыс. Чужис войдөр тöдлытём на, пикö воём мортлөн кöсьём: жугöдлыны-кисътны, нöйтны... Но эз тöд, мый... Эз тöд, кодöс... Веськалис кö эськö öни ки улас сийö Е. А. Потолицынаыс!.. Нывбаба?! Да кутшём нö сийö нывбаба! Сьёлөмтём морт, батылы кö лысьтö да вермё татшём п'сьмёяс гижны... Коди сылы сетис сэтшём правоясö?! Кутшём бур вылө нö вермас велöдны челядьöс татшём чорыд, жаль тöдтём сьёлёма морт?! Страшно весиг думыштныс: мамсö воштём челядьöс кöсьö ещö и батысьыныс ордны? А-а, некод тай мортöс дорйысь абу! Абу!.. А кысь вöли тöдны Тулановлы, мый эм, эм эськö дорйысьяс да...

...Экспедицияөн вёскöдлысьлы Изьва йылö ветлём йылысь Лунин висьталис кыпид руөн:

— Корсьясёмён Изьва йылö петём, ме думысь, ылö вöдзё видзöдан, зэв колана и ас кадö вöчём воськов мян лои. Первойя, весиг веркöса тöдмасьём бöрын менам чужис чорыд эскём: нефть сэн эм, и ми аддзам. Уна-ö, пыдын-ö — петкöдлас буритчём. Ме Чимьель бокин пасйи первой скважина буритан места. Сийö, ме чайта, и восьтас мянлы Изьва йывса му пытшкöсылысь тöдмавтёмторсö на, сетас му тэчасылысь серпассö да индас, кодарлань водзё мунны корсьясёмён. Колö шуны, и мöд кык местаыс, кодьясöс петкöдлис Туланов, чуйдöны му-пытшкөсса озырлунъяс йылысь.

— Зэв бур. Семиненколөн бригада дась сэтчö мунны. Ми тэнö сöмын виччысям, — радлис и Илья Яковлевич. — Но, кызди асьсö петкöдлис туй индалысь да т'янöс новлöдлысь? Туланов?

— Асьсö жалиттөг уджалысь мужик. Вермас сөйтөг-ютөг сутки, кыкös вөрти ветлöдлыны, некутшём уджысь оз пов ни оз öтдортчы... Тшöктём сертинд сэтчöс сиктöветö пыравли и, юралысьыкөд сёрнити. Дерт, веськыда кö шуны, ёна жö абу везитёма мортыдлы...

И Лунин Стольö Иванкөд сёрнитöмсö ставсö висьталис Гурийлы: и первой колхоз котыртан собрание йылысь, кор Стольö Иван заводитлис Миш Педьöс дорйыны, и мöд собрание йывсьяс, кодi Тулановтөг нин вöли... И гöтыр, и челядь, и мам йывсьяс.

— Сиктöветса юралысьяс справка сетис, — Лунин мыччис Илья Яковлевичлы кусынтём тетрадь лист. Гурий тэрмасьтөг, зумышсьёмөн лыддис справкасö:

СПРАВКА

дана, что крестьянин деревни Изьядор Туланов Федор Михайлович рождения 1892 года, до 1929 года апреля месяца проживал в деревне Изьядор.

Семья крестьянина Туланова Ф. М. была:

жена, Туланова Ульяна Ивановна 1900 г.

сын, Григорий 1919 года

сын, Георгий 1921 года

дочь, Октябрина 1923 года.

Козьяйство крестьянина Туланова Ф. М. была:

дом пятистенный 1 (3 комнаты, сени, сарай, карта, гид, загун), амбар — 1, овин — 1, гумно — 1. Лошадей — 2, корова — 1 и теленок 1 (два года), бык 1 (на два деревня).

Также справка дана, что Туланов Федор Михайлович кронштадтским матросом в 1917 году делал революцию, штурмовал царский зимний дворец, а в 1918 году деревне Изьядор был председателем комбеда красном партизанском отряде.

Все время охотничал и работал крестьянском хозяйстве один с женой Ульяной,

а также помогал малые дети. Но эксплуатацией не занимался, чужой труд не пользовался. Был примерным крестьянином, жил хорошо, не дрался. Советскую власть никогда не ругал и против не выступал. Чем подписываемся и заверяем печатью.

Председатель Изъядорского сельсовета — И. Уляшев.
Секретарь — М. Уляшева.

Илья Яковлевич дыр нюжмасьтөг гижис ас нимсянныс Сыктывкарё Пытшкёсса делёяс уполномоченнойлы да корис выльыс видлавны Туланов Федор Михайловичлыс делёсё ошыбкасё веськёдём да Тулановс мыжтём мыжыс мездём могыс. Гижодас тшотш пасйис и 1909 воын политссылнойй большевик Гурийлы ссылкаыс пышйыны отсалём, а о́ни нефть чужан местаяс экспедициялы петкёдлём йылыс. Гижод дорас сйё пуктис Туланов вылө отделён гижём бур характеристика и Изъядор сиктсёветыс справкасё. А төвся туй пуксьём бёрын Чимъель командировкао груз нуыс первой вёлаясён ыстис Изъядорё мешёк рудзёг пызь, куйм кило сахар, нель пачка чай да тшөктис пыртны Туланова Мария Анисимовналы. Гурий нёти падъявтөг тайёс лёддис аслас могөн — сэтшөм чорыда да пыдөдз йиджлёма сылы вежбрас Тулановъяслөн революцияодз на отсасьомыс. А пызь, сахар да чай донсё Илья Яковлевич вештис аслас удждоныс экспедиция кассао.

Гурий гижод вылө воча кыв воис сёмын выль во водзвылын, и дзик виччысьтёминсянь. Вочавидзисны сылы скёрыс:

«Старшему майору госбезопасности

тов. ГУРИЮ И. Я.

Вы направлены для организации поисков и добычи нефти из недр земли. Категорически запрещаем вмешиваться в дела местных административных, советских и партийных органов с целью ревизовать их действия. Подобные незрелые поступки могут вызвать нежелательный политический резонанс со всеми вытекающими отсюда последствиями.

Зам. Наркома...»

Гурий дыр видзёдис тёдса Наркомёс вежысылөн кырымпас вылө и некыз эз вермы гёгөрвоны, мыйла сйё скёралё. Партия сёрнитис нин колхозьяс котыртёгөн ошыбкаяс вёчём йылыс. А тани и сідз тыдалё: Туланов сйё ошыбкаясылөн жертва. Оз скёравны, а веськёдны колё ошыбкасё, аддзим кё... Илья Яковлевич сёмын мурч курчис пиньяссё: сылыс кормёсө видлалём пыди сыктывкарсаяс наркоматё элясьмабсь... И сылы гижём воча кывсё дзебис сейф медыди пельёсас.

А Чимъель командировкаын делёясыс мёдисны ас шодйөн. Экспедицияён веськёдлысыясы, дерт, колё вёли, мед сэни сюсьджыка уджалисны. И мастераыс быттьё ёна кёсийс и зилис о́йдёджык нефть дорас сибёдчыны, и некодёс эз лэдзны жуйявны. Но войыв муыс тай эз на бурён лэдз асьсё помся кёрт о́жынён зутшкёмён дойдавын-писькёдны. Асьсыс озырлунсё эз кёсийс сетны, буракё. Кор ставыс лючки-ладнё мунис, эськё сутки чёж зутшкисны, лун и вой бурёвёйын гия-голякылыс, дзуртис. Но мыйкё кё жугавлас, либё чегас — и бурёвёйын дыр кежлё ставыс лёньлө. Кёрта делё кё чегё, коть сэсса прёстой болт, колё нин Дзольюодз ветлыны. Гожёмын кё пыжён сэтчөдз вежоныс дырджык, да бёрсё сыыс на дырджык — төлыс джынйыс унджык сулалёны. Сідз на и артмис: вежон буритёны, а кык вежонсё сулалёны. Бурёвёй сулалёгас эськё Семиненко выль удж аддзёма, дерт, кёнкё, дзольюса тшөктём серти: Кос нюрланё паськыд ордым керавны. Төвся туй вылө пё. А отчюд балансирсё качайтыс шкив-көлесаыс, морён лыйёмыд, и крепитыс шпонкасыс мездысьма, и паськыд верблюдо кучик тасма-лентасыс мынтёдчёма да вал йывсыс чеччыштёма. Аслас туй вывсыс уна дас пудъя кёрт көлесаыд оти барак пельёс жугодис да куймсё кымын метр горув веськыда Чимъельё чеччалёмён гё-

гыльтчис да сэтчө и шнѣпкысис. Весиг събкыд вѳлі веритны, кыдзи сійѳ пу костьясѳдыс ѳльѳдыс ни ѳти кыз пуѳ крукасьтѳг гѳгыльтчис?! ѳти минутѳн! Зато бѳрсѳ кызь морт, кодзувкотьяс моз, гезьясѳн дома-лѳмѳн, зорьясѳн бертѳмѳн ѳльсьыс сійѳс перйисны да дзонь сутки ас-лас местаѳ керѳс боктыс лѳптисны. Сідз мырдѳн и писькѳдчисны пыр пыдѳджык му пытшкас.

Миш Педьѳлѳн измис съѳлѳмыс да вийсьытѳг нин виччысис сылы индѳм срок помасьѳмсѳ съѳд уджыслы сетчѳмѳн. Мед, сідз нин кѳ сылы шуѳма. Чайтліс, сылѳн Ульянакѳд шудыс асланыс кыин, а ѳти воѳн ставыс путкыльтчис. Вит во нин сійѳ сир курыд шог пыкѳ!.. И оз тѳд, кѳні помыс... И лолас оз сылѳн помыс...

ѳз куж думыштчыны Миш Педьѳ, мый сылѳн шог пыкѳмыслѳн по-мыс нефтьлань писькѳдчан скважина пыдѳсас буретш и вѳлѳма, и ыджыд, йѳзѳс повзьѳдлан горѳн нетшыштчис-мынтѳдчис сійѳ му пытш-сьыс да югыд шондїѳн дзирдыштліс Миш Педьѳлы...

Майшѳдлан шысѳ Туланов кыліс смена заводитчѳм бѳрас кык час мысти: быттѳ скважинаыс чушкыны-ышлолавны кутіс, и сероводород дукус вывтїджык жѳ нин кутіс кывны. Миш Педьѳ воыс дырджык нин ключникалѳ да татшѳмыс эз на вѳвлы. Сійѳ буррабочѳйлы отса-сьысѳс ыстіс мастерѳс да геологѳс корлыны, а ачыс дугдїс буритны да буррабочѳйкѳд тѳрмасьѳмѳн крукалісны буритчан канатсѳ. Но сылыс и джын кузьтасѳ эз удитны гартны инструмент кыпѳдан барабанѳ, кы-дзи быттѳ дредноутывуса * медыджыд калибра пушкасьыс зят-зятѳн грымѳбтїсны-луйисны дзик пель водзас. Сійѳ син водзын скважина-сьыс нетшыштчис кузь съѳд снаряд да шышка джынйыс быттѳ эз и вѳвлы — му пытшсьыс чеччыштѳм страшнѳй зверыс чашвартіс-нѳбѳдїс шышка юрсѳ сэтчѳ крепитѳм кран-блокьяснас. Педьѳлы чужѳмас, мор-ѳсас швач вартісны чорыд ныйтѳн да, морѳсас вынѳн тойыштѳмысь ли, повзьѳмсьыс ли, кык сажень бокѳ летитіс. Сѳнѳс жѳ лоѳмаѳсь и сылѳн буррабочѳйыс да отсасьысьыс. Стракысла чашкалѳм синъясаѳсь. ѳз на удитны джоджсьыс кыпѳдчыны, скважинаыс выльысь грымѳбтїс-равѳс-тїс да сідзи, мый Педьѳлѳн, буракѳ, съѳлѳмыс коклябѳрас йѳршитчыліс. «Енмѳй, енмѳй!.. ѳгѳй жѳ вед, кѳнкѳ, му шарсѳ шѳрѳдзыс писькѳдѳй ли мый ли?!» — стракысла нинѳм сѳсся эз куж думыштны Миш Педьѳ да горѳдїс орчѳн туплясьысьыслы:

— Весасьбй тасы! ѳдїѳджык!

Но гѳлѳссѳ Педьѳ весиг ачыс эз кыв, сѳтшѳм гора вѳлі скважина-ыслѳн равзѳмыс, да отсасьысьыслы кинас ѳвтыштѳмѳн петкѳдліс бур-ѳвѳйсьыс петан ѳдзѳс вылѳ. Гѳгѳрвоисны на тай найѳ, эз ков мѳдыс тшѳктыны ни: чеччыштїсны да копытчѳмѳн усйысисны тайѳ страшнѳй местасьыс. Жуйявтѳг на бѳрся вѳтчис и Педьѳ. Бурѳвѳйсьыс петѳм бѳ-рын сійѳ казяліс вѳрѳ котѳртысь йѳзѳс, да Педьѳ сѳтчаны жѳ бѳрѳ вид-зѳдлывтѳг пызйис.

Кѳдї вѳлі Чимъѳлын, ставныс вѳрѳ пышїѳмаѳсь да кыксѳ метр-ылнасян кымын видзѳдїсны, мый бурѳвѳяс керсис. Семиненко да Ма-медов танѳсь жѳ вѳліны.

— Ловьяѳсь?! — аддзис Педьѳясѳс да мастерлѳн шѳйѳвошѳм чу-жѳм вылас радлѳмкодъ чужис.

Миш Педьѳ на моз жѳ сувтїс да бурѳвѳй вылѳ кутіс видзѳдны: кольѳм шышка джын помсьыс вылѳ, сѳ метраысь вылѳджык на, кѳнкѳ, качис лѳз фонтан. А бурѳвѳй пытшкѳсас, кытысь сѳмын на удитисны усйысьны Педьѳяс, равзїс-омляліс, быттѳ сѳ чуалысь ош сѳтчѳ йѳр-шитчисны да ѳттшѳтш равзїсны.

— Мый нѳ тайѳ керсьѳ? — матыстчис Педьѳ Семиненко дорѳ да горзѳмѳн юалїс сылысь.

* дредноут — медыджыд военнѳй корабль линкорлѳн водза нимыс.

— Нефть пластад тай, буракө, тшуким!— бурөвөйлэсь равзөмсө синны зильөмөн ачыс горзис Семинаенко, да сёөн матьөктис.— Эг удитөй дасьтысыны да кызди личкам татшөм восьса фонтансө?!!

— А көн нө нефтьыс?! Абу да,— очмыштис Педьө.

— Час, тайө газыс вылысас чукөртчылөминсыс, шапкасыс мынас да и нефть ылкнитас!— висьталис Педьөлы мастер.

— Одвакө!— качайтис юнас геолог.— Та ыджада газ фонтан!.. Первойсы ме татшөмтө аддза... Кажитчө, абу нефть чужанин, а газ...

— А-а-а... Ле-эша-ак маши-ина-а!..— юрас кутчысис Семинаенко.— Озъяс кө тайө — всё пропало! Нэмсө ог кусөдөй...

— Мыйла нө тайө озъяс?— чуймис Педьө, мастерлысь сэтшөма повзьөмсө эз гөгөрво да.

— Да, чорыд изтор лэбзяс скважинасыс да камыштас кытчөкө көртө — би киньясыс кө резыштасны?! Вот тэныд и пөжар... Кусөдны вермытөм... Ачыс кө оз лөнь?..

— Одвакө татшөмөд лөняс... Со кутшөма омлялө... Давлениеыс аддзавтөм ыджыд...

— Мерайтлы, ыджыд-ө, збылысь, давлениеыс?— тшөктис мастер.

— Мыйөнкө?!

— А «вертушканад».

— Да сийөн өнi матө скважина дорад он сибав, непөштө мерайтны,— качайтыштис юнас Мамедов.

— Колөкө, вай ме сибөдчыла. Ме вөли нин сэни да төдсаджык быттө,— вөзйысис Туланов.— Сэсса вед менам сменаын чепөсйис тайө сө морыд да меным, сідзкө, и колө сийөс мерайтны.

Пыравлис Туланов омлялысь бурөвөйө, быттө чуалысь ошъяс дорө, видлис газ фонтанлысь вынсө мерайтны. Шустөм эськө вөли да: равзөм-омлялөмсыйс өтдор бурөвөй пытшкөсас ещө и төв ныр быттө шедөма да гартчис-шыбласис, корсис петанинсө, эз гөгөрво, газ фонтан бөрсаяс вөтчны ли, эз удит ли. А кор му писъыс кыпөдчысь руд сюръя дорас матыстчис, Педьөлы кажитчис, мый сийө Педьөөс асланыс кыскө да нөбөдны жө көсийө. Но Педьө мырдөн вөтлис асьсө сюръя дорас, нюжөдіс кисө, көсийс вертушкасө суйыштлыны омлялысь сюръяас, но сийө быттө вылө лэбысь кирпич стөно зурасис и тшөтш вылө лэбзис. Тайө шустөм сюръяис лөвъякодъ вөли да ещө и кисө Педьөлысь көсийс нетшыштны. Миш Педьө мөдысь котөрөн усыйсис бурөвөйысь.

Мастер эськө лун и вой дежуритысысөс сувтөдіс, но первой войсө некод баракъясө эз пыр, а вөрас пуяс бокъясын и йөжгылясисны: полисны пөжарысь, или нөшта мыйыськө... А друг тайө скважинаыс вулкан моз мыйкө ещө му пытшысь татшөм вынөн койыштас?!

Ни мөд, ни коймөд луннас газ фонтаныс эз чин ни горыс сылөн эз слабмы. Чимьёлын олысыас, сийөс чужтысыас, велалыштисны нин эськө быттө, но ыджыд майшасьөмыс эз быр. Бурмастер ставнысө стрөга өлөдіс, мед верст джын матигөбрын некод некутшөм биөн эз лысьт нохсыны, мед некутшөм би кинь некытысь эз чечышт. Пусьсысысөс гырысь пөртгясөн ыстисны Изъва дорө. А коймөд лун рытнас Семинаенко корис Тулановөс аслас контораө.

— Тэныд, Туланов, көсья сетны зэв кыв кутана мог: колө лэччөдны Дзольюө срочной юөр мян лөбмтор йылысь. Вот пакет, тані ставсө гижөма. Сетан Лунины ли, Криволаповлы, аслыс экспедицияөн веськөдлысьлы ли. Гөгөрвоан?

— Гөгөрвоа.

— Босьт аслыд отсасысь ертөс, кодөс көсьян, сөян-юан сутки-мөд кежлө — ме завхозлы висьталі нин — и аски водз асыв — туйө. Оти кокныд мед тан, а мөдныд Дзольюын. Сөйөй-юөй, шойччөй-узвөй пыжаныд вежласьөмөн, а сынөй-зібьясьөй дугдывлытөг, лун и вой, рыт и асыв. Гөгөрвоан?

— Гөгөрвоа, мый огыс: өдйө колө.

— Он на ставсө, Туланов. Му пытшкөссыд эськө ыджыд озырлун, буракө, аддим, но мян весьтын өшйис и вермас лоны ыджыдсысы-ыджыд лектор. Ми порок бөчка вылын моз тани пукалам. А ме тани өни нинөм ог вермы вөчны Дзольюсянь отсөгтөг. Сэни төдоны, мый колө вөчны.

— Ме Ветошкинөс босьтла, сийө Лузаысь и кужө мян кодь пыжь-яснад ветлыны. Өни и вермам петны. Слава богу, июнь төлысьнад мян төлысь ни пөнар оз ков, югыд.

Дзольюө лэччысьясөс Семиненко да Мамедов пыж дорөдзыс кол-льөдिसны.

Кывтисны Педьояс вой, лун да нөшта өти вой. Шойччыны өчередьөн йөжгыльтчылісны пыж нырас важиник бушлат вылө да сэтшөм жө ва-жиник бушлатөн вевттьысьлісны. Кымын верст бара Чимьельсянь? Кык-сө ветымын? Куимсө? Код төдас, эз на, буракө, стөчасө мерайтлыны да. Торъя ёна тэрмасьтөгыд тай пыжьяснад дзонь төлысь джын бөрө-водзөтө ветлөдлөны-а. Дерт, эз вөв дивө Педьояслы лигышмунны, торъя нин бөръя кык часыс налы бура «шедис» Уквавомсянь тэрмасьөмөн ва паныдтө зібьясигөн.

Воисны Дзольюө да синъяссө паськөдिसны: местасө, кысянь найө куим во сайын мунисны, вежсьөма да, эз төдны. Вышкаяссө и шуйга, и веськыдвылас мыйтөм удитөмаось сувтөдны! А керкаыс, а керкаыс мый-төм! Гашкө сө да! Дзонь кар нин удитөмаось стрөитны! Абу жө тай тани жуялөмаось.

Нурьясьыштисны тэрмасьтөг, пыжсьыс берегас чечывтөг. Педьө пукаліс бөр пуклөс вылын да мөвпаліс, кытысь тани өни начальствосө корсьны. Сёрнитчисны: Педьө пакетсө катөдас да кодлыкө куим пиысь киас сетас, а Ветошкин тани пыжас и виччысьлас.

Гожся луныс сувтис шондіа, и Туланов фуфайкасө да төвся шапка-сө колс пыжас и муніс корсьысьны куртка кежсьыс.

Час джын корсьысис йөз висьталөм серти: экспедициялөн управ-лениеыс өни вөлөм джуджыд пожөмьяс костө стрөитөм зөв мича куим пельөса звезда кодь керкаын. Кужөма на, морөй, кодкө татшөм шензьө-дана керкасө думыштны да пуысь стрөитны! Абу бара тайө барак кер-каыд. Педьө пырис да өти кузь коридорөд ветліс, гашкө, кодөскө, ду-майтис, төдса мортөс паныдалас, сөсся мөд дзик жө сэтшөм коридорөд прөйдитис. Өтарө-мөдарө жөдзысь йөз вөліны, но ни өти төдсакодь чу-жөм. И сийө востьтис өдзөс, кытчө вөлі гижөма «Геологическая служба». Неыджыд жырйын вөлі нель пызан, кык саяс бумагаясө зуньясьөмөн пу-калісны мужичөйяс. Кыкнанныс видзөдлісны пырысь вылө.

— Лунин... Олег Петрович... Он төдөй, көні сийө?— юаліс Туланов матыссаджыкыслысь.

Сийө юр вывсянныс кок улөдзыс видзөдліс-мерайтис юасысьсөс, чөв олыштөм бөрын довкнитис юрнас пытшкөс өдзөс вылө.

— Олег Петрович сэн, пыдіас.

Туланов ки пыдөснас шылькнитис-лөсьөдыштис дзугсьөм юрсисө да пырис пытшкөсса жырьяс.

— Туланов?.. Чимьельсянь?

— Чимьельсянь, Олег Петрович. Пакет вайим,— Туланов перйис куртка зепсьыс да водзө воськов вөчөмөн мыччис пакетсө Лунинлы. Лунин чеччис пызан сайсьыс, киасьөмөн видзаасис Тулановкөд да бось-тис пакетсө.

— Видза олан... Фёдор Михайлович вед, буракө, помнитсьө... Сидз вед?

— Сидз, Олег Петрович. Паметьныд тай тиян бур,— нюмдіс Тула-нов.

— Пуксьы, Федор Михайлович, висьтав, кызди да мый тиян Чимь-

ёлын, кутшом выльторъяс? Мый бурсы?— пакетсö восьтигмоз юасис Лунин да век на видзöдис Туланов вылö, мыйкö, буракö, нöшта кöсйис дум вылас уськöдны.

— Выльторъяс йывсыд вед, кöнкö, Семиненко да Мамедов гижисны пакетад. Сийöн мянöс срочнöя и ыстисны.

Письмöсö лыддис да Лунинлөн быдсөн чужöмыс вежсис: и радлун, и повзём, и майшасьём — ставыс öтлаын чужöм вылас лои, и пыр жö тэрмасыны пондис:

— Туланов, Илья Яковлевичлы колö öдйöджык висътавны,— корис сийö Педьöс, и мöд жырьöдыс петигмоз тшöктис öдзöсдорса пызан сайын пукалысьлы:— Мальцев, корсь Криволаповöс да висътав сылы, мед пырысь-пыр локтас Гурий дорö. Шу, Чимъельсянь выль юөр воис. Котөрөн.

И ачыс котөрөн моз жö мунис коридортис, весиг бöрас эз видзöдлы, локтö оз сы бöрся Туланов. Сöмын начальник дорö пыригас нин бергöдчылис да дженьыда чöвтис:

— Тан виччысьлы.

Коридорсяныч он на вöлөм сразу Илья Яковлевич дорад веськав, а сы дорö пырны вичысян жыр на вöлөма. Сэни, öдзöс бокас сулалысь пызан сайын, пукалис гимнастёркаа том морт, стенъяс пöлöныс сулалисны уна бöра улöс. Туланов пуксис медматысса улöс вылö. Здук-мöд мысти петкöдчис тэрмасысь Криволапов да воськовсö надзмöдлытöг жö шарсйис-пырис Гурий кабинетö. Гимнастёркаа том морт нинöм эз шу, сöмын синъяснас колльöдис сийöс.

Педьöлы дыр пукавны эз ковмы — Гурий кабинетысь мыччысьлис Лунин да чукöстис сийöс сэтчö жö.

Илья Яковлевич видзаасис Педьöкöд киасьмөн, тшöктис пуксыны уджалан пызан водзас сувтöдöм, турунвиж нойөн жö вевттьём, кузь пызан сайö — Луинилы да Криволаповлы воча, ачыс бөр аслас местаö пуксис да корис Педьöс:

— А ну-ка, Федор Михайлович, аслад кывъясөн мянлы висътав ставсö, мый сэн лои.

Туланов кутис спуги-спуги висътавны аслас сийö лунся смена йылысь: и кызди найö асывнас буритны заводитисны, и кор первойись скважинаыс чуркыны заводитис, сэсся кызди грымöбтис-луйис öтчид, дай мöдысь — вышкалысь йывсö джынсö пасъвартис, и небесаас вылö качис лöз сюръя. Газ фонтан пö, Семиненко да Мамедов шуöны. Кызди найö повзисны да ставныс вөрö пышйисны, соссытöг висъталис и...

— Чимъельысь ылыстчигөн часысь дыр кывтим да век кылис сылөн омлялöмыс.

Гурий Миш Педьö висъталигөн на чеччис пызан сайсыс да кутис тшолкъявны певъяссö тасма костас суйöмөн, да Тулановлы ковмис бергöдчöмөн висътавны.

— Ну-у, главнöйяс, мый шуанныд?— Гурий сувтис пызан дорас да стрöга видзöдис Криволапов да Лунин вылö.

— Семиненко да Мамедов докладнöйись да Туланов висъталöм серти ми аддим газ чужан места. Ена радлыны эськö позьö... Да восьса, висъталöм сертиыс ыджыд давлениеа газ фонтан — тшöтш и ыджыд öпасность...

— Мый колö пырысь-пыр вöчны, медым сийöс бөр тупйыны?— юалис Илья Яковлевич.

Лунин видзöдлис Криволапов вылö.

— Бакуын меным ковмылис восьса фонтанъяс топöдлыны... Нефть фонтанъяс. Но газ фонтан, да нöшта ыджыд давлениеа фонтан мен эз на сюрлы... Но мед, быть колö кызд-мый позьö öдйöджык сийöс тупйыны,— кыв кöрталис Криволапов.

— Мый колö?— дженьыда юалис Гурий.

— Ыджыд давлениеа насосъяс.. Мукōдыс сэн места вылас эм,— вочавидзис Криволапов.

— Лун джын тэныд, Иван Васильевич, колана йōз да оборудование чукōртōм вылō, и талун пажын бōрын колō найōс мōдōдны Тулановкōд тшōтш Чимъельō,— тшōктис Гурий.

— Йōзыс Чимъельын эм, а вот насосъяс кузя зэв тōлка механик выим да сийōс ковмас босътлыны. Тшōктōй, мед пропуск гижасны,— корис Криволапов.

— Ачыд тōдан, кодī тэд колō. Висьтав Климинлы, мед пропускō гижас, а ме кырымала. Висьтав, мед тшōтш пыж кысысыясōс бōръяс. Кымын верст Чимъельōдз ва кузя?— юалис Гурий.

— Кыксē квайтымын витōс мерайтлисны,— вочавидзис Криволапов.

— Вōлōн дас верстōн час позьō ва паныдсō кыпōдчыны? Тэрмасигōн да ёна зильōмōн и ойдйōджык на позьō. Оти вōла кыскō, мōд дас верст сайын, шуам, водзын виччысō, нōшта кык вōла водзō мунōны виччысыны и сідз водзō. Кымын вōла колō, сымынōс колō и ыстыны, медбōръяссō, мед оборудование тыра пыжъяссō нōти минут сувтлытōг катōдны Чимъельō. Насос катōдысыя водзō сэтшōм мог и сувтōдны: суткиōн воōдчыны.

— Илья Яковлевич, кыксē квайтымын вит верст ва паныд суткиōн... Оз вермыны,— качайтыштис юрнас Криволапов.

— Вежласян вōвьясōн?!— Надёжной йōзсē бōрийōй, тōвся туй тōдысыясōс. Мед веськыдалигъясас юсō эз жō воштыны. Асныд шуанныд, ыджыд опасность эм. Тэрмасыны колō. Ладнō: суткиōн-джынийōнōн мед сэнī вōлисны. А асьным талун корам да аски гидропланōн лэбам. Сюрас сэн матигōгōрын сылы пуксымōн вомын?— юалис Тулановлысь Илья Яковлевич.

— Чимъель вомсяныы на эськō и вомын заводитчō да. Верст кузя кымын, тырмас кō?

— Сылы кыксē-куимсē метр кузя кō эм — тырмас. Бур сідзкō. Ставыс, лōсьōдчōй. Иван Васильевич, тшōкты, мед чимъельсаясōс вердасны-юкталасны, и ставныслы вылō, кымын морт лōо мунысыыс, сēян-юансō сетасны,— тшōктис Гурий и лэдзис ставнысō.

Кык пыжа пажын бōрын кывтисны Уквавомōдз, а сэнī первой верзьōма вōла нин виччысис. Вōлыс вōли и сийōса и седлōа. Ыджыдджык да сьōкыдджык пыж бōжас кōрталисны Педьōяслысь дзольджык да кокниджык, кōть и груз тыра жō, пыжсō, воддза пыж шōрас лōсьōдōм тасō кōрталōм гезлысь мōд помсō кōрталисны вōв сийōс гужиō. Дзольюса механикōс сувтōдисны бōръя пыжас, а Педьō Ветошкинкōд сōлисны воддза пыжас. И заводитчис вōла пыжъясōн мунōм-катōм. Личлэдзлытōг, тэрмасьōмōн, мед урчитōм кадō воōдчыны Чимъельō. Веритны позьтōмтор жō эськō Уквавомсянь Чимъельōдз суткиōн кайōмыд да! Мортыд тай быдтор вōлōм вермō вōчны, Чимъельō воисны мōд рытнас, шондī лэччōм бōрын регыд. Артыштисны да сутки да окмьс часōн восьōма налōн!

Гидропланыд волōма нин и бōр лэбōма, экспедицияса начальникōс нуōма. А Лунин да Криволапов найōс виччысисны да сразу кутисны командуйтны пыжсыыс ректысьōмōн да вайōм оборудованиесō бурвōй дорō новлōмōн.

Кык вежон чōж Криволапов веськōдлōм улын тышкасисны газ фонтанкōд, да вермис вед Иван Васильевич, личкис-лямōдис, лōнбōдис сийōс и кōртō дорис. Кōрт заглушкасō Иван Васильевич ачыс зэлōдис, веськōдчис да сьōлбмсяныыс дōрōм соснас ниртыштис кымōс-чужōм вывсыыс пōсьсō, шылькнитис тошсō. Ачыс долыда нюмъялис, матыстчис орччōн сулалысь Лунин дорō да сывйыштис сийōс:

— Поздравляйта, дона Олег Петрович! Газ чужан местаыд мяян кыын. Инды, кōнī буритны выль скважина!

Час мысти Криволапов да Луин чукөртисны собрание вылө чимьельса став уджалысьяссө да олысь-вылысьяссө. Сёрнитис Криволапов:

— Экспедицияса юрнудысьяс нимсянь ме ставнытө чолөмала ыджыд вермөмөн: ми аддзим озыр газ чужан места, и көть сийө и чепөйылис да көсйылис мынтөдчыны миян киясь, но ми вермим сийөс көртвомавны. Онi миян водзын ыджыд кыв кутана мог: дженьыд кадөн буритны выль скважина, сийөн вынсьөдны аддзөм газ чужан места да лөсьөдчыны босьтны сэтысь озырлунсө.

Криволапов бөрын сёрнитис бурмастер Семенов:

— Ме чуксала ставнытө талунсянь сувтны ударной вахта вылө, мед өйдөджык сувтөдны выль вышка да буритны мөд скважина. Сийө лөб миянсянь выль, мөд пятилеткалы козин. Кодi сөглас сувтны ударной вахта вылө, лэптөй китө.

Ки лэптытөм морт некод эз коль.

Луин мөд скважина буритан местасө индiс первойскөд пөшти орчөн — сө ветымын метрөн лунвылөджык, и бара сэтчө тувьялисны кыз майөг, и Криволаповкөд сийө жө ритнас кывтисны Чимьельсы.

Август помын чимьельса бригада вылысь нин дась вөли заводитны буритны. Но өтчыд Чимьель весьтти бара лэбис гидроплан, кытшовтiс на весьтти да пыр улөдзык и улөдзык лэччис и, тыдалө, Чимьель вомынө пуксис. Семенов котөрөн мунис вадорө, а сэтысь локтисны витөн нин: Семеновкөд тшөтш вөлины Илья Яковлевич, Иван Васильевич, лётчыкыс, буракө, да Миш Педьолы төдтөм военной шынеля жө да кияс портфеля том морт. Локтөм бөрас Семенов сразу тшөктис чукөртчыны олан баракө собрание вылө.

Сёрнитис на водзын Илья Яковлевич.

— Ме көсья юөртны тиянлы, мый миян экспедиция дженьыдья кадөн восьтис кык нефть чужан места, Дзольюскөй да Нярьягинскөй, и тани со сөдтөд нөшта и озыр газ чужан места. Тайө ыджыд вермөм, и Советскөй правительство вылө доньялис миянлысь, Войвыв му пытшкөсысь озырлун корсысьяслысь да босьтысьяслысь, удж да унаөс, кодьяс петкөдлисны асьнысө бур уджын, пасйө наградаясөн. На пын тиян бригадаысь Туланов Федор Михайлович...

Педьө виччысьтөмысла йөжгыльтчис, злөдчис. А экспедицияөн веськөдлысь видзөдiс веськыда сы вылө, нумьялис да водзө висьталис:

— Сийө индiс миянлы газ чужан местасө... Уджались асьсө жалиттөг, век дась вөчны көть кутшөм удж. Таысь правительство видлалис да вештис сы вылысь мыжсө август 2 лунсянь.

Педьөлөн кутис юр вежөрыс бергөдчыны. Сийө мыджсис мышнас барак стенас, тупийс чужөмсө ки пыдөсьяснас, а сөсся нөжйөн бөр восьтис синьяссө. Ставыс места вылас колис: и сулалысь Илья Яковлевич, и нарьяс вылын пукалысь ёртыасыс... Сидзкө, абу тайө вөтын, а вемөсын... И Илья Яковлевич водзө сёрнитис:

— Оттшөтш мупытшкөсса озырлун корсьөмын ыджыд заслугасысь Всероссийскөй Центральнөй Исполнительнөй Комитет наградайтө Туланов Федор Михайловичөс «Ударник-ухтинец» почөтнөй знакөн да премируйтө сө ветымын шайтөн... Экспедиция сылы вештө август төлысья удждонсө — ветымын квайт шайт. Федор Михайлович, волю татчө, — корис Илья Яковлевич Педьөс.

А сылөн кокьясыс эз кывзысьны, сувтныс эз вермы... И юрыс бергөдчис. Сувтис жө эськө сөсся мырдөн, кольмөм морт моз шатласитырийи нөжйө-нөжйө нарьяс косттыс веськөдчис Илья Яковлевич-лань.

Илья Яковлевич босьтис том морт киясь бумага лист, дзольяник көрөбка, книжка да конверт.

— Вот тэныд справка, Федор Михайлович. Сы серти быд районса

милицияын тэныд сетасны вьль паспорт. Поздравляйта, Федор Михайлович, став съёләмсянь,— Илья Яковлевич чорыда топөдліс Педьолысь кисо. Сэсса көрөбкэсыс перйис орден кодь значок да нем жалиттөг пискөдіс Педьолысь вöсньыдик съод кожа куртка морөссө да крепитіс Знаксө, сетіс сылы дзоляник книжка да вьльысь топөдліс Педьолысь кисо.— Нöшта öтчюд поздравляйта. Тайö наградытөм йылысь удостоверение, видз. А этайö конвертас премияыд да август төлысья удждоныд. Собрание бөрас, Федя, матыстчывлы ме дорө, колльөдан менö ю дорөдзыс.

Сэтшөм жö срок дженьдөдөм мыжысь мездөм йылысь справкаяс и наградной знакъяссө сетісны Семиненколы да Головин Кузьмалы. Но Туланов лөка кыліс и аддзис, мый вöчсис тайö баракас — окота öні жö петны татысь да котөртны вöрас... Но Миш Педьö пукаліс мышнас стенас жмитчөмөн, вөрзөдчывтөг, сөмын öти мөвп юрас клэнгис: «Вöля!.. Вöля!.. Аски... Талун, окотита кө, верма мунны... Ульяналысь гусө видзөдлыны-лөсьөдыштны... Челябинс адзөдлыны да босьтны ас дінö...»

Криволапов кольччис Чимъяльö — ачыс көсийс вьль скважинасө заводитны буритны, а Илья Яковлевич собрание бөрас пыр и бөр мөдөдчис. Туланов ывлаас нин вежавидзана матыстчис экспедицияөн веськөдлысь дорө.

— Ну-у, Федор Михайлович, кыдзи асьтө кылан, герой?! — читкырасьмөм нюмъяліс Илья Яковлевич, друг мортлы моз шлапкис Педьолы сывийштитгмоз пельпомас да веськөдіс сійөс орччөн мунны ва дорлань.

— Ачым ог төд. Пола — вөт кө тайö, Илья Яковлевич, а?!

— Лыдды, тэнад лөк вөтыс дыр кыссис, но бөрö нин сэсса коліс. Мый көсьян водзө вöчны?

— Эг на сайкав, эг на удит думыштыны. Ме сөмын төда вөлі: первой вöля лунсянь меным колө мунны гөтырлысь гусө да челядьөс корсьны. Налысь прöца корны: ас көсийтөгыс вердысь-юкталысьныс да дорйысьыс эновтіс найөс...

— Ветлыны, дерт, колө. Съөлөмыдыл и челядьыдыл кокныдджык лөб. А ветлан да бөр лок уджавны. Тэ öні бур ключник нин, водзө вьлө мастерөдз верман воны. Ачюд төдан, миянлы бура уджалысьяс өна колöны. Сэсса вед тэисыд чужан местаястө көсьям вьль ног ловзөдны. Тани карьяс стрөитам.

— Ог на төд, Илья Яковлевич. Аски, көнкө, ме и пета тасянь туйө, Кулөмдинлань. Мамө дорө весиг ог пыравлы. Кузьмаөс, Головинөс кора, мед сійө денга лэччөдас мамөлы. Сылы талунсянь позьö мунны,— морөс тырнас ышловзис Миш Педьö да öтарө-мөдарө видзөдліс туйбокса вөр вьлө.

— Юрий Иванович,— шыөдчис Гурий сійөс колльөдысь жö Семиненко дорө.— Тулановлы колө вьль паськөм сетны. Оз позь киссьөм, няйт паськөмөн йөзө лэдзны, мед экспедиция лөка эз нимава.

— Пасьтөдам и көмөдам Федор Михайловичөс, Илья Яковлевич,— көсийсис бурмастер.

Илья Яковлевич прöщайтчис Тулановкөд Изьва кыр йылын. Сійö топөдліс Миш Педьолысь кисо:

— Кысь менө корсьны, ковма кө, тэ төдан. Ме надейтча, мый водзө тэнад ставыс бур сэсса лөб. Аддзысьлытөдз, Федя,— Илья Яковлевич вильыш детинка моз читкыртліс син пөвсө, гогнитіс юрнас да котөрөн лэччис гидроплан дорын сійөс виччысьысьяс дорө.

Гидроплан пропеллернас ыджыд төв нырөн гызьөдліс лөнь ва веркөссө, вомын кузяыс кайліс вьлө, сөні бергөдчис, өдзөдчөм бөрын шывгис-кыпөдчис да ургөм шыыскөд тшөтш саяліс вөртас сайө.

Муас лэччылөм югыд шондыс Педьөлөн бөр кыпөдчис енэжас.

Кызди и кӱсыйлис Педьӱ, асывнас и петис туйӱ. Мамыс кузя сӱр-нитчисны Кузьмакӱд, сылы дзоляник мешӱкӱ ӱртӱясыс лӱсьӱдыштисны сӱян-юантор. Юрий Иванович тшӱктис вежны Педьӱлы кӱлуйсӱ. Ставӱс выльӱс сетисны. А туйыс Педьӱлы вӱли тӱдса; тасянь веськыда петас да тӱвся туйӱд подӱн и мунас Кырӱядинӱдз.

4

Кулӱмдинын Тулановлӱн могӱясыс — аслыс паспорт лӱсьӱдны, Ульяна йылысь тӱдмавны, челядь йывсьыс юасыны — ставыс милицияӱ люкаси да сӱтчӱ сӱсся некытчӱ сувтлытӱг и пырис. Чатрасыштис коридорас да тотшкӱдчис «Зам. начальника» вывескаа ӱдзӱсӱ.

Пызан саяс пукалис морӱсӱсӱ портупейӱн накӱсалӱм том морт. Сийӱ бугжылясян видзӱдласӱн донӱялис пырысьсӱ да юалис:

— Мый колӱ?

Туланов перйис пытшкӱс морӱс зепсьыс справкасӱ, матыстчис пызан дорас да мыччис бугжылясьысь начальниккӱс вежысьлы.

— Паспорт,— дженьыда висьталис Педьӱ.

Пызан сайын пукалысь дыр лыддис справкасӱ, буракӱ, эз ӱти пӱв. Сӱсся орӱдчис да видзӱдлис Туланов выльӱ.

— Кулак?

— Крестьянин... Вӱли. ӱнджыкасӱ кыйсьысь.

— Прӱстӱ крестьяниныс миян ӱни абу. ӱм колхозник, единоличник либӱ кулак,— гӱлӱснас тӱдчӱдис асьыс кывӱяссӱ тшап начальниккӱс вежысь.

— Код тӱдас ӱни кодӱ, вит воысь дырджык нин сиктӱ эг волы да. Ключникӱн вӱли бӱрӱя вояссӱ, бурильщикӱн — мӱд ног кӱ. Нефть корсим.

Тӱдчӱ вӱли: милицияса начальниккӱс вежысьлы эз вӱв сӱлӱм вылас Тулановлӱн торӱя вежавидзтӱг сӱрнитӱмыс, да водзӱ бугжылясис.

— Срокись водз лӱдзисны?— юасис, а гӱлӱс шыас кылыштис эскытӱм шы.

— Куим во чинтисны бура уджалӱмысь.

— А ӱни сӱсся кытчӱ?

— Татчӱ на... Гӱтыр татӱн кувсьӱма да... Гусӱ колӱ корсьлыны...

Челядьӱс да...

— А водзӱ? Татчӱ али мый кӱсӱян кольчыны?— колӱ ли оз, эз дугды юасӱмысь начальниккӱс вежысь.

Миш Педьӱс тайӱ скӱрмӱдис да дзик сылы вильшасӱм ради нин висьталис:

— Ог на тӱд. Экспедицияӱн веськӱдлысьыс, Гурий Илья Яковлевич, госбезопасностьса старшӱй майор, корис да, гашкӱ и, бӱр на сӱтчӱ муна. Нефть корсьны да перйыны.

Бара юр вывсьяныс кок улӱдзыс видзӱдлис Туланов выльӱ, но небзыштис мортыд. Сӱтшӱм ыджыд званиеа начальник кӱ сийӱс ячыс корӱ, колӱкӱ, ськӱд и видзчысьмӱнджык колӱ... Пызан йӱрсьыс перйис бланк, мыччис Тулановлы.

— На, гиж заявление. Куим фотокарточка колӱ. ӱм?

— Абу,— пыркнитис юрнас Туланов.

— Тайӱ уличаӱдыс кык керка сайын снимайтчысь уджалӱ. Паспорт выльӱ шу. Ваян да и паспорттӱ оформитам,— и Тулановлысь справкасӱ вештыштис пызан пельӱсас, петкӱдлис, мый сӱрниыс налӱн эштис. Но Туланов эз на пет, сылы колӱ вӱли Ульяна йылысь быть юавны.

— Кӱсӱя нӱшта юавны,— падӱялыштӱм бӱрын шыӱдчис сийӱ.— 1929 вося июнь тӱлысьын тани, КПЗ-ын пӱ кувсьӱма Туланова Ульяна

Ивановна... Менам гөтыр... Коді вермас меным мыйкө висьтавыны? Кытчө гуалисны?

— Пырав витөд кабинетө, Рассыхаев дорө,— дженьыда висьталіс тшапитчыс том морт.

— Аттё,— мурста төдчымөн копыртліс юрсө Туланов да петіс.

Рассыхаев — олома морт нин, паськыд вижөдөм усьяса. Кызис Тулановлыс висьталөмсө-юалөмсө да перйис көрт ящикыс ыджыд книга, листалыштис сійөс, адзис, буракө, колана гижөд да кутіс лыддыны:

— Туланова Ульяна Ивановна, 1900 года, кулачка. Поступила из села Изъядор 8 июня 1929 года. Умерла 15 июня 1929 года. Причина смерти: острое двухстороннее воспаление легких. Похоронена на кладбище села Усть-Кулом.

Педьө кортөг пуксыс өдзөс дорас сулалыс улөс ыылө. Кыясыс и, кокъясыс и — ставыс лигышмуні. Кольлөма на мой сьөлөмас кутшөмкө надеятор, а тайө милиция книгаас гижөдыс и сійөс бырөдіс? И нимыс, и вичыс, и кадыс, и висьөмыс, и местаыс — ставсө стөча пасйөма. Туланов юрсө өшбөдөмөн пукаліс өдзөс дорас.

— Ме сэсыя содтөд нинөм ог вермы висьтавыны,— шыөдчис Рассыхаев.— Туланов, кылан?

Туланов ньөжйө кыпөдіс юрсө, нинөм адзытөм видзөдлассө сувтөдіс Рассыхаев ыылө.

— Кылан, мися, Туланов? Тайө гижөдсыс өтдор ме сэсыя нинөм висьтавыны ог вермы.

— Гу местасө кодкө меным вермас оз петкөдлыны?— Педьө ньөжйөникөн кутіс воны ас садяс.

— Ог төд бара... Вит воыс нин унджык коліс да...— чукрөдіс плешө Рассыхаев.— Эны, сэні мян дыр стөрөжикаалис Вась Матрен. Кывтыдпомыс Лодыгина Матрена Васильевна. Гашкө, сійө помнитө, нывбабасыд вед сэтчө гежөдджыка веськавлөны да... Тима Вась Матренлыс керкасө юав да висьталас.

Тима Вась Матренлыс керкасө индісны мир туйбокса мөд радыс. Вась Матрен, квайтымын саяс арөса нывбаба, тыдалө, пукаліс өшинь дорас да ки помыс вурсян крукө крукалөмөн вурсис ли, дөмсис ли.

— Бур лун... Кузь нэм да... Тани олысыяслы,— вежавидзана видзаасис Туланов да ен ув пельөсланьыс бергөдчөмөн пернапас чөвтіс.

— Шойччы-шонтыс, ветлыс-муныс,— зөлөдчөмөн дыр видзөдөм ббын вочавидзис Вась Матрен.— Эг тай төд, коді лоан-а?

— Ме Изъядорыс да... Он, дерт, төд... Туланов ме,— надеяөн, гашкө, мыйкө Вась Матренлыс дум вылас уськөдас, висьтасис Миш Педьө.

— Изъядорыс, шуан?.. Туланов?.. Но-но, ылысянь тай локтан... Пуксы...

Но мыйкө, буракө, паметяс Вась Матренлөн вөрзис жө. Миш Педьөлыс кажитчис, быттьө сійө ёна зіліс мыйкө дум вылас уськөдны.

— И-изъя-а-до-орыс... Изъява йылыс, сідзкө... Гашкө нө, мөгөн ме дорөдз да?

— Мөгөн. Зэв ыджыд мөгөн, Васильевна,— вичнас ыдждөдліс Вась Матренөс Миш Педьө.

— Сідз, сідз, дитюк, Васильевнаөн ыдждөдлісны,— дөвөля гогйөдлыштис юрнас Вась Матрен.

— Вит во сайын, 1929 вося июнь дас витөд лунө татчөс көпөзөын кувсьөма Туланова Ульяна Ивановна... Тэ сэні уджалөмыд да он помнит?

— Го-ос-с-по-ди-и-и... Гашкө, верөсыс да?— шлапкис пөрыс нывбаба кияснас да кыскыштис нырнас.

— Да,— дженьыда вочавидзис Педьö.

— Кызди нö ог, шонъянöйöс... Менам син водзын сотчис и куcis... Сэтшöма, коньöранöй, вийсис-шогсис... Сэтшöмыд сэсся кувтöдзыд нин сьöлöмсьыд ни вежöрсьыд оз вушйив.— Вась Матрен чышъян помнас чышкалис синъяссö. Сэсся тубралис вурсянсö да нуис гöбöч вылас.— Вай личöдчыв, дитюк, пöрччывлы вылыс кышöдтö. Сидзкö, вед — меным унатор колö тэныд висьтавны. Час, ме тэныд нурьясьыштны первой лöсьöдышта.

— Ме ради кö, оз ков, Васильевна. Ме неважөн на пызан сайысь, эн тöждысь.

— Но, сидзкö, позьö, дерт, и нöрöвитыштлыны,— пыр и сöгласитчис Вась Матрен, бöр локтис да пуксис пызан помас, шуйга кисö сюйыштіс киняулас, а веськыднас öтырышъя чышкалис чышъян помнас синъяссö, чужöм кузяыс люзыгысь синвасö. Висьталіс ньöжйö, тшöкыда дыр кежлö ланьтлывліс, мед асьыс сьöлöмсö лөньöдны.

— Вайисны сійöс, коньöр аньöс, висьысьөн нин. Биа висьöмөн туй вылас висьöма. Кöдзыд ю вомөн пö келöдисны. А жарыс нин содіс и содіс сьлөн, да сэсся кувтöдзыс эз и чинлы. Пельшарыд эськö быд лун жö воліс да, порошокьясыд тай эз отсавны... Сьöлöмыс, буракö, коньöр аньлөн ёна висис... Тіян вöсна... Помся казтыліс челядсьö... Тэнö да... Батыс пö абу да... Öтнаныссö пö коли... Ен пö менö оз прöстит... Ёна, ок, кызди сійö вийсис-шогсис... Сы вылö видзöдигөн аслам сьöлöмöй вöлі потласьö... Вежон вед и оліс... Менö вöлі лэдзöны сы дорö... Пöсь чай вöлі пузьöдла да мый да... Мöс вöра йов вайлі да... Оз вöлі нинöм сөй... Куш ва вылын оліс... Лолыс, буракö, оз вöлі шогысла примит... Менö пö мортöс вины уськöдчылöмысь мыжалöны... А эн пö верит, Матрен, некодлы... Эг пö некодöс кöсйив вины, ни эг уськöдчыв... Ен пö видзис... Сöмын пö тай öти пеж долысь эз видз... Ставсö пö кутшöмкö Зильгун ли кызд ли, шуис, лöсьöдлö...

— Зильган Петыр Вась?— ловсö кутöмөн висьталіс Педьö мустöм мортлысь нимсö.

— Вот, вот, сидзи и шуис, пеж лов пö, нарошнö пö, смекайтчыны да мед мыждыны — пыравлöма. Ставсö мен Ульянаыд висьталіс...

...Ульяна буретш сера паличөн челядыслысь пелалöм дөрöмгачсö да кызчышъянъяе валайтис. Зильган Петыр Вась пырис керкаас да кутіс жерйöдлыны пињьяссö:

— Но-о, матрос кок вольöс... Кулачка... Коді вөрмис?!

— Енма ради, весась син водзысь... Пеж лов тэ, пеж лөв... И кызди сöмын тэнö муыс кутö?! И мыйла ме сэки Педьбöс куті? Сэк колö вöлöм тэнö бурас велöдны... Мед йöзыс мынісны,— лöга, вир мустöм морт вылö видзöдлытöг, лөвтис Ульяна.

— А этайö аддзылін?!— лёкысь, дульнас пызйысьöмөн, сöдзöдіс Зильган Петыр Вась да пига шамыртöм чуньяса кулаксö сюйыштіс Ульяналы дзик ныр улас.— Эн кöсйи мекöд, томджыккöд... Кöні öні тэнад пöрысь сюзыд?! Кулак! Сэн сьлөн и местаыс, и мед сэні сисьмас. А ме öні власть...

Зильган Петыр Вась тшолкнитіс джодж кузяыс öдзöсланьыс, но бöр бергöдчис.

— Кызди шуа, сидзи и лөö. Öні эськö, кöнкö, тэ и жалитан да, меным аслым нин он ков... Гашкö, öти вой кежлö кö-а... Гажыд вед, кöнкö, ёна нин бырис...

Зильган Петыр Вась кань моз матыстчис да бöрсяныс тшапкиссьыйыштіс Ульянаöс морöс увтіс. Ульяна песовтчис-нетшыштчис пеж киясысь и öдöбыввьыс сьлөн сера паличыс колскысис катовтчöм Зильган Петыр Васьлы плешас. Сійö чашкөдіс синъяссö, кутчысис юрас да пласьт грымгысис джоджас. Ульяна стракысла кынмис места вылас. Но Зильган Петыр Вась здук-мөд мысти сайкаліс, видзöдліс

вирёсь ки вылас да палича Ульяна вылысь синсё Вештывтөг, шуйга кинас гырдоьсь плеш бокас кутчысьбөмөн, бөрынтьчис-бөрынтьчис, а сэсся чепөсийс ывлаас да кылө кутіс лёкгоршөн горзыны кильчө вылас:

— Кулачка көсийс менө вины! Видзөдлөй...

...— Со вед кутшөм лёк йөз эмөсь му вылад... Со вед кызди мы-жалөмаөсь,— помалис висьталөмсө да юрнас довкидліс Вась Матрен.

Миш Педьөс Зильган Петыр Вась вылө лөгыс пөдтіс... Оні кө эськө веськаліс сійө!.. Оз вермы сылы прөститны Педьө... Мыйла бара сэки понлысь пиньяссө эз нетшкы... Пурсьөма эськө вөлі сылы! Эськө и оні Ульяна вөлі ловъя... И челядыс ськөд... И ачыс татшөм шог эз пык.. О господи, сет вежөр да вын овны водзө... Велөд...

Вась Матрен чеччис, восьтыліс көтшас пельбөсас сулалысь сундуксө да перйис гырысь гөрд дзоридзьяса сьбд шаль, пуктіс пызан вылас Педьө водзө. Педьөлөн сьблөмыс, буракө, дугдыліс тіпкыны.

— Танө со, кулөм водзвылас мен сетіс... Шуө, тайө пө меным челяд бөрын меддонатор. Босьт пө, Матрен... Қоркө пө, гашкө, казь-тыштан... Висьталан... Кула пө ме, Матрен... Войнас пө айкакөд нин аддзыслі... Мөд луннас сэсся лунтыр жарысла саяс эз волы, а шонді лэччигас лөнис да медбөръяысь лолыштіс. Төдөма, шоньянөй, мый корсясны, воласны...

Вась Матрен дыр кежлө чөв ланьтіс, шытөг бөрдіс. Педьө меліа, видзчысяна шылькнитіс ки пыдөснас чышъянсө. Син водзас сувтіс пельпомъяс вылас тайө шальсө плавгөм, нимкодълунөн да шудлунөн пөртмасысьс чужөма Ульяна, кор найө мамыскөд да батыскөд мөдысь локтісны Вась Иваньясө корасыны...

— Тайө шальсө ме Ульяналы, аслам невестапұлы, служба вылысь отпұскө волігөн на козьнавлі,— шога висьталіс Педьө.

Вась Матрен косөдіс синьяссө, чукрасьөм чужөм бан бокъяссө синвасыс, дыр видзөдіс Педьө вылө.

— Ок, ок, ок... Он вед, көнкө, вөлі төд да... Оз өд позь шальтө козьнавыны... Нөшта и сьбд шаль на дай... Сійө и вайис тіянлы ыджыд шогсө. На босьт да коль сэсся гөтыр гу вылад... Ошөд крест вылас да и коль. Медым тіян вылө плавгысьөм шог-печальсыс мездманныд. Кытчө бурсы муніс, мед сэтчө жө и лёкыс мунө.

Чөв оліс Педьө. Эз көсийс чөв-лөньсө торкны и йөзлысь шогсө кылысь бур сьблөма төдтөм нывбаба, коді, муртса на и аддзысисны, а бур рөдня кодь, матысса, дона мортөн Педьөлы лои.

— А гусө, Васильевна?.. Төдан?..— полөмпырысь юалис Педьө.

— Кызди нө ог, дитюк. Быд празник лунө кежавла. Бытьтө ассым нылөс вошти.

Педьө пыр и мөдөдчыны кутіс.

— Гашкө, нурьясыштан первой?— жалитөмөн юалис Вась Матрен.

Педьө пыркнитіс юрнас да лөсьбөдчис петны.

Қладбище вылын Вась Матрен вайөдіс Педьөс арся вижөдөм турунөн вевттысьыштөм, дзоляник пөлөстчөм креста гу мыльк дорө.

— Вот, татөн Ульянаыд и куйлө,— пернапасасис да копыртчыліс гуыслы Вась Матрен.

Миш Педьө шамыртіс шапкасө шуйга кинас, матыстчис крест дорас да веськөдыштіс сійөс, пернапасасис, пидзөсчанысис да бан бокнас топөдчис крест бердас.

— Ме тіянөс, дитюк, өтнаныдтө кольла,— лөня шыөдчис Вась Матрен.— Менам верөс тані жө... Сизим во нин... Ветла гу вылас.

Вась Матрен тэрмасытөг ветліс верөс гу вылас, вөрөшитыштіс гу вылыссө, вөвлөм суседьясылөн да төдсаясылөн гуяс гөгөр кытшовтіс да вөлисти бөр локтіс. Но Миш Педьө кызди кольлі пидзөсчания,

сідз на и сулаліс крест бердас чужомнас топдчомн. Вась Матрен гу вылыссө вижөдөм турунсыс весалыштөм бөрын матыстчис Педьö дорö да небыда пуктіс кисö сылы юр вылас.

— Талун сэсся тырмас... Аддзысьлінныд тай... Аски бара волам...

Миш Педьö кыв шутөг кыпөдчис, пернапасасис да лөня, бөрö бергөдчывтөг ылыстчис гу дорсыс Вась Матрен бөрся.

Мөд луннас Педьö пажынөдз выль крест вөчис. Васильевналөн и чер, и пила, и струж — ставыс на аддзысис: верөсыслыс инструментъяссө пыр на видзöма. Ковмис, дерт, первой кеслысьны да зудьясьны.

— А керсö лок сарай пос улысь видзөдлам. Верөс жö на, шонъянөй, дасьтыліс кильчö вежны да эз удит.

Сарай пос улас идөра дасьтылөмаөсь дасысь унджык кер. Педьö төрыт на керка дорас матыстчигөн казьявліс: збыльысь Васильевналөн кильчөыс мужичөй кияс виччысис — вежнясьöма нин быдсөн. И өні крест вылө кер бөрйигөн думыштис, мый челядь дорö ветлас да бөр мунігас Васильевналы быть колö отсыштны.

Старайтчөмөн Педьö вөчис ставсö: лөсаліс да мичаа стружитіс, и өн да мича крест Ульяналы артмис. Крестас өсь пурт йылөн, кызди коркө батыслы сирөд мырйö, пыдөдз вундаліс: Туланова Ульяна Ивановна. Чужліс 1900 воын январь 7 лунö. Кувсис 1929 воын июнь 15 лунö. Крестсö вежны бара ветлісны кыкөн. Педьö пельпом вылас босьтіс көть и кос вөрись вөчөм, но вель на сьökыд крестсö, кияс көрт зыр, а Васильевналы тшөктіс тубыртны Ульяналысь шальсö.

Уджалисны кыв шутөг. Педьö перйис дзикөдз прөстмөм крестсö, орччөн, топыд муас кодйис выль крест места. Крестсö сэтчö сувтөдөм бөрын бура тыртис-топөдс сөдтөд изьяс сэтчö пукталөмөн, мед крестыс эз лег. Сэсся плавгис шог вайысь шальсö крест вылас, и... бара Педьö эз вермы кутчысьны, сьөлөмыс селькнитчис сир курыд синвалөн... Сывйыштис крестсö: «Бур аньөй менам, мусаөй... Сывйышти эськө тай да, сөмын тай пу пельпомъясыд сюри... Прөстит менö... Прөстит...» И шогыс бара кутіс летйыны Миш Педьöлысь тушасö, чаййыны морөс пытшкөссө, кызди летйис сійөс первойысь катер вылын, кор төдмаліс Ульянаөс воштөм йылысь. Быттьö өні мөдысь воштö асьыс медся дона, медся муса мортсö. Мыйтөм бара вермө морт сьөлөм терпитны?! Изйысь кө вөлі, важөн, қөнкө, эськө Миш Педьөлөн сьөлөмыс потласис...

Кык лун дорывыв водз асыв ветлөдліс Миш Педьö кладбище вылө. Миш Педьö сэнi дыр юрбитіс да молитва шөпкөдіс, сэсся медбөръяысь гу гөгөрыс кытшовтіс, лажынътчылөмөн быттьö гу вылыссө лөсьбөдышталіс да и прөчайтчис Ульянакөд. Мөдысь волөмөдз.

Кор Педьöлы сетісны паспорт, сійö лэччыліс пристаньö пароход вылө билет ньöбны. Пароходыс карөдз лэччис куим часын. Педьö ньöбис билет Дереваннөйөдз да котөрөн сорөн ветліс көлуйысла.

— Но, бур туй сэсся тэныд челядь дорөдзид, да пывав жö бөр мунігад, — Вась Матрен пернапасалис Педьöөс.

Педьö аттьөалис Васильевнаөс ставсыс: олөмсыс, вердөм-юкталөмсыс, отсалөмсыс да деньгатор кольыштис, мед Васильевна тшөтш и лөз краска ньөбас крестсö краситны. Вась Матрен эськө эз көйы босытны, меным пö аслым деньгатортö войнас пекарня стөрөжитөмысь сетыштöны да, но Педьö пызан вылас сылы пуктіс да тэрмасьөмөн петіс.

Пристань чөйөдыс лэччигөн нин пароходыс кутіс тутсыны — ветлысь-мунысьясөс чуксалис сөвны. Но кор мөдысь кутіс тутсыны-корны, Педьö вылыс палубаөдзыс нин удитіс кайны. Сійö эз көйы трюмас лэччыны, фуфайканад и тані, выліас, эз вөв көдзид. Сэсся сылөн өна нин гажыс бырөма разі-пелиөн, кодлы кызди окотаыс, ветлөдлысь йөзсыс да паськыд местаяссыс, и окота вөлі на вылө видзөдны.

И асьсё на кодьон жё кивны. А пристаняс сёмын нин ветлысь-мунысь-яссё колльодысьяс колисны. Гажа том йёз чукор выліас жё кайисны да ёна өвтчисны берегё кольчысьяслы, горзисны, сералисны. Пароходьс коймодысь тутөстөм бёрын вёсни гёлёсөн чилөстис, том матросьяс йёткыштисны пароход вылө каян поссё, каттисны-гартлисны домасян гезсё. Сэсса пароходьс колёсаяснас шлопкөдчигтырйи ылыстчис берегсьыс да ю шорас нин бергөдчис кывтыд. Кулөмдин өдйө кути ылыстчыны. Сёмын еджыд вичкоыс дыр на торъяліс руд керка вевт мыгөръяс пиын.

Пароход Дереванной весьтын нин кузя тутөстөмөн юөртис, мый сийө татчө кёсий сувтлыны, да заводитис бергөдчыны. «Вот и челядь дорөдз вои»,— пыдісянь ышловзис Миш Педьё, воысалис шуйга пель-помас дзоляник ноп мешөксё да матыстчис Дереванной чеччыны лөсьөдчысьяс дорө. Сийө видзөдіс гёра йылас тыдалысь еджыд вичко-дорса керкаяс вылө. Педьёлы төдса вөлі вичко дорыс— сәти муніс мир туй, войдөр сәни жө матын вөлі и земстволөн, и пошталөн керка-ыс. Оні сәсянь вадорө лэччисны йёз... Пароход дорө, дерт. Но вадорас и сідз нин йёзыс вөлі-а! Торъя нин уна вөлі челядь. Педьё юалис орчөн сулалысь нывбабалысь:

— Көні бара тан детдомыс-а?

Нывбаба видзөдліс Педьё вылө, чышкыштис кимышнас вом дорья-яссё.

— Тонө тай вадорас детдомыслөн стрөйбаясыс. Кык судта керкаас детинкаяс олөны, саяс директорьслөн да нывкаяслөн олан керкаыс. Эсийө, дзик вадорас тай, конюшня детдомыслөн жө. А ещө ылынджык— пес пилитаниныс, и чипасьясыс налөн жө,— окотапырысь висьтавліс нывбаба. Сэсся ачыс юалис:— Код дорө нө локтан?

— Менам сән челядь. Куимөн,— вочавидзис Миш Педьё.

— Но-о, батюшко-о,— жалитөмпырысь видзөдліс нывбаба Педьё вылө да мыйлакө батюшкоөн сийөс величайтис. Тош вөснаыс ли мый ли.— Тонө тай челядьыс сәтыс, ставныс пароход дорө локтөмаөсь. И тәнад на сәнөсь, дерт. А мамныс нө?

— Кувсис,— нөшта на дженьыдджыка вочавидзис Педьё. Ачыс жалитис нин, мый шыөдчис, сёрнитны-юасьны окоч баба вылө, буракө, вёськалөма да.

— Но-о... Царство сылы небесной, сідзкө,— пернапасасис нывбаба.

Миш Педьё петанинас матөджык вөрзөдчис, нывбаба дорысь ылыстчис, мед сәсся эз юась.

Поскөдыс лэччигас, муртса ваас эз усь, и берегас кайөм бёрын Педьё орөдчывтөг видзөдіс челядь чукор вылө, корсис төдса чужөмьяс. А, гашкө, челядь асьныс батьсө казяласны? Но ачыс эз аддзы төдса чужөм, ни сийөс эз чукөст. Да и кысь? Вит во да джын пөшти коли. Гришалы сэк дас арөс на эз тыр, а өні дас вит нин. Дзонь мужик, көнкө... А Октябриналы квайт арөс на сөмын и вөлі. А сийөс, дерт, оз жө төдны... тошка «батюшкотө»... Но Педьё вөк на надейтчыштис да ёна видзөдөмөн өткодямоз пасьтөдөм челядь чукор дінти муніс. Эз, ни синмыс эз крукасьлы, ни сьөлөмыс эз өддзивылы.

Миш Педьё матыстчис пароход вывсянь индөм директор керка дорө. Сәни тшайпода резина калөшиа шөр арлыда нывбаба эштөдіс кильчө поссё мыськыны. Казяліс Педьёлысь матыстчөмсө да вёськөдчис, вөдраас ветьөксө пожъялігмоз юалис:

— Код дорө нө?

— Меным директорьс колө.

— Некод абу, ставныс пароход дорө котөртисны.

— Ме виччысьла.

— Виччысьлы, колөкө,— сөглас сетис мыськасьысь, косөдіс мед-бөръя пос тшупөдсө, вылысь бура пожъяліс ветьөксө, пыдзыртис да

паськөдөмөн пунктис пос помас. Ачыс ведрасьыс васө койыштіс ыло луд вылас да калошияссө ветьокас ниртыштөм бөрын, Педьө вылө видзөдлытөг, пырис керкаас. Педьө сулалыштөм бөрын бөрыис кос постшупөд да кокъяссө ветьокас бура чышкалом бөрын жө пуксис директорөс виччысьны.

Детдомса директортө Миш Педьө ылысянь на төдіс паськөм да восьлас сертиис. Том нывбаба вөлі пемыдлөз юбкаа, сьөд жакет вылас кусынштөм воротника югьд лөз ковтаа и юбкаис кодь пемыдлөз берета. И матыстчис сійө зумьд восьласөн. Педьө кыпөдчис постшупөд вывсьыс да виччысис директорөс пост помас.

— Кодөс нө виччысянныд?— матыстчис Миш Педьө дорөдз, сувтыштліс да юалис зумьд восьласа нывбаба.

— Директорсө татысь,— Педьө видзөдліс сы вылө веськыда.

— Ме лоа директорыс. Мый колө?

— Тіянын менам челядь. Тулановъяс. На дорө локті.

— Ту-ула-анов,— нюждыштіс директор да ешө ёсьджыка видзөдліс Педьө вылө. Падъялыштөм бөрын содтіс:— Пырөй керкаас. Сэн сёрнитам.

Директор сэсся кайис кильчө поскөдыс да пырис керкаас. Сы бөрся вөтчис и Туланов. Қор Педьө пырис керкаас, директорыс пукаліс нин неьджьд пызан сайын. Пызан вылас вөліны бумага чукөр, чернила доз, стөкан тыр ручка-карандашъяс, пресс-папье, стеклөа карасин лампа. Оти пельөсын кабинетас сулаліс ьджьд шкап, стеньяс пөлөныс — бөра улөсьяс.

— Выим кутшөмкө документ, мый тэ Туланов?— стрөга юалис директор.

— Эм, дерт,— Миш Педьө перйис пытшкөс морөс зепсьыс дзык выль паспортсө да пунктис директор водзө пызан вылас.

Директор дыр видлаліс-листаліс быд лист бок, гижөмсө и гижтөмсө. Кыпөдіс видзөдлассө Туланов вылө.

— Тайө нө, паспорттө тэныд төрыт сетісны?

— Числөыс төрытъя, но сетісны Куломдін милицияын талун асыв,— стөчмөдіс Миш Педьө.

— Гражданин Туланов,— паспортсө сетөм бөрын шыөдчис букыша видзөдысь нывбаба.— Аддзысьлыны, дерт, лэдза. Но ме кьдз директор водзвыв өлөда: мед некутшөм лөк вылө велөдөмъяс, сёрнияс эз вөвны...

Талөн письмөыс, буракө, и воліс Чимъельө. Збыльысь сьөлөмтөм нывбаба вөлөма, тыдалө. Первойсяныс Миш Педьөлы эз вөв сьөлөм сертиис сылөн бугжылясьөмөн юасьөмыс, да терпитіс. Но бөръя кывъяс бөрас эз нин вермы кутчысьны:

— Тэнад нө аслад челядьыд эм абу?

— Эм ли, абу ли — ме найөс ог сет государствөлы быдтыны,— скөрись вочавидзис директор.

— Ме эг жө көйы, да босьтөмабсь... Тэ мам жө ачьд, гөгөрвоны должен: некутшөм мам ни бать асьыныс челядьсө лөк вылө велөдны оз кутны... Сэсся ме ачым Зимнөй дворец тшөтш босьтлі, отсалі Совет властьлы ёнмыны...

— Ме ог төд, мый вөлі,— эз лэдз водзө висьтавыны директор.— Ме төда: өні тэ колониясь, кьтчө пуксьөдлісны Совет властьлы паныд сувтөмысь. Қывзы, эн мешайт,— эз лэдз кыв шуны Миш Педьөлы, коді көйыліс суйсьывны да мыжтөг мыжалөм йылысь висьтавыны.— Тэ дыр пукалін да унатор нин он төд, дерт, и он гөгөрво. Сы вөсна вөйдөр кывзы, мый ме висьтала. Миян ныв-пиным батыяс вөсна абу кыв кутысьяс. Вот и Туланов Григорий миян вөлі отличникөн, пионерөн. Кулак батысьыс сійө өткажитчис да примитім комсомолө и ыстім велөдчыны техникумө... И сәні пө сійө отличник жө. И Туланова

Октябрина мян велөдчө бура, зэв жö активнöй пионерка. Миянлы партия да правительство тшöктöны, и ми зiлям велөдны челядьöс сiдз, мед быдмисны найö шудаöн, Сöвет властьлы да партиялы став сьö-лöмнас сетчöм йöзöн лоисны. Висьтала, мед тэ аслад волöмөн эн дзуг найöс, эн падмөд. Ме, кыз директор, та йылысь тэныд вылысь төд-чöда. Гөгөрвоана тайö?

Миш Педьöлы быттö пу тув юрас тувъялисны, сийö пукалис юрсö öшöдöмөн, йöжгыльтчöмөн. И сёрнитны да везыны кöсийм тайö спесь нывбабайскöд быри. Адзвылытöдзыс на эськö, сылы письмö вöмся-ныыс «Потолицына Е. А.» нимыс мустöм вöли. А öни адзис сийöс пызан сайсыс, кылис и лöгыс кутис петны. Аттьö, сё пасибö колö вöли сылы шуны: көмөд-пасьтöдö, вердö-юкталö, тöждысьö да велөдö сылысь челядьсö... А сылөн кывйыс оз бергöдчы. Лöгыс петö. Сийöс морт туйö пуктытöмысь... Енмöй, енмöй... И челядьсö мöй менсьым тшöтш мырддин? Рöднöй пи, Гриша öткажитчöма... батьсыс!.. Госпо-оди-и!.. Вежөртöм дона пиук, позьö мöй батьсыс-мамысь öткажитчыны?! Код-лөн нö грекыс?..

— А Георгий нö?..— лэптис юрсö Миш Педьö да полөмпырысь юалис пызан сайын пукалысьлысь.

— Туланов Георгий воддза во пышйис мян детдомысь. Но карын кутöмаöсь да сэтчö детдомö сетöмаöсь. Миянын сöмын Туланова Октябрина,— зурыда вочавидзис директор.

Некор коньөр мортөн эз кöсийв лоны Миш Педьö йöз водзын, көть кутшöм сьöкыд эз вöвлы сылы, да та пöрийö, буракö, выныс эз суйтчы сылы кутчысьныс. Сийөн нин, гашкö, и чорыд сьöлöма директорыс раммыштис ли мый ли, ачыс тай босьтчис ветлыны да Октябринаöс татчö вайöдлыны-а.

— Виччысьöй танi,— дженьыда тшöктис сийö небыдджык гөлöсөн нин да мунис.

Мый эськö и майшасьныс тадзисö Миш Педьöлы — рöднöй нывсö, кагасö асьыс виччысьö, а сылөн весигтö киясыс тiралисны, вом пытшкöсас пакталöма, лөньöдны асьсö оз вермы. Дыр адззысьлытöм вöсна? Али директорыс аслас сёрниөн содтöд повзьöдис? Ставыс, көнкö, Миш Педьö вежöрын öтилаö чукөрмис: и дыр кежлö челядькöд торьявлöмыс, и налөн мам кувсьöмыс, и Гриша йылысь повзьöдлан юорыс...

Муртса воссыштöм öдзöс костöдыс төрöдчис-пырис дзoляник нывка: тюпена, лöз чутöсь ситеч платтьö вьвтыис руд жакета, сылы гөгöрыс көрталöм гөрд галстука, сийö сувтис порог дорас джоджысьыс синьясьсö кыпöдлытöг. Сэсся муртса кежлö лэптыштлiс кузь сьöд синлысьяссö да видзöдлiс Миш Педьö вылö, и видзöдласыс сылөн сьöлöмас дзенгис: порог дорас быттö сулалiс уна-уна восайся дзoляник Ульяна... И чужöмыс, и синьясыс, и юрсиыс — ставыс мамыслөн кодь. Сöмын Уялөн видзöдласыс вöли збой да вильыш... А талөн — повзьöм да дзебсясьысь.

Миш Педьö матыстчис ныв дорас, небыда пуктис кисö Октябриналы юр вылас, шылькнитис.

— Октябрина... Эн мöй тöд батьтö?

— Тöдi,— юрсö лэптывтöг муртса кывмөн шöпнитис Октябрина.

— Помнитан, тэ ещö вöли полан ускөн гильöдöмысь да зэв ёна сералан?— казтыштис Педьö.

— Тоштöм вöлин да?..— мöдысь кыпöдлiс видзöдлассö батьыс вылö да бара öдва кывмөн шöпнитис Октябрина.

— Быдмис. Тэ тай со мый ыджа жö нин быдмöмыд. Лок пуксы,— Миш Педьö кидöны нүдiс Октябринаöс öдзöс дорсыс да пуксьöдiс аскöдыс орчөн. Ноп мешöксыс перйис кампет-печенньö кулэкьяс да мыччис нылыслы.— На сёй, тiянлы гöстинеч вайи.

Октябрина видзодліс кулёкъяс вылө, но босьтны кисө эз нуюд.
— А мянөс быд лун жө кампета чайон юктөдөны,— гөститөдчөм пыдди юөртис Октябрина.

— Бур. А тайө гөстинеч тэныд. Босьт, эн пов,— и вөзйис, и корис Миш Педьө, но Октябрина эз, буракө, и көсйы босьтны.

— А ми книга лыддим Павлик Морозов йылысь... Сійө пионер жө вөлі да кулакъяслы отсасьөмысь на бать йывсьыс кытчө колө юөртис, эз повзы... А тэ ачюд кулак... Совет властьлы паныд сувтөмысь колонияын пукалан,— батыс вылө видзөдавломөн ньөжйөникөн, веськыда шуис Октябрина.

Миш Педьөлы выльысь ныр-вомас сөтыштисны. Сійө синъяссө лапйөдломөн видзөдіс дона да муса Ульянасянь да ассяныс чуктөм дзоляник, сайласьтөг батысө өтдортысь морт вылө да эз төд, мый шуны. Сэсся тіралан киясөн, тэрмасьөмөн выльысь кутіс корсьысьны ноп мешөкас, перйис сэтысь көрөбкаө дзөбөм наградасө да удостоверениесө, разис тубрассыс да мыччис Октябриналы:

— На вот, лыдды,— паськөдөмөн сетіс удостоверениеесө нылыслы.— Тані батыд йылысь гижөма... Некор батыд Совет властьлы паныд эз сувтлы...

Октябрина полөмпырысь босьтис сылы мыччөм чорыд коркаяса дзоляник книжкасө да сувтавлөмөн кутіс лыддыны: «Удостоверение... Награждается... Туланов Федор Михайлович... За ударный труд... по освоению... Крайнего Севера... Председатель ВЦИК М. И. Калинин...»

Октябрина видзөдліс батыс вылө.

— Калинин?.. Ачыс кырымалөма?.. Тэныд?..— Октябриналөн синъясас ылькнитіс надея, ыджыд радлун.

— Ачыс тай со. А вот этайө и наградаыс,— перйис көрөбкасыс мича знаксө да сетіс Октябриналы.

Октябрина босьтис да дыр видзөдіс, бергөдлыштис, нюмъяліс.

— Тайө нө... Татшөм мичаыс... Орден?— юаліс Октябрина.

— Да, нылук, сідзи и артмө. Специальной орденом Войвыв му вылын бура уджалөмысь,— Октябриналысь ловзөбмсө аддзис да лөньыштис нин Миш Педьө.

— «Ударник-ухтинец»,— гора лыддис знак вывсьыс Октябрина.— Сідзкө, тэ ударник, орденосец, а абу кулак?

— Абу, дерт. Батыд тэнад кыйсьысь, уджалысь, но некор кулакөн эз вөв,— Миш Педьө шылькнитіс Октябриналысь юрсисө.

— Ба-атьө!— мытшъялыштөмөн шыөдчис Октябрина да вежавидзана видзөдіс батыс вылө.— Позьө, ме тайө Екатерина Анатольевналы петкөдла?.. Детдомсаяслы?.. Өти классын велөдчысьяслы?

— Позьө. Петкөдлы. Сідзкө...

Октябрина сразу чөпөйсид да котөрөн петіс керкасыс, кылө, кильчө вылас кутіс горзыны: «Екатерина Анатольевна-а!.. Екатерина Анатольевна-а-а!..»

Директор кабинетын рөмдіс нин. Миш Педьө некымынысь чеччыліс, ветлөдлыштис өтарө-мөдарө, а Октябрина век эз вөв. Локтісны найө кыкөн директорыскөд. Октябрина котөртис батыс дорө.

— На, батыө, петкөдлі!— радлан гөлөсөн гораа шуис Октябрина.— Вай ме, батыө, тайөс тэныд пинжак морөсад крепита.

— Позьө,— сөглас сетіс Миш Педьө. Сійө видзөдіс радлысь Октябрина вылө да нюмъяліс.— Сөмын пинжакөс ковмас мыйөнкө розьдны. Час, менам есь йыла пурт эм да сійөн колөкө.

Педьө восьтис перочинной пуртсө да мыччис Октябриналы. А сійө думыштчис, видзөдліс директор вылө, коді сэк кості биасыны удитис.

— Екатерина Анатольевна, кодар морөсас нө орденсө колө өшөдны?

— Шуйгаас, Октябрина.

Миш Педьö чуймис: гөлöсыс директорлөн вежсьöма, эз кыв скö-ралöм ни чорыдлун.

— Лок, батьö, эстчö югыдинасджык. Позьö, Екатерина Анатольевна?— вежавидзана юалис директорлысь Октябрина.

— Позьö, позьö, Октябрина.

Октябрина матыстис киöдыс батьсö пызан дорас матöджык да көс-ийс пурт йывнас писькöдны батьыслысь пинжак морöссö, но Миш Педьö бөр босьтис сылысь пуртсö.

— Вай ме ачым пурт йывнас писькöдышта,— а тэ и крепит сэс-ся,— сийö чуткыштіс пурт йывнас, вöчис колана местаö розь да петкöдліс Октябриналы.

— Со, Екатерина Анатольевна, видзöдлöй,— петкöдліс директорыслы батьыслысь наградаа морöссö Октябрина да шудаа нюмъяліс.

— Аддза, Октябрина, зэв бур,— чужöм вылас стрöг директорлөн весиг нюмсер петкöдчыліс. Но сöмын здук кежлö. Сийö водзö зумыша видзöдліс Туланов вылö.— Фёдор... Михайлович, дыр-ö кежлö татчö?

— Ме чайтi, куимнаннысö тась аддза... А öни?— шевкнитіс киянас Миш Педьö.— Колö эськö лун-мöд олыштны Октябрина дорын да... Кутшöмкö мужичöй удж кө выим тiян, отсыштi эськö...

— Позьö. Октябрина, көсьян, мед батьыд миянын олыштіс?

— Да,— кутчысис батьыслы сояс да вочавидзис Октябрина.

— Сидзкö, нуöдлы батьтö столöвöйö, мед Дорофеевна вердыштас. Мöдарас миян конюх да завхоз узьлöны, ме сэтчö тшöкта ещö öти кровать сувтöдны. Сэн батьыд и узьлас,— вочавидзис директор.

Куим лун асывьяныс рытöдзыс Миш Педьö вадорас детдомлы пес поткöдліс. Урокъяс бöрас волісны челядь чукöр Октябринакöд тшöтш да поткöдлöм пессö чипасö тэчисны. Куим кузь чипас Миш Педьöлөн поткöдлöма лон. А мыйта налы пескыд колö! Керканыс куим, а öтик нöшта и кык судта на, ыджыд пывсян дай, конюшня на дай. Уна жö нин тай эськö песнысö и заптöмабсь да. Вöрын на пö заппес чипасьяс дай.

Уджач мортöс аддзöмөн, директор Педьö дорö ёна нин бурьысь шыасліс, а вот Педьöлөн сьёлöмыс директорлань эз бергöдчы. Вывті нин ёна дойдісны сийсö ёсь кывьясыс. Октябрина жö тай вермыштіс бурмöдыштны сийсö-а. Быд лун пес чипассö тэчөм бöрын киас кутчысьöмөн столöвöйöдз батьсö нуöдліс, а сэсянь — директор керка дорöдз. Зіліс, мед быдөн аддзылісны сийсö ордена батьыскöд. Урокъяс вöчны котöртлас да водавтöдзыс бара котöртлас батьыс дорö. Гришалысь письмöяссö, гашкö, дасысь нин лыддялісны и. Сийö, вөлöмкö, Уквадорын техникумын буретш нефть перйыны жö велöдчö. А таво гожöмнас Бакуö, кытысь Педьöслөн геологыс вöлі, практика вылö ветлöмабсь. Сэся Октябрина ачыс быдторсö висьтавліс да юасис. Эз эськö Октябрина нинөм вылö элясь, лöсьыда пö олам, но нельöд луннас, кор Миш Педьö кутіс пароход вылö мöдöдчыны, карö лэчывны, Октябрина топöдчис батьыс бердö да кутіс сыркъялөмөн бöрдны:

— Эн м-мен-нö, батьö, ко-оль... Б-босьт ас-көд-ыд...

Нылыслөн кыз синваён бöрдöмыс кырлаліс сьёлöмсö, но Миш Педьö кутчысис, бурöдіс нывсö.

— Эн, дитюкöй, бöрд... Эз нин дыр коль... Регыд босьта. Вот ветла Георгий дінö, удж вылö пыра да и вола тiянла. Ог коль ме тiянöс, эн бöрд, шöвк туг. Лöсьыда ов, велöдчы бура. Ошкöны тай, мед и водзö ошкасны...

Но Миш Педьöөс вель шог вөлöм виччысьö.

— Туланов Георгийöс кольöм во ковмис мöдöдны арлыдтöм мыж вöчысьяслөн колонияö,— видзчысьöмөн висьталіс Миш Педьöкöд тшöтшьякодь арлыда мужичöй директор.— Во и оліс миянын да нинö-

лөн эг вермөй кутны. Кыкысь милиция вайөдліс лавкаясын гусясьомысь: кассаяслысь бумага чекьяссө ачыс велөдчөма вөчавны. Сэсся асланым зонкаяс и кутісны... Детдомын кутіс гусясьны... Быть ковмис сэтчө ыстыны.

Гөлөснас директорыс быттьө вөлі правдайтчө Миш Педьө водзын. А Миш Педьөлөн и аслас, кык кө вөлі юрыс, өтикыс эськө усис жө нин тані, сылөн пиыс, рөднөй пиыс гусясьысьөн лоөма! Со кытчөдз сійө воис... Ассыс писө эз куж, эз вермы велөдны бур йөз моз овны.

5

Миш Педьө гортас, Изъядорө воис октябрьскөй празникьяс бөрын нин. Арся рөспутаыс водзджыксө эз лэдз, да йи кутөмсө виччысьлыны вөр пилитан заводө уджавны пыравліс. Пөшти төлысь сәні уджаліс. А вөскресенньөясас Георгий дорө ветлөдліс. Субөтаө удж бөрас мунө, сөр рытнас воас да сәні узьө. И вөскресенньөас лунтыр ичөт пиыскөд. А рытнас — бөр карө, мед аски удж вылө эз сөрмы петны. Көсйис Георгийөс сәтысь босьтны, да эз на сетны локтан воөдз. Эськө и школаын найөс велөдөны жө, и пу көлуй вөчан струментьясөн вөдитчыны велөдөны, и Георгий кыв сетіс, мый некор сэсся водзө гусясьны оз кут, эз лэдзны, но Миш Педьө коліс сьбкыд сьлөмөн. О-хо-хо... Дас куим арөса детинкалы эськө не йөзын жө да ещө татшөм местаын батытөмамтөм олөм пыкны да... Но мый керан.

Бөр локтігас Октябринаясын вой узис. Пыравліс директор дорас да корис, мед өні Октябринаөс видзыштасны на тані, мед велөдчөмсыс не торкны сійөс. А ачыс удж вылө пырас да төвся каникуляяс дырйи волас Октябринала. Директор нинөм прөтив эз шу. Та йылысь и висьталіс батыс Октябриналы. Но сійө бара кыз синваөн бөрдана коліс. Мый бара баты-мамлысь сьлөмсө медьөна дойдалө? Миш Педьөлы Октябринакөд торйөдчигөн кажитчис: челядьлөн курыд синваыс!

Ас сиктас пырны Миш Педьө пемдігкежлө лөсьөдчис. Весиг вөськовсө чинтыштіс, мед пемдөдчыны туй вылас. Некодкөд мамыскөд кындзи сійө эз көсйи ни аддзысьлыны, ни сөрнитны.

Мамыс дыр Педьө бердө топөдчөмөн сулаліс. Эз бөрд, сөмын тушаыс Педьө кияс улын тіраліс.

— Оні сэсся дзикөдз нин, дитюкөй, лэдзисны?— юаліс мамыс да кутіс разавны Педьөлысь фуфайка кизьяссө.— Вай пөрччысь, пиук.

— Дзикөдз, мамө. Дзикөдз! Вай ме ачым,— Педьө видзчысяна инмөдчыліс мамыслөн косьмөм киясө.

Пызан шөрас тшыналіс дзузган би. Мамыс пачводзас муніс да сәні пемыдас кутіс ноксыны. Сэсся пызан вылас ваялігмоз нин висьталіс пиыслы:

— Кузьмаыд, тэнад уджалан роч ёртыд, неважөн на бара воліс. Илья Марьякөд, буракө, төдмасисны да душ-мөдысь нин воліс. Бара меным деньгатор коліс. Ог эськө вөлі босьт, да тэнад ыстөмыд на эм менам. Роч йөз пиад тай эм жө бур йөзыд... Кутшөмкө пө ыджыд роч начальник, тэнад төдса ли мый ли, ыстывліс пызь мешөк и шыдсөяс, и сахар... Ёна нин меным отсаліс. Асьсө эськө эг аддзывлы да. Вайысьясыс тай шуөны, гашкө пө медыджыдыс да...

Педьө шөйөвошлі: сідзкө, дерт, көнкө Илья Яковлевич... Бара сійө...

— Сійө, мамө, көнкө... Он помнит, коркө тай ме том дырйи войнаөдзис на өти роч мортөс Эжва вылө петкөдлі?

Мамыс дыркодь плешьяссө чукрөдліс.

— Ог бара, пиук.

— Ми ещө куимөн — батыө, сійө роч мортыс да черьювөмса видзтө вөчлім...

— Но, но, помнитышта. Чужомсö эськö ог да.

— Чужомсö, дерт, он. Татчö, Изъядорö ме эг вайöдлы да. Ошъель керкаын оліс. Вот, сійö мортыс менем уна бур нин вöчис.

— Мед асьсö ен жö видзас дай,— мамыс сувтис да некымынысь пернапасаси ен ув пельöс водзас.— Дзоньвидзалун, кузь нэм да бур шуд сылы, бур мортлы. Бур йöзтöг тай муыд оз на коль. Куш Зильган Петыр Вась кодьяс кö кольöны, вед и олöмыс сэки помассяс.

Мустöм, лөг чужтысь нимсö кылöм бöрын Педьöлөн сөнъясыс сразу зэвтчисны, вир-йяыс топаліс, быттьö лёктор паныдавны дасьтысисны.

— Кöні нö öні сійö?— Педьö эз весиг сылысь нимсö шу.

— Вöралö пö... Ыджыдсыс вед сійöс чöвтлісны да... Илья Марья на кыдьяк менем шуліс, миян керкасян пö кыйсьö. Ошъельын. Йöз керкасян, йöз чöс туйясöд кыйсьö. Лöсьыд. Мыш ни кос оз берт. Оз тай сэтшöмъяссö енмыс накажит.

А Педьöлөн вирыс клёнгис юр бокас, мөвпьясыс гудыртисны вежöрсö: «Ульяна кувсис... Челядь разалісны... Колонияö веськалісны... Батысь öткажитчисны... И сійöс вöчысыс ачыс век на мусö, сöстöм сынöдсö пежалö... Да ещö и менам керкаö овмöдчöма... Менсьым чöс туй талялö...» И нуръясисны мамыскöд, и пес поткöдлыштис да дзöла пачсö ломтис, пöнарөн посводз-сарайяссö кытшовтис, лöскас кайліс, а Зильган Петыр Вась йлысь мөвпьясыс сійöс эз лэдзлыны: «Ставсьыс, ставсьыс сійö мыжа... И аслас вермөмөн, көнкö, нимкодясьö...»

— Мамö, пищальясыд нö көнöсь?— юаліс мамыслысь Педьö. Сійö посводз лöссьыс кык бусöссьöм лызь пара адзис да лызь кöмъяс, лазьяс да кыйсян дукöсьяс сарай тувйын öшалісны, а пищальяссö эз аддзы.

— Батыдлысь да Гордилысь ме вузавлі, сьöкыд лои да.

— А менам нö?

— Ог тöд, пиук. Ульянатö нуöm бöрын кöлуй письыд мыйсюрö вайлі: лызьтö, лызь кöмъястö да мый да. А пищальтö ме эг аддзывлы.

Узис Педьö лёка. Пöлатяс вöлі шоныд да лöсьыд, а лантны эз вермы. Муртса ланьтлас — мыйкö лёктор нин вöтасьö: то Потологицына чуньнас сылы грöзитö мыйыськö, то Илья Яковлевич сы вылö скöрысь видзöдö... И садьмö сөсся деливöсьыс. Асьядорыс выльысь ойбыртöдіс да быттьö Кузьмакöд бурөвöйын öти сменаын уджалöны. Кузьма повзём синъясөн видзöдіс качайтчысь балансир вылö да тэрмөдліс Педьöс: «Микайлыч! Öдйöджык пышъям татысь!» А Педьö юнас пыркöдö, оз кöсйи. Думайтö, кытчö нö тайö Кузьмаыс пышйыны корö? Оз жö пышйи Педьö, мед аслас муын сөсся кöин моз дзөбсьясьöмөн овны! Абу кöин Педьö, а морт. Морт моз и кутас овны. Көть көн. Друг му пытшсьыс чөпөсйис тöдтöм страшнöй сьöд зверь, кватитис Кузьмаос да чеччыштис вылö. Видзöдö Педьö, а вышка джынйыс абу, сьöд енэж тыдалö... И сэтшöм шуштöм лои... И бара садьмис. Мамыс, кылö, паччöрссьыс лэччöма нин да пачводзас гольöдчис. Педьö чышкыштис пöсьсö плеш вывсьыс: «Мый водзö бара татшöм шуштöм вöтъяссö талун вöтася?»— думыштис Педьö. Но водзö ланьтöдчыны Педьö эз кут, а чеччис мамыслы отсасьны.

Миш Педьö тöрыт нин тöдіс, мый сійö ветлас Ошъель керкаö, кор кыліс мамыслысь висьталöмсö. Но сöмын гуся вежöрыс на новлөдліс сійöс сарайясöдыс, кор корсис вөрö мунан кöлуйсö. Ошъельö кутис мөдöдчыны завтракайтöм бöрын. Мамыс казяліс Педьöблысь мөдöдчöмсö да юаліс:

— Кытчö нö, пиук, мөдöдчан?

— Вөрö кöсья ветлыны... Видзаасыны ськөд, вöльнöй светкөд вöльнöй морт...— эз висьтась сійö мамыслы, кытчö сійö веськөдчис збыльысьсö.

— Ветлы эськө колөкө да эн жө дыр-а. Эн ыло да...

Кыліс эз мамыслөн сёлөмыс, кытчө пиыс сёлөн мөдөдчө и мыйла? Эз, буракө. Кыліс кө эськө, дерт жө нин сійөс эськө сувтөдіс...

Миш Педьө пасьтасис, лаз козьянас сүйыштіс черсө, киняулас босьтіс ассьыс лызьсө, сарай поскөдыс и лэччис да град йөртійыс веськыда муніс вөрланьыс. Верст джын мында мунөм бөрын веськаліс лызь туй вылө, коді нудіс Ошгёлк керкалань. «Збыльысь, сідзкө, тайө сёлөн лызь туйыс. Миян ордымөд мунө».

Керка дорас некод эз вуджрась, дзикөдз матыстчис да керка пытшкөссияныс некод жө гөлөс эз сет. Дерт, код нө югыднас вөр керкаын кутас пукавны. Миш Педьө пөрччис лызьсө да керка мыш саяс сувтөдіс, перйис козьянсьыс черсө да пырис керкаас. Сэні вөлі шоньд, но Педьө быттө лөк дук кыліс. Төдіс, мый сійө керкаын лөк морт өмөдчөма, да сійөн, көнкө, вежөрыс лөк дуксө кыліс, а эз нырыс. Пызан вылас дзузган лампа сулаліс. Озырмөма, сідзкө, вөр керкаын кө карасина лампаөн оло. Миш Педьө водзө эз воськовт, а өдзөдорса лабич помас и пуксис да черсө кок улас пуктіс. Сідз вөрзөдчывтөг и пукаліс.

Ывлаас лызьөн шлопкөдчөм шыыс пемдөм бөрас нин кыліс. Миш Педьө вежөрас пасьяліс, мый вөчис локтысьыс, со, кылө, черсө сатшкис керка пельөсас, лызьсө пөрччис да сувтөдіс лэбулас, пищальсө өшөдіс тув йылө — прикладыс, кылө, стenas колкысьыштіс, кылө, лазсө пөрччис да өшөдіс жө. Восьтіс өдзөссө да копыртчөмөн воськовтіс пырис керкаас, нөшта воськов вөчис пызанланьыс да сувтіс, бергөдчис өдзөсланьыс.

— К-кодкө нө эм али мый тани?— мыкталөмөн юаліс пырысь.

— Биась, биась,— лөня, ассьыс шызьөмсө кутны зильөмөн тшөктіс Миш Педьө.

— К-код-н-нө т-тан?— нөшта на ёнджыка кутіс мыктавны повзьөм морт.

— Биась, тэныд шуөны, мый мөмөт моз сулалан!— стрөгджыка тшөктіс Миш Педьө.

— Зильган Петыр Вась, кылө, кутіс тапкөдчыны — истөг корсьны, да некыдз эз вермы, буракө, аддзыны. Кылө, аддзис эськө, чирсйөдліс истөг тувнас да өзтыныс эз вермы. «Өтикөс чегис, мөдөс, коймөдөс,— лыддис Миш Педьө.— Трус, весиг бисө өзтыны оз вермы»,— да ачыс шливкнитіс лабичөдыс пызан дорас, биаліс дзузгансө.

— Но-о, төдін?!— скөрысь юаліс Миш Педьө пызан водзас сулалысь мужиклысь. Льөбьясыс сёлөн тіралісны.— Повзьөмыдла гач пиад эн кудзав, коньөр? Пуксьы, ош висьөм босьттөдзды.

Зильган Петыр Вась пуксис мөдар пызан бокас да синъяссө чашкөдөмөн видзөдіс Миш Педьө вылө.

— О-өндрей Ми-миш Пе-педьө!— эз вермы дугдыны мыкталөмсьыс.— Кы-кысь нө т-тэ та-татчө?

— Кысь локті, сэн абу нин... А вот и бара аддзысим. Эн думайты, мый коркө ловйөн аддзысьлам?

Зильган Петыр Вась улө лэдзис юрсө да чөв оліс.

— Э-эн, дерт. Думайтін, йөз вылын тэнад властьыд век кежлө, кызди окотаыд верман налысь оломсө бергөдлыны... А со тэныд и кыв кутны кад воис... На...— Миш Педьө лабичсьыс босьтіс водзвыв дасьтөм вөсныдык гезпом да пызан вомөныс мыччис Зильган Петыр Васьлы. Сёлөн чужөмыс, тошкыс — ставыс кутіс тіравны.

— М-м-мый т-тэ к-к-көсьян вөчны?!

— Тэ ачыл вөчан. Тэ сы мында лөксө вөчин, ачыл важөн должен гөгөрвоны: грек тэныд му вывтійыс ветлөдлыны, мусө, сынөдсө пежавны. Но!...— лөгысь горөдіс Миш Педьө Зильган Петыр Вась вылө.

Сійө нюжөдіс тіралан кияссө, босьтіс Миш Педьөлысь гезпомсө, топөдіс морөс бердас, шлопкысис Миш Педьө водзө пидзөсчаньөн:

— Прөстит, Педьö! Абу ме мыжа... Вывсянь тшöктисны, кодi оз пыр колхозö, сийöс и...

— А Ульянаöс... вины? А челядьöс?.. Вывсянь жö тшöктисны?.. Но! Тонö йиркас ён крук, аддзан?! Сэтчö'и кöртав.

Зильган Петыр Вась сувтiс, тiралiгтырйи бöрыньтчис, видзöдлiс крук вылö, бöрддзис:

— Прөстит, Педьö... Эн босьт аслад лов вылö сэтшöм грек... Абу, мися, ме ставсьыс мыжа... Абу!.. Ей-богу... Верит... Енмыс свидетель.

— А-а, енмöс казьтыштiн... Вот сийö тэнö и прөститас... Жалитыштас кö пеж лолöс мöдар югыдас?

Но друг Зильган Петыр Вась нетшыштчис öдзöсланыс, швачкис-восьтiс сийöс да тювгысис йвлаас. «Сэн сылөн чер и пищаль!»— вирдыштiс юрас Миш Педьöлөн и кань моз чечыштiс öдзöсöдыс да удитiс Зильган Петыр Вась дорö, кодi тув йывсьыс тракийс нин пищальсö. Миш Педьö тшанкысис пищальяс, кыскыштiс асланыс да Зильган Петыр Васьлы пищаль стволсö морöсас накöсалöмөн вынөн тойыштiс да нетшыштiс Вась киясь пищальсö. Зильган Петыр Вась бөрөн тутiс вит-ö-квайт воськов. Миш Педьö веськöдiс пищальсö усьысь вылö, певыйс октiс курокасö, а водз чуньнас нюжöдчис нин пезьдöдны. Вот личкыштас öнi, дзенгас тайö пеж мортыслы плешкас и — ставыс! Став сир курыд шогсьыс, олөм жүгöдөмсьыс лөй водзöс босьтöма! Му выльсь öти лөк вöчысьöс лөй бырöдöма.

Зильган Петыр Вась лимзiгтырйи кутiс матыстчыны:

— Эн вий!.. Эн вий!.. Менам гöтыр!.. Челядь... Кöть мый вöч, сöмын ловйөн коль... Мый тшöктан, сийö и вöча... Нэм чöж казачитны тэныд кута...

Миш Педьö мырдөн вештiс чуньсö курöк пезьдöдан вывсьыс. Пыдi вежöрас кылiс: «Эн, Педьö, дугды... Видзчысь... Тайö тэныд аслыд капкан... Льян — ош капканö веськалан, мынлытöм вылö нин...»

— Сувт, пеж лов! Зывöк видзöдны... Абу тэ морт... Ог кут ассьым кияс пежавны, ни льякöсьтны... Весась менам керкась!..

— Он вий? Прөститан?!— эз на верит Зильган Петыр Вась.

— Но! Весась, мися, он кö кöсий менсьым терпенньö прöверайтны. Котөрөн чукöрт, мый тан тэнад, и весась!

— Час, час... Котөрөн, котөрөн...

Миш Педьö пищальсö лэдзлытöг видзöдiс, кызди котралiс Зильган Петыр Вась. Керкаас пыравлiс, кылö камöдчис-гольöдчыштiс сэн, да петiгмозыс ноп волыссö кöрталiс. Лазъясис.

— Тшамъяас куйм дозмөр эм да босьт челядьыдлы, Михайлыч, — честьö уськöдчис Зильган Петыр Вась.

— Пеж лов тэ, пеж лов! Ещö вöйыны лысьтан дай... Усыйсь, мися, öдйöджык. И кымын мейсь ылынджык лоан, сымын дырджык олан. Помнит, эн вунöд...

— Ог, ог... Час, сiдзкö, ачым...

Зильган Петыр Вась бара котөрөн ветлiс тшамъя дорас да бөр локтiс пöльтчöм ноп мешöкөн. Лаз козьянас суйыштiс черсö, лызясис да котөрөн ылыстчис керка дiнсьыс лызь туйöдыс.

Миш Педьö видзчысьбөмөн лэдзис курокасö, чегис пищальсö да видзöдлiс: зарада öд и вөлöма, сийөн и уськöдчылiс ружьейсла. А эз кö удит Педьö? Некор нин эськö сөсся челядьыс эз аддзывлыны ассьыныс басьсö. А Педьö вот мөд мортлысь эз вермы босьтны ловсö, кöть и зэв мыжалысь. Мед Ульянаыс прөститас, но эз вермы мортöс лыйны. Кöть и зэв пеж, но мортöс...

Миш Педьö эз пыр керкаас, а пуксис керка мудöд вылас. А керка öдзöссö восьсөн колис, мед төлалыштас лөк дукуыс. Миш Педьö шылькнитiс пидзöс вылас куйлысь пищаль прикладсö, и кияс крукасис тшупöдö. Сийö вöлисти казялiс. «Со код киясö веськавлöма менам пищаль-

ыс! Менам важ, верной другыс...» Миш Педьö выльысь шылькнитис прикладсö, быттьö видзаасис ськöд. Час джын мысти лöньыштіс, да сійöс йирмöг кутіс босьтны, и Педьö пырис жö керкаас. Эз на кöсйы туйö петны, мед не судны.

Нöшта на, кöнкö, час джын мындаыд пукаліс керкаас Миш Педьö да вöлисти мöдöдчис.

Катшыс керöсö матыстчигöн нин Миш Педьöлы кажитчис, быттьö водзын пуяс костöдыс мыйкö сьöд вуджöртіс. Киыс велалöмөн дасьтіс пицальсö. Выльысь сьöд вуджöрыс петкöдчис кыз пожöм сайысь вит-öквайт воськов ылнаын юр весьтас лэптöм чера киöн. Парма вөрлысь рытья чöv-лöньсö поткöдіс лыйöм шы, сэсяя чашнитіс лёкгоршöн кузя авöстöм: «А-а-ааа!!!» Сьöд вуджөр зурасис лыйöм шыас, черöбтіс бöрö, сэсяя авöстігмозыс кусыньтчис да сутшкысис лым пиас. Лыйöм шыыс, мортлөн лёкгоршöн авöстöмыс да сылөн кусыньтчöмөн лым пиö сутшкысьöмыс весьöпöртіс Миш Педьöös. Сійö кынмис места вылас. Быттьö эз сылөн киясыс веськöдны пицальсö уськöдчысьлы воча, эз сылөн чуньясыс октыны да пезьдöдны куроксö, а мöд, бокöвöй морт... Абу на тай тайö вуджöрыс зверь вöлöма... А морт на... Зверьыд коркö сійöс пу вывсынь кыйöдліс жö нин, да эз на тай лысьт кык кока вылад чечыштныд, ачыс пышйис... А тайö кыйöдчысыс ачыс кык кока вöлöма... Енмöй, енмöй... Сійö жö мортöс виис... Мед лёк морт кö, но морт вед... Му вылын олысь... Педьöлөн вөр керкаас киыс эз лыб, а сійö со ачыс... Ачыс... Ачыс... Енмöй, енмöй, мый нö тайö керсьö, бара лэчкö Педьö веськаліс. Выльысь Зильган Петыр Вась курччис. Ош капканысь чорыдджыка клячаліс...

Миш Педьö ёна выныштчöмөн вөрзёдіс лызьсö, воськовтіс, сувтіс лызь туй вылö сиктланьö чужöмөн. Усьмөн мудзöм морт моз кыкис лызя кокьяссö. Выхь шогыс юр вежöрсö, ки-кокьяссö посни синма кулöмөн гартліс-топöдіс, сё пудья изйöн личкис сьöлöмсö... «Ы-ы-ы,— сир курыд шогыс ымöстöмөн пöльыштис морöс пытшкөсьыс.— Абу нин шуöма сылы асьыс челядьсö вердны-быдтыны да велöдны... Ставыс, ставыс лёкөн гудыртчис... Морт виöмөн помасис... Мо-орт виысь сійö...»

Енмөн ёрöм местасыс верст джын мында ылыстчöм бöрын нин Миш Педьöös мыйкö сувтöдіс... Юр вежöрас кутшöмкö выль мöвп тотшкöдчис сылы: «Да, да... А эз кö виймөн лыйöмыс лö?.. Лолалö на кö?.. Дорйысьöм ради вед сöмын ылöсас удитіс веськöдны пицальсö... Аслыс тай лыйисны да ловья на со ветлö-мучитчö... Эз кö кувмөн лыйöмыс веськав, сідзкö, ранитчöм мортöс Педьö лым пиас кувны коліс. Ггосс-по-ди-и! Надеятөр кö бара сетін, коль мен сійöс... Эн лэдз сылы кувсыны... Богородица-матушка! Челядьöс кöть жалитышт... Морт виысь батыд нö кодлы любö...»

Миш Педьö лызьяснас шлапйöдлöмөн котөрөн уськöдчис бöр лым пиас куйлыны кольöм Зильган Петыр Васьлань.


Зильган Петыр Вась сайкалöма, буракö, да кысьсöма кыйöдчан пожöм дорас да сэнй пукаліс лым пиас, видзöдіс матыстчысь Миш Педьö вылö, дорйысяна лэптис юр весьтас шуйга кисö:

— Ыэ... ыэ... эн ви-ви-и-ий... Пе-ээ-дьö-ö...

— Эн пов... Эг, буракö, вины бергöдчы...

Миш Педьö тэрмасьöмөн разис тасмасö, фуфайка кизьяссö, пöрччысьлытöг дөрöм увсянныс судзöдчис улыс дөрöм юрйылöдзыс да чашйöдліс сійöс, разис сылі гөгöрыс шарп пыдди кöрталöм ситеч чышь-янсö да бöр кизьясьліс-тасмаасис. Сэсяя лажынтьчис, вөрзёдіс пожöм бердсыс асьыс клятöй врагсö, кыкис сылысь юр вывтыс лазсö.

Миш Педьö аслыс чорыда шуис:— Кöртала ранасö, ог лэдз кувны... Уквадорöдз ас вылын кыска...»




«Серпас»

Сыктывкарса художникъяслөн татшом нима котырыс неважон нуодис медводдза выставка. «Серпас» котыр нималё 1979 восянь, а кык во сайын сылы сетисны «Художникъяслөн народной коллектив» ним. Выставкаын участвуйтысьяс лыдын Л. Агеев, механической заводса главной технолог; В. Матвеев, корт туй вылын уджалысь; Е. Павлов, пенсионер; И. Свистельник, партработник; Г. Попов, Макасовкаса кылөдчан рейдын оформитель; Э. Лосева, геология институтысь; М. Червинский, Сыктывкарса ЛПК-ысь; В. Костенко, горисполкомлөн культура отделысь, «Серпасон» веськөдлысь; А. Семёнов, пенсионер.

Налон уджясын и төдмөдам журнал лыддысьясос тайо номерын.




Гожом. Асья кыа.




Зарни ар (идзасысь ин-
крустация).

А. Семёнов.



ЛПК-ын уджалысь нывбаба.

Р. Кузьмин.



Кöрт сывданінын.

Л. Агеев.



Шаляпин кокад (мыс).

В. Костенко.



Сылӧ лым.

М. Червинский.



Войвыв мулӧн торъялана мичлун.

Э. Лосева.



Характер (вундалома кыз пу йӧг
вылӧ).

Пармаын кось.

И. Свистельник.

Е. Павлов.



Гажӧдчӧм.

В. Матвеев.

Морт чужо светас шудон-гажон овны...

СОНЕТЪЯС

* * *

Рам, мелі бион ойдас кока вой,
 Льом дзоридз быгйон ыпнитас июнын,
 Сэк войвыв шонді синъяссө оз куньлы,
 Сэк выльон чайтан сёсыс кывлом мойд.

Сэк чужан вөр-ва быттьо шаньмом ныв,
 Виль косийомъяс сэк бордъяссёны уна,
 А дзугыль шогй пакталө да вунө,
 И ловзьо лолос шонтыс сыланкыв.

Мем муса кока войлон еджыд ытва —
 Ме югыдинын сёлөм петас быдта,
 И шонділы, кыз муса ёртлы, рад.

Ог косий войся сюзьон шойтны-лэбны —
 Мем йозыс нинөм сайодны да дзебны,
 И ме ог радейт вой да гудыр кад.

* * *

Эм олөманым ышман-гызян кад,
 Кор пельпом сайыс кылам быдмыс бордъяс,
 Кор тэрмасям да арлыднымос ордьям,
 Шань косийомъясон кольмөдам юр садь.

Кор весиг са, и сийо абу сьод,
 Кор өдий пузям, сэсея здук мысът раммам,
 Кор тодам нин, мый миян эмышт сямным,
 Но асьным кындзи некод на оз төд.

Ми сэки ставным восьлалам на орччон,
 И ёрта-ёртыс некод на ог кольччой,
 Коть олөм оз нин өти вожод мун.

И кодкө, гашкө, өзтас югыд кодзув,
 А мөдлөн, гашкө, пемдас синъяс водзас,
 Но ышман-гызян кадным нэм оз вун.

* * *

Мем жальөсь өткөн олыс пöрыс йөз
 И мусаөсь. Да медъёнасө жальөсь,
 Од өткаяслөн лун-войясыс сальөсь.
 Коть небесаыс пасьталаыс лөз.

Зэв важон лоз. Да казтылөмыс руд:
Салдатка, сэсся кызь арөссянь дөва,
Да потан дорын байкөдчана «өв-вө»,
Да өткөн быдтысьөмлөн сьөкыд шуд.

Дерт, өшинь сайын олөм ловъя гыа,
И телевизор гортын гажа шыа,
И шоныд жырийн өзийө югыд би,

Но чужан сиктас вонас өтчыд волө
Да өтка мамыс ордын регыд олө
Бать мыгөра да чужөмбана пи.

* * *

Көть здукъяс, сөмын яра өзийысь здукъяс,
Мед эськө олөм лышкыдалас мем.
Эг чуж ме светас сөмын разьны дзугъяс
Да увлань лэдзөм синмөн вуджны нэм.

Да виччысьны, мед он пөръяссьы-ылав,
Мед няйтөн-саөн кодкө друг оз ляк.
Од нитшкө дзевсьөм вужля сконъявльвлө
Век өддзөм мортөс, а оз сисьмөм тшак.

Морт чужө светас шудөн-гажөн овны,
А оз дзик сөмын дойдалөмысь повны
Да ордйыны быд тувчиг наян дзуг.

Морт олөм абу арся йи кодь шыльыд,
Но нинөмла и лэчьяс тэчны сылы
Да кусөдны шань биөн өзьян здук.

* * *

Ме лөглун нопйөн вояс пыр ог восьлав,
Ог скөралөмөн олөм туйөс вудж...
Но мукөддырийи дөзмөм менө босьтлас,
Мый коланінын лөгавны ог куж.

И водзөс изьяс питшөгам ог дзев ме,
И наян синмө йикиөн ог кой,
И кодкө вермас чайтны менө жебөн
Да пырмунігмоз пыридавны дой.

Кызд вөчлісны, да-й эз нин весиг өтчыд,
И лов пыдөсөдз тайө дойыс мөрччис,
И сыысь, гашкө, нэм помөдз ог мын.

Ме төда, мед не кольны нинөм кежысь,
Кор шенасьө да лыбө лёкыс-пежыс,
И шань сьблөмлы колө чорыд вын.

* * *

Син лапниттөг ме видзөдлывла дыр,
Кор ва веркөсын дзирда чунькытш тыр —
Тадз шонді петіг юын ворсө чери,
А чайтан: зарни зэрөн енэж зэрө.

Со чардби өдөн вирдыштлывлө ком,
Ю веркөсысь мед кутны лөдз да ном,
Гөрд бордъя ёкыш кайлө джуджыдінысь,
И бадькормыклөн асьсө видзөм чинө.

Зэв мича серпас — асья чери ворсөм,
Оз ньоти дөзмөд синмө чеччан дзирд,
А кыйсысь мортлы вөзйө нимкодьторсө.

Но сэн жө, орччөн шуштөм пемыд йир,
Көн оз нин ворс, а ворсысь мыкөс корсьө
Ёсь синма, лэчыд пиня азым сир.

* * *

И чотысь ёрткөд позьө туйө петны,
Көть өддзөдчыны-тэрмасьны оз позь,
Но мыджөд пыдди пельпом верма сетны,
И туй джынйысь ог бергөдчы да кос.

И синтөм ёрткөд позьө петны туйө,
Мед сөмын аслад видзөдласыд ёсь:
Оз сконъявны сэк вомбн пөрөм пуяс,
Няйт гуран ордъям, тувччам кыті кос.

Эг эновтлы ме вынысь усьөм ёртөс,
Эг волы өтнам шоныдинө, гортө,
Көть сьөкыд туй вож менам эз вөв шоч.

Ме пола мунны наян морткөд орччөн,
Код гусьөн пурас, сыысь кө он кольччы,
Код сконъялас, мед аслыс воны водз.

* * *

Пыр вөвлі сідз, мый кодкө вөчө дадь,
А кодкө нэм чөж сөмын иславлывлө.
Да-й кужысь-вөчысь йылысь весиг кывлан
Дзуг сёрни, мый пө уджас этша лад,

Мый мича дадьлөн, гашкө, бартьев сюв,
Мый өдөбтан кө, верман на и пөрны,
Мый ачыс эськө веськыдджыкөс бөрйис
И казяліс и адзис пытшкөс ув.

Тэ, сюсь вежөра критик, пиняв-пызйы,
Но керысь-вөчысь мортлысь шуөм кывзы
Да кратайтчигад век жө юрад кут,

Мый исласьнытө радейтөны быдөн,
Но эз, эз быдөн дадь вөчысьяс лыдысь
Ас нэмнас төдлы исласьөмлысь шуд.

* * *

Быд поводдясö аддзылі ас нэмын:
Скөр вой төв гыпкөм, лым, и зэр, и кос.
Но петкөдчывліс чужан муёй менам
И нюмъялысьён мелі мамой моз.

Том кадй... Вөртас весьтöй югыд-югыд,
Быд лысва войтысь дзирдөн чеччис шуд,
Ни гажтөмтчөм, ни майшасьөм эз жугод,
Ни вөт, ни явö паныдөн эз сувт.

Дерт, мөдсикаса талун верстьö сёрни —
Мем öтырышъя кокныдасьны сёр нин,
Көть асья лысва пужйөн эз на усь.

Но быд лун пета садьмысь кья водзö
И косья, медым менам Асья кодзув
Эз медбөръяысь йөгзыь, эз на кус.

* * *

Поэзия — дзик нөдкыв кодь жö ань...
Оз лысөм курөг бордйөн лэбав Муза,
Оз осьлав сійö тальөм ордым кузя,
Оз ставлы осьты асьыс ав да сям.

Көн менам Муза? Гашкө, орччөн тан,
И ачыс менö корсьö чужанінын?
А, гашкө, ылын, некор судзтөминьн,
И мем оз мыччы нюмдөм чужөмбан?

Да, Муза сійö сы вылө и Муза,
Мый шоч да этша, коді сылы муса,
Мый лыда мортлы вөзйö сьөлөм би.

Оз сюртчы-сетчы сой пөлөдыс кутны.
Но ми воклы и сійö ыджыд шуд нин,
Мый ашөр Муза нэм чөж корсим ми.

* * *

Лөз джуджыд енэж, паськыд шыльыд эрд
Том зонлы олөм гөрддзассингас восьсьö,
И шуда бордъяс ылын лэбны босьтсьö,
Став вöльной светсö шембөмдны мед.

Юр весьтсьыс, майбыр, кымөртор оз чайт,
И чукйөн булькйö нимкодъыс и радыс,
И качөдчөмысь бергөдчө юр садъыс,
И өнөдз төдтөмторъяс вөзйö май.

Ме коркө ачым быдми сэтшөм зонмөн
И чайті: менсьым туйөс сьөкыд помны,
А талун мудзөм бордъясөс ог дзеб.

Ог эськө шу, мый нинөмтор эг вөч ме,
Но лоны кö нин сөвесьт водзам стөчөн —
Эг вылө качлы и эг ылө лэб.

Кузь туйо петигон

ВИСЬТ

МИТИПЕР ДЯДЬ локтис удж вылысь, кильчө помас на коскөдзыс пөрчысис, пачсыс көшөн петкөдис дэбыд ва да майтөгөн мыськис сьодасьом кияссө. Кисө косөдөм бөрын ветлис юкмөс дорө, вайис сэтысь көдзыд ва ведра да кисьтис мыссян дозьяс. Первой мыськис чужөмсө, сэсся упкигтыр зыралис көдзыд ванас сьылисө, морөссө, кытчөдз судзис — мышкусө. Пыр жө лөсьыдджык лои, а то ывлаис жар и мастерскөйын жар, лолавны нинөмөн. Во дас нин сийө, көть и пенсия арлыда, механикалө совхоз мастерскөйын, но татшөм жар гожөм помсө оз помнит. Мыссьөм бөрас пукалыштис кильчө лабичын да вөлисти пырис керкаас.

— Но и жар талун... Төрытья дорысь, буракө, жарджык...— пыригмозыс шуис сийө.

— Пөжө тай... Вермас шерөн зэрны,— шыасис гөтырыс.

— Шер не шер, а татшөм кө ещө лун-мөд лөб, ставсө косьтас-сотас. Көдзөм турун и то лөбзьөма.

Митиперлөн Öлдөтья гөтырыс, не арлыд сертиыс пөрысьмөм чужөма, но визув на, пукалис шөр өшинь дорас лабичын да дөмис верөсылы дөрөм.

Кор помалис, дөрөмсө суйис шкапө, а пызан вивсьыс мыччис письмө.

— Со письмө вайисны... Челябинь, тыдалө. Поштальон Öгаш висьталис, Москвасьян пө,— гарыштис Öлдөтья да письмөсө пунктис пызан вылас. Митипер дядь зеркалө водзын сынасис, сэсся пыркнитис дөрөмсө да матыстчис пызан дорас. Сэни нюжөдлис кисө да судзөдис пельөс джаджсыс өчкисө, лолыштис сы вылө, дөрөм бөжнас чышкалис стеклөяссө да вөлисти пуксис пызан сайө. Тэрмасьтөгосьтис письмөсө да заводитис лыддыны. Лыддис ас кежсыс, корсьорө мыйкө шөпкөдалис вомгорулас. Письмөыс, буракө, эз гажөд Митиперөс, чужөмыс сьылөн вочасөн зумышмис, плешкас лоисны содтөд чукурьяс.

Гөтырыс сулалис сы дорын да синсө вештывтөгө видзөдис верөсыс вылө. Сийө, дерт, пыр жө казялис, кызди вежнис верөсылөн чужөмыс, да сэк жө думыштис: мыйкө челядькөд неладнө. Юавны нинөм эз юав, но төждысына виччысис, мый висьталас Митипер.

А Митипер помалис лыддыны, босьтис өчкисө да письмөбыскөд тшөттш пунктис пызан помас.

— Мый нө вомад ва босьтин?— эз вермы терпитны Öлдөтья.

— Натальыд гижө,— шуыштис Митипер, сэсся бөр өчкиасис да кутис вылысь лыддыны письмөсө.

— Да мый нинөм он шу?— горөдис Öлдөтья.— Лыдды вай гораа...

— Мый лыддыныс?— Митипер ышловзис.— Свадьба кежлө лөсьөдчы. Пиыд пө гөтрасьны көсийө... Натальыд корө воыны Москваас...

Öлдөтья тайө юөрысь шөгө эз усь. Сийө важөн нин думайтис, мый пиыслы кад нин гөтрасьны, семья лөсьөдны. Гөтыртөгө олөмыд — абу олөм, да ещө учөной мортлы. Быдтор вермас лоны... Слабог, абу нин том, таво выль во бөрын кызь көкьямыс нин талаялас. Институт помалөм бөрас Москваө колисны, кутшөмкө кандидат нин пө... Весиг ичөт чойсө, Наташаөс, нуөдис ас дорас велөдчыны. Регыд нин сийө институт

помалас. Сідзкө, слабог, ставыс лючки-ладнө. Мыйла сылы не гөтрасьны? Самөй кад, а то сідзи и вермас пöрысьмыны...

— А тэ мый шогө усин? Али абу рад?— Öлдөтя сюся видзөдліс шөйөвошөм верөсыс вылө.

— Мыйла абу рад, шуан? Ме думысь, водз на радлынысө. Натальдылы невестаыс зэв абу кажитчөма... Сы вöсна и корө, мед торкны свадьбасө.

— Мый сійө гөгөрвоө?! Ачыс на челядь мывкыда. Юрас төв шутьлялө.

— Сідзтө, гашкө, и сідз... Но зэв нин ёна кулитө невестасө.

Сэки и Öлдөтя зумыштчис, но век жө шуис:

— А тэ лыдды, лыдды письмөсө, мый пыксян?

— Лыдды, лыдды! На ачyd лыдды, колөкө,— босьтис письмөсө да вештис гөтырыслань.— Ачыс учёной, кандидат, а невестаыс пö кокни мывкыда. Уджалө пö ресторанын официанткаөн... Ноко, вайлы письмөсө,— нюжөдис веськыд кисө Митипер.— Со тай гижө: «Отчyd Витя нуөдліс менө ресторанас ужнайтны. Кор волас гортө, оз сэтшөма вөглясь. А сэнй? Быдөнлы нюмъялө, копрасьө, вөглясьө. Мавтчөма да пудритчөма сідзи, быттьө маскаа. Ме кымынысь шулі Витяыдлы: татшөм кикимора вылас он жө гөтрась. А сійө сөмын сералө. Оз кывзысь менсьым. Волөй татчө да өлөдөй сійөс, мед оз гөтрась сы вылө, а то сёр лоө. Гырдызайд пö матын да он курччы... Загсө шыөдчөм нин сетөмаөсь. Ачыс нинөм тиянлы оз гиж, көнкө, сөмын свадьба вылас корас...»

Öлдөтялөн доршасис синваыс. Сійө босьтис письмөсө киас, но лыддыны эз кут, бөр пунктис пызан вылас, а ачыс ыджыда ышловзис:

— Сідзкө, невестасө абу ас сергыис бөрйөма...

— Гашкө, и... Нинөм, юртө эн өшөд,— Митипер видзөдліс гөтырыс вылө.— Мый нө? Ветлам али мый? Натальыд тай корө... Витя пыид эськө оз кор да... Тшапмөма гын юрид... Учёной лоөма... Быттьө эг ми сійөс быдтөй да велөдөй,— аслыс ныр улас броткис Митипер дядь, сэся пуксис лабичас өшинь дорас да кутис ротшйөддыны чуньяссө,— кор скöралө, век сійө тадзи вөчө.

Кор неуна такалыштисны юөрсыйс, гозья пуксисны орчөн да кутисны гадайтны: мунны али не мунны? Первой өтвылысь видисны писө, мый өтдортчис гортсьыс, бать-мамсьыс. Квайт во чөжөн өтчyd на воліс гортас, да и то тшук кезлө, быттьө эз отпускын вөв, а командировканы. Збыль өмөй налөн пиыс, вөжөра морт, учёной, босьтө гөтырнас шогмытөм нылөс? А гашкө, ачыс Натальыс эз ставсө бура төдмав да төдтөгыс суклясьө? Да өд бура кө думыштыны, сійө абу жө паныд вокыслөн шудлы? Сідз да, тадз да, этадз да, эсідз да. Көть мый эз ло, гозья шуисны ветлыны видлыны чоя-вокаөс. Майбыр, кадыс эм, картупель босьтны оз на ков.

Ыджыд карын чоя-вока өлісны өтлаын, Витя квартираын. Нинөм, оз вошны... Öлдөтя көть и райцентрысь ылөджык некытчө эз на ветлы, зато Митипер дядь уналаын вөлі, кык во сайын весиг пи ордас гөститис и.

Өні гозья пукалісны чөла да думайтисны, мый вөчны, мунны али не мунны? Шуны кө нин веськыда, кыкнанныслөн гудрасис сьөлөмыс, кыкнаанныслы неокота вөлі вөрзбөдчыны гортсьыс.

— Митипер, шу мыйкө! Мый он сёрнит? Ковмас нин, буракө, ветлыны али энөвтчыны?— дыр чөв олөм бөрын шыасис Öлдөтя, а ачыс друг думыштис: кутшөм ставыс төдтөм лоө ыджыд карад да ещө Наталья шуө, мый ковмас пö мунны пыді му пытшти, метрөөн!

Митипер дыр нинөм эз шу. Пызан вывсьыс сійө босьтис письмөсө, бөр суйис конверт пытшкас, сөмын сөдзөдіс:

— Думайт, эн думайт... Рөднөй челядь өд...— сэся бергөдчис гө-

тырыслань да содтіс:— А тэ, Ёлдоть, думыштлы, мый босьтны гөснеч пыддиыс... Куш кибн сэтчө он лок...

— Мый и босьтнысө? Сэні, майбыр, көнкө быдтор эм, абу миян лавкаын моз... Картупельтө да шома капустатө он ну. Сераласны. Черияйыд сэні, пөди, тырмө. Көрсө эз вунөдны.

— А тэ вот чери-яйсө и лосьөд. Час, ме кайла лөскө да бурджык кос яй торъяс бөръя. А тэ лэччыв көбрегад да торйөд бөръя кыйөм-сыс гырысьджык черияс. Аски пөжасьышт... Рыська шаньга, сөчөн, черинянь. Суткинад оз тшыксы... Гортса гөснечыд медся на любө: сийө бать-мам керкаысь, көні найө чужисны да быдмисны. Мед найө уськөдасны төд вылас: тані налөн эм бать-мам, чужан пельөс, ас рөд-ной горт... Значит, сідз! А то шуан...— Митипер чеччис да лосьөдыштіс дөрөмсө:— Тэ, Ёлдотья, лосьөдчы, а ме ветла управляющөй дорө, вөз-йяса недель кежлө... Да и колө төдмавын, кутшөм машинаяс аски карас лэчөны.

Няньшом гудралөм бөрын Ёлдотья пырис комнатаас, восьтіс платтьө видзан шкапсө да кутіс думайтны, мый эськө сылы пасьтавын. Гортад көть мый пасьтав, некод оз дивит. Да и коді кутас видзөдны олө-маясыд вылө? А Москваад, челядь дорад, дзик мөд делө, лөк паськө-мөн сэтчө он мун. Да и челядьдылы лоө яндзим, лөка пө пасьтасям: шуасны, паськөм пө тиянлы ньөбалам-ньөбалам, а онө новлөй. Аслыс перйис шкапсыс вөсньыдик еджыд шерстяной ковта да кельдылөз платтьө-сарафан. Митиперлы перйис руд костюм да дженьыд соска еджыд дөрөм, идзас шляпа да сандалет-туфли.

Ёлдотья сэся петавліс суседка ордас, корис сийөс ветлігкостыс вердыштавын порсьсө да видзөдлывыны град йөрас, мед көзаяс сэтчө оз пырны. А бөр воис да, Митипер гортын нин вөлі. Ужнайтіганыс кык-нанныслы, буракө, сөяныс эз пыр. Ёлдотья гоз-мөдысь вилкинас чуткыліс пөжөм чериас. Митипер юис сөмын стөкан чай.

И войнас майшасис, унаысь чеччыліс. Эз узьсы — дай пом. Дыр на думайт, кызди кутас сөрнитны пиыскөд...

Асывнас, кызди и сөрнитчысны, өшинь улас сувтіс ыджыд машина, кодөн карыс ваялөны совхозлы удобрениеяс. Шофөрыс, Юркин Федя, ар комына шутлив морт, петіс кабинасыс да улөдз копыртчыліс пассажирьяслы:

— Никифор Иванович да Авдотья Петровна, сьөлөмсянь кора пуксыны таксиө. Часөн лэччөда вокзал дорөдз, мед ті онө сөрмөй поезд вылас,— муньсыяслысь чемодансө өккуратнөй лэптіс кузовас, а асьнысө тшөктіс пуксыны кабинаас да сумкасө босьтны сьөрсьыс.

Федя — варов морт, мукөдьяс моз эз немөяв, мунігад ськөд гажыд оз быр.

— Но, мөдөдчим!..— вөрзьөдчигас горөдіс сийө, сэся юрсө бергөд-ліс Митиперлань да юалис:— Мый, Иванович, Витяыд пө гөтрасьө?— сэся быттьө ачыс жө вочавидзис:— Бу-ур... Кад нин!

Федя бура төдіс Витяөс. Сөмын кык арөсөн ыджыдджык сысыс. Найө быдмисны пөшти өтлаын. Но юалис, быттьө оз төд:

— Кымын арөс нин сылы?

— Төвнас, выль во бөрас, тырис кызь көкъямыс...

— А меным кор вөлі сы мындаыс, менам кык челядь нин вөлі... Кад нин, ка-ад...— ножөдіс шофөр, сэся друг содтіс:— Ми Ленакөд коймөдөс нин виччысям...— Федя өзтіс папирос, но сөрни эз дугөдлы:— Регыд том бабаыс сылы пи ваяс... Бара праздник. Бара ковмас тиянлы ветлыны внуктө видзөдлыны...— Сэся папироссө вуззис өшинь пырыс да кутіс ошйсыны:— Км... Менам вот ичөтджыкыс сэтшөм быдмө... Лукав и, мудер и. Век ыдждалө да мыйкө корө; то тайөс сет сылы, то сийөс вай, то этийөс мыччы. Мамаыс дзик матө воис. Быдмас да, буракө, начальникөн лоас.

— Гашкӧ,— жугыля вочавидзис Митипер.— Челядьды тай век бать-мам вылас мунӧны.

— Дугды, Митипер дядь,— Федя топыдджыка кутчысис руляс.— Ме бара сы кодэ эг вӧв... Кыз нӧ сійӧ, бать-мамлысь не кывзсысны?..
Машина петіс сиктысь. Асфальтируйтӧм туйыслӧн ӧтар-мӧдар бокас шылькнитчӧмаӧсь муяс. Ӑтарас, лун бокас, кӧдзӧма турун, мӧдара — пуктӧма картупель.

«О, господи!.. Мый бара ӧні вӧчсьӧ муяс вылас?!» — думайтіс Митипер, а сэсся, быттьӧ важсӧ казтыліг, негораа шуис:

— Да-а, Федя, тэ пӧди тӧдан на? Со татчӧ, лун бокас, войдӧр миян колхоз кӧдзліс ӧзимӧй шобді... Мӧдара — сӧ да ид. О-о! Кутшӧма няньыс быдмыліс! Шобдісӧ тась босьтлім кызь вит-комын центнерӧн! А ӧні мый? Турун вӧдитӧны, а йӧв да яӧ лавкаын оз овлы. Муяс вылӧ турун кӧдзӧны, а Сиктыв бокӧ джын видзыс пуктытӧм кольӧ. Колхозлӧн сы мында машинаыс эз вӧв, но некутшӧм удж эз эндыв. Ставсӧ вӧчлім асьным. А ӧні тулысыянь арӧдз сідз шусяна шефьяс уджалӧны... Видзьяс и муяс вылын карса йӧз. Да налы ӧд веськодь, уна-ӧ да кутшӧм турун лоӧ, мед сӧмын кадыс коліс... Войдӧр, коді вермис легны, ставӧн вӧліны видз вылынӧсь... А ӧні пӧрнӧй нывбабаяс лызьялӧны гортас... Йӧз серам жӧ эськӧ да! Да и мый сійӧ кутас уджавны совхозын, кор аслас усадьбаыс сійӧс вердӧ и юкталӧ. Быдтӧ картупель, совхозлы жӧ сійӧс вузалӧ да ещӧ кык-ӧ-куим порсь видзӧ. Бара жӧ деньга... Да и мый порсьяссӧ оз видз, кор лавкаас няньыс тырыс, кӧть быд лун пуд босьт...

Машина журӧдіс водзӧ. Федя мыйкӧ кӧсийс шуны, но эз лысьт торкны Митипер дядьӧс: сиктын сійӧс ставӧн пыдди пуктӧны.

— Сідзтӧ — сідз, но нинӧм он вӧч! Ӑні ставсӧ машина вӧчӧ... — шыясис жӧ тай Федя.— А йӧзыс мый? Пенсия — закон серти, сідзкӧ законнӧя шойччӧны.

— Сійӧ и эм, мый ставсӧ — машина... Кыті да кор позьӧ, колӧ, дерт, машинаӧн... Тэ вот быд лун карысь кыскасян... А тэ вот коркӧ лэччыв да видзӧдлы, кызди тракторыд ытшкӧ да кызди бокӧвӧй йӧзыд уджалӧны... Сідз вот. А шойччыны? Мед шойччӧны, кор уджыс абу. Войдӧр крестьянины шойччыліс сэки, кор туруныс вӧлі зорӧдын да няньыс йӧртӧдын...

Ӑлдӧтъя тувкис верӧсыслы бокас: эн пӧ сӧр нем абусӧ. Кор шоссе кыкнанладорсяныс топӧдіс вӧр, Ӑлдӧтъя яндысьӧмӧн видзӧдліс Федя вылӧ да корис сувтӧдлыны машинасӧ.

— Мый нӧ он висьтав, ме эськӧ важӧн сувті,— шыясис шофӧр, кечис дзик туй бокас да личкис тормоз вылас. Машина сувтіс.— Вай, тьӧтка, пырав вӧрас, видзӧдлы, эм-ӧ таво тшак-вотӧсыс?..

Кор Ӑлдӧтъя бӧр локтіс да пуксис машинаас, чужӧмыс эз нин сэтшӧма чукарась, вӧлі гажаджык... Федя лэптыліс шуйга кисӧ, видзӧдіс часі вылас да мӧдӧдчис водзӧ. Митипер пукаліс чӧла да мыйкӧ, буракӧ, чорыда думайтіс. Корсюрӧ шочиника видзӧдльвліс гӧгырыс вылӧ да думнас жалитіс сійӧс: «Гашкӧ, эз ков вӧрзыны места вылысь?! Коньӧрӧй мучитчӧ кынӧмнас, да ещӧ майшасьӧ челядьыс вӧсна... Сылы, майбыр, быдтор жӧ сюрлі, быдторсӧ жӧ нуис ас вывтӧыс... Мужикьястӧгыд медся сьӧкыд уджьяссӧ ковмис вӧчны... Ставсӧ терпитіс да война бӧрын сылы, Митиперлы, ныла-пиаӧс козьналіс. Сӧмын вот ӧбиднӧ, мый найӧ ӧтдортчисны гортсыс, энотісны пӧрысь бать-мамсӧ. Но ладнӧ, Витя мед эз лок, сійӧ ыджыд мортӧн лои... А мӧдыс? Наталь велӧдчӧ учительлӧ да оз и думайт гортӧ локны! Быттьӧ миян сиктын оз позь учителявны».

Пукалӧ Митипер да ышлолалӧ: «Кутшӧм бес менӧ вӧрзӧдіс гортысь? Быттьӧк локтӧм бӧраным Витя вежас ассыс думсӧ. Том дырйи

ми быттьо ёна кывзысьлім бать-мамлысь... Свадьба вьлө кӧ эськӧ корсны, сійӧ мӧд делӧ».

Сійӧ дась вӧлі сувтӧдны машинасӧ, бӧр подӧн бергӧдчыны гортас. Но ӧні кысь нин! Со тыдалӧны нин кузь трубаяс, джуджыд керкаяс, вот-вот карӧ пырасны. Ӗлдӧтья, тыдалӧ, думнас Митипер моз жӧ каитчис, мый весьшӧрӧ вӧрзис гортесыс.

...Федя виччысьтӧг зӧм сувтіс. Гозъя, асланыс думъясӧ вӧйтчӧмнад, эз и тӧдлыны, кызди Федя вайӧдіс найӧс кӧрт туй вокзал дорӧ. Вокзал-бердса площадь вылын сулаліс уна машина.

Федя петіс кабинасьыс, муніс мӧдарас, восьтіс Митипер гозъялы ӧдзӧссӧ.

— Воимӧй, суседъяс! Извинитӧй, тэрмасы,— сэсся кузовсьыс босьтіс да муас лэдзис чемодансӧ.— Миян складыс тані матын. Поездыс дыркодь на оз мун. Ме грузитча да бӧр татчӧ локта, пуксьӧда тіяӧс вагонас, колльӧда...

Федя муніс, а Митипер гозъя пырисны вокзалӧ. Ӗлдӧтья чукрасис да гӧгӧр видзӧдаліс: корсис кокньӧдчанін. Митипер, дерт, пыр жӧ гӧгӧрвоис гӧтырыслысь майшасьӧмсӧ да нуӧдіс залсьыс туалетӧ. Сэсся бӧр локтіс залас да кутіс видзӧдавны поездыаслысь ветлан расписание, сэсся сувтіс ӧчередьӧ. Касса дорын ӧчередьыс вӧлі вель ыджыд.

Митипер чуймӧмӧн видзӧдліс ӧчередь вылӧ: «Кытчӧ да мыйла та мында йӧзыс быд лун мунӧны? Гашкӧ, ми моз жӧ челядьныс дінӧ?..»

Ӗчередьын сулалігас бара юрас вирдыштіс: «Мыйла эськӧ ми мунам?! Да мед гӧтрасьӧ сы вылӧ, коді сылы кажитчӧ. Кутшӧм ми сылы велӧдысьяс. Миянлы ӧд сыкӧд не овны?! Натальлы кӧ оз кажитчы, сійӧ нинӧм на оз висьтав... Да и ми асьным мый сылы шуам? Кызди сійӧс велӧдны кутам? Велӧдны, велӧдны! Миянӧс коркӧ велӧдлісны жӧ, но вӧчлім ас ногӧн».

Митипер друг петіс ӧчередьсьыс, пуксис тыртӧм скамья вылӧ да, гӧтырсӧ виччысигмоз, кутіс асьсӧ такӧдны: «Збыль ӧд, Витя дорӧ ӧні мунны нинӧмла. Корис кӧ эськӧ свадьба вылӧ,— быть мун. Он мун сэки — оз ло лӧсьыд! А ӧні — мӧд делӧ. Кор на ещӧ свадьбаыс лоас? Лоас-ӧ?»

Кор Ӗлдӧтья локтіс, Митипер шуис сылы, мый билетъяссӧ оз кӧсйы босьтны. Сэсся варовитісны вель дыр. Гӧтырыслы нимкодъ лон, весиг чужӧмыс шыляліс: сылы муннысӧ неокота жӧ вӧлі. Сӧмын юрсӧ довкйӧдліс да шуаліс:

— Сӧ збыль, сідзи, сідзи... Кутшӧм ми, кос шегъяс, ӧнія том йӧзӧс велӧдысьяс? Слабог, мед гӧтрасьӧ... Сылы овнысӧ гӧтырыскӧд. Сӧмын вот Натальыд жаль, бӧрдӧ кӧ.

— Жа-аль,— нюжӧдіс Митипер.— Жалитны сійӧс нинӧмла... Мед нырсӧ оз суй, кытчӧ оз ков. Воам гортад да ме сылы чорыда гижя... Думыштчӧма велӧдны ыджыдджык воксӧ! Тӧв йыв бобув!

Митипер босьтіс чемодансӧ, а гӧтырыслы сетіс сумкасӧ да петіс ывлаӧ. Пыран кильчӧсянь неылӧ пуксисны скамья вылӧ да, Федяӧс виччысигмоз, заводитісны нуръясьны пӧжас няньӧн.

Перестройкаса йӧз

Альбина АНУФРИЕВА

Аддзысьлӧмыс коли сьӧлӧмӧ

ОЧЕРК

Сосногорск карбердса ичӧтик грездын, Пожняын, «Ухта» совхозлӧн Пожненской отделениеысь механик Александр Ильич Хозяиновкӧд важӧнкодъ нин аддзысьлі, а гижнысӧ выльӧн на пукси. Пыр майшаси-поли: верма-ӧ, тырмас-ӧ кужанлунӧй колана ногӧн гижны тайӧ шензӧдана зіль да тэрыб вӧраса морт йывсыс.

Олі ме Пожняас Вера Алексеевна Игушева ордын. Вера Алексеевна пикӧд, Евгений Александровичкӧд, Хозяинов велӧдчылӧма ӧти классын, ӧти парта сайын весиг пукавлӧмаӧсь. Ӑні Евгений Игушев — учӧнӧй, филологияса кандидат. Сӧрбнджык Александр Ильич казтыліс аслас велӧдчан вояс йылысь:

— Женя школаын зэв бура велӧдчис, дивуйтчылім, сэтшӧм кокниа ставсӧ юрас босътӧ! Ме эськӧ зили жӧ быд ногыс не кольччыны сыысь, войяссӧ мукӧддырйи эг узы, дасътыси урокъяс кежлӧ, да велӧдчӧмыд меным сьӧкыджыка сетчис. И ӧні на, эскы кӧть эн, гаражын ноксигӧн век пытшкын аслыспӧлӧс кӧсйӧм эм: зильджыка уджала—велӧдысьяс водзын яндзим оз ло, да и Женякӧд кӧть ӧні ӧтвесьтасям—ме аслам уджын, сійӧ асласын...

Евгений Игушевкӧд ми важысянь жӧ нин ӧртъяс. Со тай ылі Эстониясянь, Тарту карсянь, меным юбртор ыстӧма. Хозяинов йылысь пасйӧма шоныда: «Зиновьевна, ме зэв ӧна кӧсья, мед тэ коркӧ гижин Пожняса Александр Ильич Хозяинов йылысь. Совестя, сьӧлӧмсянь уджалысь да йӧз вӧсна тӧждысьысь тайӧ мортыс олӧмнас гижӧдад вӧзйысьӧ...» Гашкӧ, и та боксянь гижнысӧ кутчысьны менӧ ышӧдӧмыс вӧлі. И со ме Пожняын...

Елена Тихоновнакӧд, Александр Ильич Хозяинов гӧтыркӧд, еджыд юр-

сия, пыста кодъ кокныдик да пельк нывбабакӧд, Пожняас жӧ нин тӧдмасим. Тайӧ серамбана ань вылас видзӧдлан да ачыд кӧсйӧтӧг нюндан. Шоныд гожея рытӧ, самӧвара пызан сайын пукалігӧн, сиктса олӧм-вылӧм йылысь сӧрни пансис гозъя костын, а сӧсса вуджис Александр Ильичлӧн уджӧ. А ӧд пӧлыс жӧ, гӧтырыс жӧ Хозяиновлӧн сэтчӧ сӧрнисӧ вуджӧдіс, кутіс элясьны верӧс вылас:

— Саша удждон сеталан лунӧ весиг сьӧмысла вунӧдӧ ветлыны кантораас, гортсӧ эськӧ вунӧдлӧ нин да... Узьӧм ни олӧм татшӧм верӧснад.

— Ладнӧ тэд, Лена...

— А мый? А мый? Ставсӧ збыль висътала! — водзӧ дэльӧдӧ верӧссӧ Елена Тихоновна. — Коді выльӧн на эзысь кӧлысьнымӧс вунӧдіс? Кызы вит во тыри гозйӧдчӧмлы, а верӧслы веськодъ, эг кӧ ачым казътышт, эз и тӧдлы...

Татчӧ, гӧтыр вылас войт мында лӧгасътӧг, серам сорӧн шыасис и Хозяинов:

— Збыль ӧд, менам удж вылын и асьтӧ вунӧдлан: котравтӧг-корсътӧг немтор оз артмы. Ӑні мый, Пожняса отделение трактор-машинаясӧн, колана механизмясӧн, гашкӧ, медея озыр. Прессным весиг кык пӧлӧс, кузнечнӧй да механической, ог нин мукӧдтор йывсысь сӧрнит... А ӧд ставсӧ тыртӧминас лои панны.

Қомын кӧкъямыс лун чӧж сӧсса аддзысьлім-сӧрнитім Александр Ильичкӧд, висътаси да, мый сы йылысь гижӧд думышті. Сӧрнитчим, мый асывъяснас ме кута волены гаражас, тӧдманы, оз-ӧ вичмӧд сійӧ меным недыр кад, но ӧнджыкасӧ, дерт, котралі-корсыси Хозяиновӧс отделение пасъта. Суны-

аддзыны Александр Ильичос асывнас гаражын прөстөн эз удайтчывлы.

— Аслам овмөсөн коркө төдмөда, прөстмышта да,— көсийсыс Хозяинов, а кор ме вочавидзи, мый көрт сьёлө-ма пемөсьясыд пола, чуймис:

— А кызди нө ме йылысь гижны көсьян? Сідзтө мянлы и сёрнитысө немтор йылысь ло!

И со ме быд асыв сувта гаражлөн бетон плитаясөн вевттьом өшинь улө да горза: «Александр Ильич! Көни тэ?!» А сийө петас ме дорө тэрыб да кокни воськолөн, чолөмасыя, а сөсся шуас:

— Ме, Зиновьевна, уджалышта. Көсьян кө, мунам мекөд, удж костын, куриччөм пыдди, висьтасышта...

Пырам силос башнялөн улыс судтаө. Хозяинов включитас сэтчө ас кияснас сувтөдөм токарной станоксө, төчитчө. Любө видзөдны морт вылө, кодэ радейтана уджсө сьёлөмсө пуктө-мөн вөчө.

— Сельхозмашинаястө дзоньталігөн, — регыдика ноксыштөм бөрын шыасьө ме динө Хозяинов, — колөны быдторьясыс: втулкаяс, болтьяс, а босьтны найөс некытысь. Со и төчитала ачым. Вот и шпонкаыслысь пазсө асьным вөчам. Сэтчө колө зськө фрезерной станок, но сэтшөмыс мян абу... Жуглышти юрөс, токарнойсө лөсьөдышти, мыйсюрө вежи — өні тшөтш и фрезерной моз уджалө.

Механикөн А. И. Хозяинов Пожняса отделениеын уджалө 1978 восянь. Сулаліс сәки гараж пыдди эновтөм порсь видзанін, а силос заптан башнялөн улыс жырйын — уджавтөм токарной станок.

— Дас көкьямыс трактор, гусеницаыс и көлеснойыс. И ставыс сулалөны ывла вылын, зэр-лымсыс видзан лэбулыс өйылөма. Абу зськө дзик пөимө вома, кусөдөмаөсь, но шогмытөмөдз вома. Воис совхозысь главной инженер да шуис: разьөй пө, идралөй... А ме сылы: «Бур көзяин выльсө лөсьөдтөдз весиг важ гөликсө оз шыбит». Кызди верним тувьялім-тупким сотчөм лэбувлысь восьсаиньясө. Нывьясөй, быдтасыясөй, известкаа ваён мавтісны-едждөдісны стеньясө — көть запчастьясө иналанін лои. Водзө мөвпала — кузнеча колө, а кузнеча керка лэптөм вылө весиг керсө нинөмөн вайны. Кык

дзоньтавны позьтөм тракторысь бось-тім воддза осьяссө көлесаяснас, вөчим прицеп, керьяссө вайим да асьным, механизаторьяс гождөмбыдөн кузнеча керкасө тшупим-лэптім. Сөсся кузнечаад и би видзан гор на колө, көні зськө доран көртсө позис шонтыны-небзьөдны: горйыс — кузнечаыдлөн сьёлөмыс. А горсө тэчысь специалістьясыс абуось. Юалі кызкө өти төдса нывбабалысь:

— Лидия Прокопьевна, коркө аслыд пач вөлі тэчан?

— Тэчнысө эг жө, дзоньталышти сөмын,— вочавидзис.

— Но и ладнө, эм сідзкө киподтуйныд. Корсь отсасысьясөс да кузнеча-горсө видлөй тэчны, — кори нывбабаөс отсыштны.

Тэчнысн өд, сёрнитчысны куимөн да! И кутшөмөс! Сизим во нин уджалам. Уна ковмылө дорччыны сиктса кузнечаад, а горйыс эз на некыт вөрзьяв.

Машина-тракторьястө дзоньталігөн зэв унатор колө. Шуны кө, трактор двигательыс матө тонна сьөкта, грузьяс кыпдөдан механизмтөг уджавны он вермы, ки помысь өд тоннасө он лэпты. Айюва ю вомөн буретш сәки выль пос вөчысны, а важ пос колясас өд уна на туяна көртыс. Корси сөсь кызтанас лөсялана труба, мөд трубаыс туй боксьыс сюри, урбөж турунөн нин тырөма. Фундамент улас гуяссө школьнікьяс кодйисны, трубаясө сувтөдны орчча стройкаа вылысь крановщикөс шойччан луннас корлі, а медея коланас — 12 метр кузьта көрт балкаөн— шефствуйтысь мехколоннаным отсаліс. Бур и кран-балка артмис. Блок-гальөн көть тракторсө лэптыв. Сідзи жө и пресснымөс лөсьөді. Пөлянской лесо-пунктысь сетісны важиник гидроцилиндр, стансө да электромоторсө көрт шыблас чукөрысь корси...

Механической двор панөм-лөсьөдөм вылө совхоз некутшөм стройматериал эз сет... Некымынысь сёрни лэптылі собранияс вылын, но юруөдысьяслөн воча сьёлөм сетөмыс эз ло. Мый пө та йылысь сёрнитны, кор планын татчөс отделениыли ни гараж, ни лэбув-тор стрөитны абу урчитөма! Ладнө, шуи аслым, тиянсянь кө некутшөм отсөг абу, делөсө тайөс и асьным на керам. Районті ветлөдлігөн гөгөрбок ставсө видзөдалі, мыйкө меным шогма-наыс сюрас оз... А мыйла нө оз? Ухта

да Нижньої Одес туй кузя грузсё бурвөйяс вылө новлөны, вөр кыскалан машинасы оръявлытөг төвзёны. Мөд туй кузя шыблөс көрт, погласём бетонной плитая свалка вылө вайёны... А көрт трубаыс сы мында туй пөлөн-сыс сюри, мый став лэбувыслы каркасыяссө вөчны тырмис. Сөмын чукөртнысө дырджык лои, вайнысө да — ставсө өд сэки вөчим, кор тракторья-сыс прөстөсь вөліны, видз-му уджыяс-сө эштөдөм бөрын... Сосновскөй бетонной изделиясы вөчан заводлөн свалка вылысьгырысджык бетон торпыриг-сө татчө жө ваялім. Өні видзөд — гараж, и йөрыс кутшөм, а өд вөлі гуранысь гуранө усьласян. Куим гождөмөн вольсалім гаражводзса тыртөминсө, гураньяссө лыаөн тыртөм бөрын шыль-өдөм — нэм олас! Виччыси кө, кор совхозөн юрнуөдысыя шубөмөн мыйкө вежсяс — пенсия вылө петөдз немтор эз артмы.

Кор техникаыслы юр сюянін эз вөв, асывнас локта удж вылө — сьблөмөй дількмунө: тракторьяс лым пытшкы-нөсь да сэтшөм жаль... И ловзёднысө кынъяссө көдзыдінад кыид оз пыр. И кадыс уна вошө. Лымсө өд бипурьяс вылын сывдөм да сідзи пөсь васө вөч-лім. Кыдзи сэсяс, век тадзисө майшасы-ны? Комын метр кузя лэбув панім бара жө асьным, механизаторьяс, велөдчысь ныв-зонпосни өна отсасыны. Кык вөөн эштөдөм. Миянлы, олөмаяс-лы, вывті любө, кор стрөйбаным эштис, а томьяс шуасыёны на: «Татшөм сарайдө пө оз лөсяв талуньяыслы!» А ме налы: «Лөсяланасө кө виччысыны мөдам, быд сикас бумага-сметалысь совхоз да ПМК костын бергалөмсө, ставнымлы инвалидность ковмас корны, томлы и пөрысылы, восьсаинас дзонь-тасигөн. Вунөдінныд нин, кызди төвнас техникасө зырясөн вөлі корсям лым увьсыс? Сэксян куим ыджыд лэбув на стрөитім, ставыс лои вевт улын. И тайө выль лэбувьяссө төв ныр оз лэбөд: стеньясыс кирпичысь, железобетонной плита торпыригысь, тэчөма най-өс көть и абу өна шылыыда, но крөпы-да, дыр кежлө. А вевтыс — шифер. Сэся өд и гаражсө шонтыны колө вөлі мыйкө думыштны. Зэв видзчысь-мөн тайө уджас кутчысим. Гаражыд өд, мыйкө кө не сідз, ышмунны-сотчыны вермас — ыджыд пөжарной өпасныя

объектөн лыддысысь. Медводз тепло-генератор сувтөдөм, кодөс совхоз сетис, но регыд мысти эновтчым — вывті до-на сувтө, йөзсө өна манитө, сутки чөж сы дінын колө овны. Өні гаражсө электричествоөн шонтам. Совхозса главной энергетикным арталіс, мый дизельной ломтасөн шонтөм дорысь донтөмджык лөб...

Ломтас-мавтас видзан выль склад вө-сна быдса тыш лэптылі. Важсө дзик Ижма ю дорас лэптылөмабсь, чери кыйысыя элясылісны: черисө пө сөйны оз позь, солярка дука. Вөчи ватман лист вылө выль складлысь чертеж, пет-көдлі совхозса главной механикы, а сійө син бөжнас видзөдліс, сэся шуб:

— Корла төдса студентөс, отсалас — буретш тайө делөас велөдчө. Студент вөліс, чертежыяс босьтис, муніс и воши. Выль пөв чертиті, асьным механизатор котыр доньялім, сэся складсө тшупны босьтчым... Стрөитчанісө гөгөрыс водз-выв муөн топыда кытшалім, мед бө-рыннас ломтас юас эз веськав. Ломтас-мавтас видзан дозсө, ёмкостьсө, важ бензовозысь босьтім — шогмытөмөдз нин важмөм бензовозсө миянлы аэро-портысь сетисны, весьшөрө сіманінысь...

— Александр Ильич! — торка ме Хозяиновөс, — кытысь сэтшөм сямлу-ныс тэнад киясын, кытчө он кутчысь, быдтор артмө-ловзёб...

— А өд олөмыс быдторіө тай велөдө. Бать зэв киподтуя вөлі, здук весь эз овлы. Война кадся дойясысь висьмис чорыда да война бөрас регыд и кувсис. Гортын өтнам мужикыс коль-лі, быд сикас уджас лои кутчысыны, аслым и гортсаяслы кынөмпөт перйы-ны. Өна бөрын нин механикасы Ухтаын велөдчи. Топливной аппаратура да мо-торьяс дзоньталысь слесарөн нөшта верма уджавны, трактористөн, сварщи-көн, токарөн... Кужанлуныд нэмтө оли-гөн оз сьбөктөд. Овмөсас став уджсө аслам киө босьтыны лөб...

Миян олөмын-уджын унатор на колө бергөдны бурлань. Мед нин лөб бөкө кежалөма, но висьтала, мый и выль гаражсө, и ломтас-мавтас видзан склад-сө стрөитигөн став коланаыс Сосно-горск да Ухта гөгөр свалкаысысь, шы-битөм-эновтөмысь сюри. Быттө вывті нин озырчим? Идөртөмлунным на быд бөксянь тыдалө, а оз озырлун. Өна татшөмторсыс дөзыла. Сэся менам

идёртõм да дыш йõз вылас характерõй крут, терпитны найõс ог вермы, а бур йõз йывсыд и висътавынõсõ любõ. Геня Попов со — тракторист. Зэв прамõй морт туйõ ме сийõс пукта: уджач, сõвастя. И Володя Артеев удж вылас гвардеец: видз-му овмõс техникатõ гõ-гõрбок бура тõдõ, мõд во Генякõд õт-лаын картофель быдтõны-вõдитõны... И общественнõй олõмысь оз õтдортчыны, быдлаõ кадсõ вичмõдõны.

Армиясь локтõм бõрас погрузчик вылын уджалõ Владимир Прокопьевич Хозяинов. И сэтчõд гаражын жõ уджавлис, машинаяс дзоньтавлис, а õни мõд класса тракторист, уджалыштис дзольник Т-40 вылын, сэсся ДТ-75 вылõ вуджис, а õни сõвтчõ. Абу лёкõсь менам ребятаыс, да и сийõ нин меным зэв любõ, мый ставыс найõ том йõз. Сидзкõ, и водзõ вылас на олõм мыджõдыс эм...

Прав вõли Александр Ильич, кор шу-

лис, мый бур йõз йывсыд висътавынõсõ любõ... Ме тай любõпырысь жõ гижы, кыдзи кужи-сямми, тайõ авъя мортыслысь висътасьõмсõ, õд ськõд аддзысьлõмыс меным сьлõмõ коли.

И торйõн нин долыд меным юõртны, мый неважõн Александр Ильичõс бура уджалõмысь да ветымын арõс тырõмкõд йитõдын Коми АССР-са Верховнõй Сõветлõн Президиум наградитис Почётнõй грамотаõн...

Пожняысь мунтõдз ме кежалі на Елена Тихоновна да Александр Ильич ордõ. Елена Тихоновналõн нюмыс, кыдзи и век, эз куслы чужõм высьыс. Сы вылõ видзõдигõн, менам шусис:

— Леночка, а вед тэтõг Александр Ильичыд эськõ юртõм вичко кодь вõли.

Шуда гозъя гылыда серõктисны та вылõ.

Видза колян, Александр Ильич, киподтуя, авъя да шань мортõй, ов шу-даõн, дзоньвидзаõн!



Лыддысьысьяскõд аддзысьлõмьяс

Вылъ во водзвылын республикаса гижысьясысь унаõн волісны сиктъясõ, посёлкьясõ, карьясõ, аддзысьлісны лыддысьысьяскõд, сёрнитісны талунья коми литература йылысь, а сідз жõ тõдмõдисны «Войвыв кодзув» журналын йõзõдлõм да печататісны дасьтõм гижõдьясõн.

Абъячойõ да Ношульõ ветлісны П. Шахов да Н. Щукин. А таõдз Н. Щукин да М. Елькин волісны Висер вожса сиктъясõ. Удораын асланыс землякьясныс водзын сёрнитісны А. Ванеев, П. Бушенев, Л. Палкин, В. Крюков, Е. Афанасьев, Ю. Васютов, А. Гордеева. Печора карын речникьяскõд да сэтчõс мукõд уджалысьяскõд аддзысьлісны Н. Куратова, В. Тимин, Ю. Ионов, Усть-Вымскõй районõ волісны А. Одинов да М. Елькин. Кулõмдінса лыддысьысьяслõн гõстьясõн волісны П. Шахов да Г. Юшков. Ижмаын да Мохчаын выступайтис Вл. Попов, Г. Юшковõс, И. Тороповõс, В. Тиминõс радпырысь кывзісны пажгасаяс. Кыпыда муніс Ыбын литература рыт, кодõс вõли сїõма сэтчõс гижысь В. Безносиковлõн 60 арõс тырõмлы. Юбилярысь кындзи, сиктса Культура керкаын сёрнитісны П. Шахов, Г. Юшков, Н. Щукин, Вл. Попов, П. Столповский.

Гижысьяскõд тшõtш уналаын выступитісны районьясас олысь авторьяс.

Лия Васильевна Панюкова (Лудыкова) чужліс Нёбдін сиктын. Сык-
тивкарын педагогическэй институт помалом бөрүн сійо уна во велодіс
коми кыв да литература Усть-Куломскэй районнн Пожог сиктса шөр
школаын.

Улын йозодан гижодыс журналё воліс важон нин, эз таво. Оні, кор
гижодсё лоис топодыштёма-лосьодёма, нёшта нин тыдовтчис пасйодьяс-
лөн шөр визьыс: авторлөн гижодас мовпаломыс да шогаломыс и талу
на эз важмыны да эз бырны олёмсыс.

Лия ПАНЮКОВА

БЫД ЛУН

СИКТСА ВЕЛОДЫСЬЛОН ПАСЙОДЬЯС

1

Таво гожом Мария Ивановна борд улысь бара лэбзис выль котыр. Ас
быдтасьясыд сылы ой-ой жалёсь. Кыдз думыштас, мый арнас найо оз нин
локны сы дорё, сёлёмыс пыр и дзугыльтчё. Кыдзи нё, од думьяснас век на
накод. Пыр на быттьо велодё, кыдзи водзё овны. Откымынъяс понда сёлёмыс
ёна полё. Котъ буракодъ школаын дас вонад дёмлісны-утлісны сэтшёмьяссё,
он на и тод, кён да кор вермасны резьдыны. Медъёна полё зоньяслён «йой
ва» дінё велалёмысь. Унаёс тай сійо ылдё да водза-водз нетшыштё олём-
сыс.

Класснэй руководительясыд — кыдзи мёд мам. Гожомбыд и арбыд Ма-
рия Ивановна ноксис-модёдаліс да инёдаліс быдтасьяссё отарё-мёдарё. Сэсся
эз и тодлы, кыдзи выль велодчан во пондіс таяяны. Августпомся конферен-
циядз колё на удитны выль велодчысьяслысь бать-мамсё адзодлыны, сёрни-
тыштны, гортас волены, видзодлыны, кыдзи олёны...

«...Ок нин тайё конференция! Мый нин сэн кутасны сёрнитны? Воддза
конференцияяс вылын тай век отсевысь торшодлісны. Кутшомкё парпоньлы
кё лысьтан пуктыны «дваястё», бура на и пыркодасны-пиняласны. Велодй
пё бура дай, оз комвы «дваяс» тэчны. А он на тай быдонёс велод. Посни
классьясас босьтчыласны велодчыны, но мыйон казяласны, мый велодчытё-
гыс вуджодёны жё, пыр и дышмасны.

Районё, конференция выло туйын быдсяма думсё песіс юрас Мария Ива-
новна. Туйыд кузь трактор додяд, думайт да думайт. Со тай, районад учи-
тельыдлы быдсяма ногыс на лоё ветлыны, весиг и трактор доддын. Меды-
лын районас налён сиктыс да. Арся туйыд ёд... Он тай шарод небось ас-
фальт вывті. Кольём вося конференциясё ставнас казътыштны удитіс и.

Роноса завыс ёна ошкис сійо школаяс, кодъяс сетёмаёсь сё процент. Став-
ныс эськё гогорвооны, кыдзи сійо шедё. Унджыкыслён — приписка, два
пыдди три пукталёны, кодьяслён абу сё процентыс, «брак вочысьсон» шуис
найёс.

Мария Ивановна, сідзкё, брак вочысь жё. Котъ и сёлёмсяныс, мудз
тёдтөг песьё-уджалё. Од нельонлы «трисё» пуктыны сёлёмыс эз лэпты. Оз
сяммыны ни лыддысьны, ни гижны. Коньбръясёс йоткыштёмаёсь посни классъ-
ясьыс-а. «Оз позь кольны посни классьясас», — шуас директор дай.— Тадз
тшөктёны вылісянь». А коді нё тшөктё? А сөвестыд нё кёні? Но сөвестъ
йылысь мый нин гаравны, қор процент бөрся вөтлысьом мунё. Со тай, три-
буна вывсянь сэтшёмьяссё бара на ошкыштісны. Районас тысяча сайё велё-
дысь, да бура уджалысьяс дас гогор сөмын и сюрёма. Мария Ивановна эсь-
кё эз и вичысь, медым сійёс ошкисны да, коми кыв велодысьёс. Бөръя кадас

коми кыв велодысьтö пыдди некод оз пукты. Ай-мамыс тай велодчысьяслөн веськыда синмас и пондiсны шуны-а, коды пö колö тэнад комиыд?..

Ой, тайöс думыштан да сёлöмыд потны кутлас! Ас кывсö, рöднöйсö, пöльяслысь да пöчьяслысь кывсö тадз кедзвотны кутисны!..

Мария Ивановналы, олöма велодысьлы, и конференцияс вылас нин неокота муннысö. Сымда нин кывзöма собраниеяс вылас весь больгöмсö. Сöмын и радлыштан, мукöд сиктса велодысь войтырсö аддзылан да. Пöтмöнды сёрнитыштан да.

Со и бара на пöвстын, ыджыд залын пукалö Мария Ивановна учительяслөн арся конференция вылын. Бара жö первой кывсö босьтiс роноса завьс. Мария Ивановна сьöдас кывзышталiс, пöшти кольöм вося сёрнисö выльысь шпарöдö мортыс. Роноса зав бöрын кыв сетiсны вылөн на вöм том велодысьлы. Ок и зептас кывлаыд оз пырав! Ок и шпаратö. Оз тай и яндысь, мый сöмын на практика дырйиыс нуöдлiс урокъяссö.

Мария Ивановна гажмис, быттьö праздник вылын лои, кор Важтыса школаысь директорыс пондiс сёрнитны, кызди найö учительскöй кадръяс вöсна тöждысьöны.

— Труд урок мян нуöдö Владимир Афанасьевич,— висьталiс Важтыса директор.— Мастерскöйын сьлөн зэв бур пöрадок. Челядь дзоньталiсны нин не сöмын ассыным трактор, но и сельполысь тшöтш. Öнi босьтчисны совхозлысь эновтöм автобуссö кок йылö сувтöдны.

Владимир Афанасьевич — асланым школалөн быдтас. Дас во сайын велöдчис мян школаын. Радейтiс техника. Помалiс школа, кольччис совхозö. Уджалiс механизаторöн. Совхоз вöли лсьöдчö мöдöдны сийöс сельхозинститутö, но учительскöй коллектив корöм серти ыстiсны педагогическöйö. Мöд во öнi сийö мянлысь челядьöс велöдö. Уджсö радейтö ассыс, лун и вой накöд, мян челядькöд. Сы дорын медасныра зонъясыс мортъяммисны.

Кор помалiс Важтыса директор сёрнисö, клопайтöмыс лои öтувъя, Мария Ивановна весиг ас тöдлытöг сувтiс да пондiс швачöдны кияснас.

И та бöрын сёрнитысьыс кажитчис жö Мария Ивановналы: Анна Павловна öд заслуженнöй учительница.

— Ме школаын уджала нин 38 во,— заводитiс Анна Павловна.— Но бöръя вояснас майшöдлыны менсьым сьблöмс кутисны. Кокни овны велöдам челяднымöс. А кокни мылкыдаясыд дзугöны йöзыслысь олöмсö...

Мария Ивановналысь мөвпъяссö висьталö Анна Павловнаыс. Сидзкö, сийö абу öтнас тадз думайтысьыс. «Да, да талунъя челядь — аскиа сиктса кöзьянъяс. И школаын на колö велöдны, мед оз пöтлыны ни уджсьыс, ни велöдчöмсьыс».

Том дырйиыс Мария Ивановна збойджык вöвлi. Трибуна вылас кайлiс унаыськодъ. А öнi полö. Сэки йöйджык на вöли, окота ошйысьыштны. А стöча кö шуны, сэки, том дырйиыд и кужöмлуныс этшаджык на вöли. Некутшöм уджын öд сямлуныд другöн оз чуж. Вояс колöны да терпеннö. Тайöс том дырйиыд онджык гөгөрво да мучитчан ачыд и уджсö мучитан. А интереснöй урокыд челядьыдлы чöскыд кампет кодъ, он и тöдлы, кыз прöйдитöбырö.

«Гашкö, меным тшöтш босьтлыны кыв?— Анна Павловнаöс кывзiг думайтiс Мария Ивановна.— Коми кыв да литература велöдöм йылысь зэв шоча сёрнитлöны...»

И сийö корис кыв, петiс трибуна вылö сёрнитны. Серöктыштiс, некод пö эськö öнi коми кывтö оз пыдди пукты, но сёрнитны пö кута коми кыв да литература йылысь. Висьтала, кызди ме уджала челядькöд медводдза коми поэт И. А. Куратовлысь произведениеяссö велöдiгөн и коми гижысьяскöд тöдмöдiгөн. Ме чайта, мый коми кыв велодысьлөн медколана уджыс — велöдны челядьöс радейтны коми му, коми кыв. Дерт, ачыд кö он пöся радейт и челядьтö öзтыны он вермы. Колöкö, сы вöсна и уна сиктын нин öнi том йöзыс рочасьöны...

Мария Ивановна висьталö, мый быд гожöм челядьсö нулö Сыктывкарö

Куратовскöй музейö, гожöм кежлас жö сетö лыддыны программа дорö сод-тöд литература И. Куратов йылыс: Куратовскöй лыддысьöмъяслыс томъ-яссö. Ивлелысь «Куратов в Казахстане», Г. Фёдоровлысь «Востым» роман-сö. Тайö отсалö челядыль гөгөрвоны И. Куратовлысь творчествö. Окота ещö Куратов чужан сиктас нуöдлыны челядьöс... Став тайö гöдмалöмторъяссö сесся челядь öтчукөрö вайöдöны — вöчалöны альбомъяс, нуöдöны Куратовлы сiom рыгыяс клубын да фермаясын.

Мария Ивановналöн сёрниыс, буракö, унаöс вөрзвöдiс-ыззвöдiс. Унатор юасисны да и висътасысьяс лоины.

Сидзкö, Мария Ивановна зэв на колана сёрни лэптiс. Сидзкö, школайслы, челядыслы колана-туяна морт на сийö! А öд быдсяма гажтöм думсö нин нуöдлiс ас кежыс школаын аслас удж йылысь. И думайтiс öнi томмыштöмөн быттö, мый конференция вылас трактор доддяс дзужгöм-волöмыс эз весь ло, и оз на ков пенсия вылö петöм йылысь шогавны.

2

Гут пуксыйлöм дыра и, буракö, лөнълис Мария Ивановна паччөр вылас, а узьсьöма! Съод рыт воöма. Кузь туй бöрад да кынмыштöм бöрад. Садъмис öдзöс шысыс.

— Мамыд гортын?— кылис тöдса гөлöс. Егор Öксинь мыйлакö локтöма.

— Гортын,— пыр жö вочавидзис Таня нылыс да пондiс чукавны мамсö.

Мария Ивановна съöкыда лэччис паччöрсыйс, нылыслы тшöктiс пуктыны чайник, пуксис Егор Öксинькöд орччөн. Нывбаба синъяс да вөрöшитчысь кияс сertiыс пыр и гөгөрвоис: бабатö мыйкö чеплялö.

— Могөн öд кöнкö?— шыасис гöстя дорас.

— Бара на тай лоö тiян дорö шыасыны. Костаяд öд оз кöсйы мунны велöдчынысö Кировад.— Öксиньлөн артмис ымöстöмкoдь. Тайö юöрыс и Мария Ивановналы виччысьтöм, пыр жö юалис:

— Но-о, экзаменъяс и быдөн сдайтiс да! Мыйла нö пö?

— Эсийö Зойда вöсна-с!— Öксинь чужöмын сорласьöма и норлуныс и скöрлуныс.— Гöтрасьны кöсйö!

«Нинасö тадз шуö, оз радейт, буракö. А нылыс абу лёк. А гöтрасьны водз на эськö...»— Муртса и оз чепöсйы Мария Ивановна вомысь, но кутчысис жö тай.

— Да-а,— пыдисянь ышловзис, медым не чöv овны, а мый шуны — эз на тöд. Ачыс Öксинь мездiс:

— Тiянöс эськö, Мария Ивановна, зэв пыдди пуктö Костаяс. Гашкö, сёрнитланьнд?— син дорсö чышьян помнас чышкыштанмоз шуис Öксинь да ыджыд надеяөн пондiс видзöдны писö велöдысь вылö.

— Сёрнитлыныд, дерт, позьö, артмас оз мыйкö-а,— кöсйысис быттö Мария Ивановна, и Егор Öксиньлөн чужöмыс гажмыштiс.

— Надейтчö ме вылö. А сямма-ö ме? Кызас-ö менö Костя?— Öксинь мунöм бöрын панiс Мария Ивановна нылыскöд сёрни.

Таня нылыс пединститутын жö нин велöдчö, позьö ськöд дай колö таштöмторъяс йивсыс сёрнитны. Во-мöд бөрти öд велöдысь жö лоö.

— Томсян радейтчилад быдторйыс овлö,— казгыштö Мария Ивановна.— Медводдза велöдан воясö воис менам классö ой-ой мича нывка. Челядыд эськö век мичаöсь, но сийö торъя нин кутшöмкö. Сизимöд классын сы бöрся яндысьтöг пондiс вöтлысьны Юысь Педöрным... Эн, Таня, серав, и Юысь Педöрным коркö эз вöv юысьөн, а шань зонкаөн вöли. Первойсö Галяыс пышь-ялис сысысь, а öкмысöд классын зэв пондiсны лöсявны.

Ми, велöдысьяс, радлим и полим, но эг суитчöй, надейтчим бать-мам вылас. И Галяыд кынöмасис. Шöйöвошим, а мый керны огö тöдöй. Пока чуй-малим, Галяыд миян воши. Мунöма карö кынöм перйыны. Сэсянь сесся эз нин волы. Тайөн налөн любовыд и домасис. А Педя лои Юысь Педöрн. Галя жö петöма лётчик сайö, важкодъыс на мича, адззыли карсьыс да. А вот

челядыс абу... И ме, велодысь, тшотш мыжа таын, эг сяммы бур ногон суитчыны том радейтомас.

Мария Ивановна друг кватитчис, ойостис. Косйыси по од Оксиньдылы, а кытысь но по да и Костясо ме адздодла! Сернисо од нюждныс оз позь, кядыс оз виччысь.

Таня нылыс и вэйис, ветлам по клубо кино выло. Лосыд кино тай шуоны. И Костяйд Нинаыскод, дерт, сэн лооны.

Клубын и адзысисны, весиг орчон веськалісны пукавны. И Костякод орчон пукалом мысьт Мария Ивановна друг быттьо чуймис, шыасис Костя дорю:

— Но, Костя, тэ тай но тан на?! Он мой мун институтад?

Том мортыд ыпнитис рытъя кыа ромон, дзуртыштис пуклоснас, нурбыльтис:

— Таво тай ог косйы...— сэсса содтис:— Армия бoryн велодча.

— Дерт, велодчыныд некор абу сер, но посйывсьыс бурджык эсько вольи,— шуис Мария Ивановна да ланьтис, мед дозмодчысь гутон не жо лоны. «Кольчас ко, кон бара уджавны кутас-а?»— жодзис юрас мовп, вэйисис ортсьо, но заводитчис кино, колло чов овны. Ас думьасо вейтчом Мария Ивановна эз и адзыв медводдза кадрьяссю. Мыйко йозыс кутисны серавны. Вольись пондис экран вылас видзодны. Кутшомко том морт ошиньодыс лэбис выли судтасянь. «Тадз эсько оз и овлы... Сидзко, йой кино... Челядь серам... Ой-ой, оз жо везит тай том мортыслы! Институтад эз веськав, кулиганьяс потмоныс тильскодисны. Кино вылад эсько ладно. Оломад тай лекторьясыс ена паскалоны...»

Учитель мортыд од ас ногыд донъялан, пасьялан, вензян. Кымын водзо гартчис кино лантаыс, сымын Мария Ивановналон нетшкысис вежорыс: «Мыйла бара-й татшом кинояссю петкодлоны? Кодос тайо велодас татшом киноыс, лэкыссьо отдор...»

Кино помассьом борас Мария Ивановна бара шыасис Костя дорю:

— Ме од, Костя, помодзыс эг и удит тэнсыд юавны. Мыйла но он мод велодчыныто, внеконкурсной и быдон шедлис местаыс да?

Зонмыд Нина вылас видзодлис, шуис:

— Ми гижсьыны косьям.

— Готрасьны ино косьян. Водз чеччомысь да водз готрасьомысь, шуломаось важ йоз, маета оз босьт. Мед. Коні уджавны кутан?

— Сельпоын, рабочейон.

— Но-о...

Тайо дженьыдик кывьяс олома учительницаыдлон сорассис унатор: дой и дозмом, шензьом и шогсьом. «Уна-о колло велодчыны, мед кыскавны пызь мешок, вина ящик? Грузчикон сельпоын уджало Геня Егор. Оз и косьмыв винасыс...»

— А институтыд абу жаль?— дзоркнитлис зонкалы синмас.

Костя нинюм эз шу, юрсо лэдзис морос вылас, тыдало, абу жо зэв гажасьоллом вылас.

— Кор но гижсянныд?— Мария Ивановна крута бергодис сернисю. Костя виччысьтомысла быдон дрогмунис.

— Дыр на сыодз. Торыт на заявленииосо сетим.

«Экзамен сдایتны ветлігкостаыс ена гажтомтчома. Полло воштыны нывсо»,— жалитыштис думнас учительница зонсо. Горон жо шуис:

— Эм на тай кадыд, позьо на думыштыны. Мамыд тодо гижсьом йывсьыс?

— Да.

— Тшокто?

— Оз!— скорысь ородис зон.

«Ой-ой, сьокыд жо они, коньорлы».

Йоктыны окотитысяс одий вешталисны скамьяс, анькытш моз сямунисны джодж пасьтала, мыйон гримобтис музыка. И Костялон Нинаыс сель-

поса нывъяскөд петіс йоктыны. Төв йыв ветьокъяс моз мөдінсы летйысьны.

Олөма мортдылы, кодъяс том дырйыс танцуйтлісны вальс, танго, дивөкодь видзөдны йй вежнясьомсө. Но Мария Ивановна бара на шыасис зон дорө:

— Костя, ме тай нө чайта, велөдчынд колө өні, пөсьйывсьыс. Нинатө босьтан сэтчө. Сэні өд вермас жө вузасян уджтө уджавны. Ачыд на прөст кадө најөвитчыштан и. Грузчыкалыштан. Том семьядылы өд сьомыд ковмас. Өд и кага лөб... Ковмас вердны семья.

Костя нюмдіс, мый пө тэ, и челядь нин гаралан, и семья вердөм.

Мария Ивановна бара жалитыштис сійөс, бордьясьтөм быдтас пө тэ менам. Кыдз позьө меліджыка шуис:

— Дитяй, свадьбаыд гажа, да олөмыд абу өти гаж. Маниті аслам сёрниөн. Мун, дитяй, йокты, то Нинаыд тэ вылө видзөдлывлө нин.

Сьөлөм висьөмнас юксьыштіс том морткөд дай Мария Ивановналы лөи быттө кокниджык. Но войнас вөталіс Костяөс на. Быттө катөны Костякөд пыжөн. Сынөны-сынөны, а визулыс бөр кылөдө. Берег дорас быттө Костялөн мамыс, Оксинь, зэв шөг мыгөра на вылө видзөдө...

3

Войся вөтсьыс ли мый ли, чеччис Мария Ивановна зумыш и мудз. А талун өд сылөн медводдза праздникыс. Виль велөдчан во заводитчө. Татшөм шөма чужөмнад челядь дорө петны оз позь.

Пачсө лөмтіг видіс да дивитіс асьө учительница. Но сійө төдө: морт вермө асьсө вөчны сэтшөмөн, кутшөмөн көсьяс. Сөмын выныштчывны колө. Медводз ывлаө, көть дзоля перемена мында кежлө. Зарядка вөчыштны. Сараяс ки-коксө песьыштөм да куснясьыштөм бөрын пырис гортас. Дольдджыка нин, ещө өтчыд видзөдліс школаө мунан паськөмсө. Син пырыс нуөдіс конспектьяссө, видзөдліс, кытясті колө төдны уроксө наизусть. Литература да кыв велөдысьдылы колө, медым сылөн сёрниыс вөлі мича да озыр кыв боксяныс. Мария Ивановна бура төдө кывйыдылыс вынсө. Да и литератураылыс вынсө том йөзтө сөвмөдөмын төдө жө.

Сизим час бөрын чечөдіс нывсө. Сійө тшөтш көсйө ветлыны школаө, мед пасьтасяс жө. Кыдзи учитель. Лөсьыд, но синмө шыбитчытөм паськөмө.

Кор зня-ныла мөдінсы, кильчө вылө петмысьт первой делө видзөдлісны енежас. Зумышкодь тай поводдяяс. Оз өмөй сутш кежлө көть мыччысьлы жө шондіыс? Первой сентябрь да, праздник да!..

— Здравсьте, Мария Ивановна! С праздником!— кыліс забор сайсяныс гөлөс. Аслас Дуняыс тай, Бабанова. «Асласнас» Мария Ивановна шуө ставсө, кодъяс вөліны коркө сійө класснөй руководство улын.

— Чолөм, Дуня! И тэнө праздникөн! Тэ нө фермасын нин локтан?

Сөмын на петісны потшөс саяс, кылө, шыасисны:

— Тал-лун кы-көн нин?

Тайө Артем Сандрө, петө сусед керкасяныс улич вылө. Удитөма нин, буракө, кытшовтны сиктсө.

— Кыкөн, кыкөн, Артемьевна!— Быдөн дорө Мария Ивановна шыасьө ним-вичнас ыджөдлөмөн. Сиктад өд учительница вылад видзөдө сө син да кывзө сө пель.

— Дыр на удж-ав-ны кут-ан? Он жө куж крас-суйтчы-нысө.

Мыкталө Сандра и сійө гөлөс серти он и төд, жалитө тэнө али сералө.

«Вера Михайловна моз ог жө нелямын арөсьянь, медся кужан-сямман кадас школа зновт»,— думайтө Мария Ивановна, но оз шу. А Сандра мыкталө нин водзө:

— Ыж-мөс, майбыр, видзө, вый да нө-өк сөйө, гөг-рөс-мөма...

— Медъя, медъя!— шуыштө Мария Ивановна, водзө оз паськөдчы. Сандра бөж йылас өдйө нуас учительницаыдылыс быд кыв.

— Видзчыс татшөм йөзсьыс,— вашнитө нылыслы.

— Длґястуйте!— бѳрсяныыс кыліс кага гѳлѳс. Эня-ныла крута бергѳдчисны. Найѳс вѳлѳм судоѳ Мирон Паньтелѳн кагукуыс.

— Здравствуй, Светук! И тѳ школаѳ талуи мунаи?

Еджид дѳрѳмьяса да фартукьяса челядьсыс ылысян школа дорыс кажитчис лымьяѳн. Мария Ивановна вом тырыс нюмѳн пырис школа йѳрас. Гузь сылы паныд усыкѳдчисны челядь. Тѳлыс-мѳд эз аддзысылыны дай гажтѳмтѳмны. Шымыртис долыдлун олѳма учительницаѳс... Сѳдз, югыд синва моль пычикмуиис.

— Талунсян ми тиянкѳд бара кутам вѳчны медколана уджсѳ. Велѳдчыны. А сийѳ абу кокнитѳр. Но велѳдчыны вермас быдѳн, сѳмын колѳ ѳна зильны...

Нельѳд классын сылѳн первой урокуыс. Челядь унаѳн выльѳсь, тѳдтѳмѳсь, боки сиктѳясыс, начальнѳй школаын велѳдысыяслѳн быдтасныс. Ставныс сѳстѳмѳсь, шырсѳмны-шыльѳдѳмны, виль костюмаѳсь. Вежон бѳрти уна зонкалѳн виль костюмыд лоѳ няйт да весиг косясьлѳм. Зонпосниид вунѳдѳны школа бѳрас вежсынытѳ, сѳйѳны и ворсѳны-дурѳны школаѳ ветлан паськѳмѳн.

«Бать-мам отсѳгнас колѳ велѳдны видзны бур кѳлуйсѳ,— вѳрзѳ юрас мѳвп, а челядьлѳн синьясыс, уна син сѳйѳмѳн сѳйѳны, виччысѳны, мый кутас висьтавы налы виль учительницаыс. А синьясыс эз тѳдаѳсь, мусаѳсь, ѳд тайѳяслыс и бать-мамсѳ, и чѳй-воксѳ лои нин велѳдѳма 33 вѳнад.

Уроксѳ заводитис челядьлѳн медмусаторсяныыс. Гожѳм коллялѳмсян.

— Вѳлі пионерскѳй лагѳрын.

— Вуграси да купайтчи ѳна.

— Бабѳлы отсаси...— висьталісны челядь.

— А Петя да Коля, ти кызди коллялинныд гожѳмсѳ?— шыасѳ Мария Ивановна парта сайын лѳня пукалыс вокьяс дѳрѳ.

Сувтисны кык вок, чѳв олѳны. Тѳдан пѳ да мый юасян, думайтѳны, кѳнкѳ. Тѳдѳ Мария Ивановна, мый тайѳ зонкаясыс зильѳсь да этша сѳрниаѳсь. Батыс кодѳсь жѳ. На пыдди ачыс и пондис висьтавыи:

— Петя да Коля совхозын юр кыскалісны. Зіля уджалісны. Петя да Коля йылыс весиг газетын гижлісны. И снимок вѳлі. Со, вундылі газетсыс да альбомѳ клеити, бѳрыннас верманныд видзѳдлыны да лыддыны. Совхозлы кѳрым лѳсьѳдѳмын ыджид пай тайѳ семьяыслѳн...

Велѳдысыд тѳдѳ: мый сѳрнитыштан посни челядькѳд, сийѳс и нуасны гортаныс да юксыыштасны ай-мамыскѳд. Сиктса мукѳд бур уджалысыяс йылыс сѳрни нуѳдыштис и. Медбѳрын кыкѳрталіс, мый татшѳм йѳзыс мичмѳдѳны олѳмсѳ, бур уджнас ѳнмѳдѳны не сѳмын ассыныс чужан сиктѳс, но и ставнас странанымѳс. И ми тиянкѳд асланым бура велѳдѳмѳн да совхозлы отсасѳмѳн пуктам жѳ пай Рѳдинаным ѳнлунѳ.

Мѳд да коймѳд урокьясыс Мария Ивановналѳн дасѳд классьясыи. Сѳн кадтѳ воштыны оз позь. Коми кыв вылад сетѳма кык час, а окота, мед эськѳ тѳдисны унджык ас му йывсыс, ас кыв да ас йѳз йывсыс.

Медводдза урокьяссѳ шуи сины внекласснѳй лыддысыѳмлы. Гожѳм кежлас уджсѳ сѳтавліс каникульяс вылѳ лѳдзтѳдз. Колѳ вѳлі тѳдмасыны писателѳ вокьяс гижан сямѳн. Мария Ивановна шуи, мый торйѳн лоѳ сувтлѳма «Шондѳбанѳй олѳмѳй» вылѳ.

Ыджид удж вѳчис Мария Ивановна тайѳ урок кежлас дасьтысигѳн. Бура произведениесѳ лыддѳм бѳрын писателѳлы письмѳ гижліс, сѳсса и карѳдз на ветліс театрѳ. «Шондѳбанѳй, олѳмѳй» премьера вылѳ. Кѳсьян кѳ бура уджавны, быдлаыс корсыян.

Смек и грек лои театрѳд ветлѳмыс. Урокьяс бѳрас пѳпутнѳй машина вылын карѳдз мѳдѳчис. Локтис эськѳ лючки карас, да спектакль кежлас сѳрмис. И билетьясыс абуѳсь.

Сѳсса нѳ сы ылнасяныыс локтис да видзѳдтѳг ли мый мунас? Дирекцияас, гашкѳ, пыравны? А сѳни Кѳрткерѳсса челядь, быдса автобус вайѳмны. «Май-

быръяс, матынсь карсяньыд да воёмны. Миянлысь кō челядьōс тшōтш вайлыны...»

А кызкō о́д пырис Мария Ивановна. Гōгōрвоис сиктса велōдысьōс театрса администратор. Лэдзис. Улōс сетис ветланинас пукавны. Йōзыс ызгис-сералис: Оксинь тьōт рочасьō корреспонденткōд. Актриса Г. Лыткина сийōс ворсис. Томджык кажитчō. Война кадся сиктса бабаясыд о́ни ёна нин пōрысьōс.

Но тайō аслас, Мария Ивановналōн мōвпыс. Колō кывзыны, мый йōзыс сёрнитōны. Антракт дырйи гыа ва вылын о́тка пыж моз шыбласис о́ти йōз чукōрянь мōдō.

О́ни, урок нуōдигōн бара на тōд вылас усълис театрын став аддзылōмаяс, но урокыд дженъыд, ставсō сёрнитны он вевъяв. Авторыслысь олан туйсō дженъыдика казтыштōм бōрын вуджисны пьесаын образъяс восьтōм вылō.

Воддза дас классас урок бōрын Мария Ивановна коли дōвольнōй. Гожōмнас войтырыс бура лыддысьōмаōсь. Торъя нин коми гижōдыяс. Дерт, о́ния кадō и роч кывлōн коланлуныс ыджыд, но зэв на пыдди пунктōны и мам кывсō. Пōшти быд керкаын на медколана гōстъяс коми книгагясыд. А ещō кокни вōли и сы вōсна, мый челядь кужōны вензыны, пузытōг, мисьтōм кывъястōг, сяммōны нин торйōдны вежавидзысь йōзсō сямтōм да лēк йōзысь. Пыдиджык нин мōвпалōны и радейтōм йылысь. Уна жō о́д и лои нин та кузя сёрнитōма сизим вонад. Мария Ивановналōн койыштōм кōйдысьясыс, колōкō, и бура петасны. Дерт, и петас бōрсяяс колō ыджыд дōзъōр. Но найō нин быдōн ачыс кутас корсьны дōзъōр сямсō. А пока тайō восō, медбōрря восō, школаыс ещō на лолалас челядьлōн лов пытшкō, сюсьджыка корас видзōдлыны найōс виччысьысь Олōм вылō.

4

Да, мырсьōны тай велōдысьясыд, унджыкыс пōся, сьлōмсяныс. Корсюрō, дерт, и кōдзыд сьлōмояс веськавласны, но сёрни абу на йылысь. Мамбать йылысь. Найō кō эськō доддясисны тшōтш школакōд о́ти доддьō да кыскисны додь вожсьыс петавтōг. Да кысь на сэтшōмъяссō босътан. Лēка на этша сэтшōмыд. Сидз-тадзыс унджыкыс на.

Дасōд классын урок нуōдōм бōрын муртса удитис Мария Ивановна пыры учительскōйō — чуймис. Географичка бōрдō.

— Мый нō лōма?—вашнитōмōн юалис математичкалысь.

— Марин Саш уроксō абу лэдзōма нуōдны. А тиянōс, Мария Ивановна, дирекцияō корисны пыравны,— висьталис математика велōдысь.

Дирекцияын Мария Ивановнакōд сёрниые вōли дженъыд, тшōктисны ветлыны Поповъясō, пыис абу локтōма школаō.

Ой, дыш эськō сы ылнаад мунны, да о́д кымын асьтō ачыл нярмōдан, сымн лēк вōчан. Колō и быть мун!

Гортас вежсьыштōм да сейыштōм бōрын пыр и мōдōдчис Издін сиктō. Нылыс, Танияс, эськō вōйысис жō гаж вылō, да Мария Ивановна тшōктис картупель босътны. Абу чуткысьлōма лунтырōн картупель дорад. Лыддысы пō. Водзтi эз ков индыны, ачыс аддзис, а о́ни карад дышмōма. Краситчыны да баситчыны бара велалōма ёна. «Стрōгджыка кō ковмас ськōд сёрнитлыны-а. Кутшōм нō сысысь велōдысь петас? Дышōдчыны кō кутас. Дерт, шуам, пионерскōй лагерысь локтис, практика вылысь, мудзыштис, но аслыд картупельтō босьтигōн усырыс оз на ор...»

Мария Ивановнаōс дойдыштис нылыслōн дышōдчōмыс. Издін сиктō мунигчōж думнас сёрнитис да вензис нылыскōд.

— Чолōм, Мария Ивановна!—торкисны сылысь аскежся думъяссō. Паныд локтис чатōр юра, салдат моз восъалалысь нывбаба.

— Чолōм, чолōм, Петровна! Мый нō, Зинуктō мōдōддин карад?

— Мунис тай, лэбзьыштис. Мед велōдчас. Тани о́д вина гаг батыс олōм сылы эз жō сетлы... Талун на бара пычкис менсьым вит шайт. Он кō пō сет—ōшōдча. Сеті...

«Ошодча» кывйыс Мария Ивановнаос пöсö шыбитіс. Кымын верстыö мортнин сиктёсы помалісны олёмнысö эсійö вижля-вина вöснаыс! Со öд и пöрысь мортыд грексыд оз пов: ошодча пö! Ачыс ещö ветеран! Мыйö нö велöдöны татшöм ветеранъясыс дедöн да батыөн шуысыяссö? О-ой жö эськö да! Ена жö урöсмöдöны юысыясыд олёмсö!

Петровнакöд янсöдчöм бöрын Мария Ивановналөн синъясыс кыйисны нöрысысь мича кызд пуюс. Чукөрөн быдмöны, пöрысьджык кыззяс и томиникъяс. Бытбөкө меліа вашкөдчöны öта-мöд костас. Мария Ивановналы сразу кучкис юрас мөвп: «А экскурсияөн кө волыны татчö челядькөд? Кывлан тай пöрысь бабьясянь, пöчөн шуысыяс пö кедзөвтöны. Та кузя позьö сёрнитышты, асланым вөр-ва мичлун йылыс. Сэсся, эстчö нöрыс ритыв бокас тшöтш нулыны. Сэні том йöз войлукöны. Петкөдлыны, кызд урöстöмны местасö. Сэні и чигарка помыд туплясьö, и кампет корйыд, и тыртöм бутылка-ыд, бипуртö пестылёмны...»

Мышяняныс ургысь машина шы торкис сылысь вель урок кежлö дасытьсöмсö. Кабинасянь кыліс горөдöм: «Мария Ивановна!»

Машина пановтіс сійöс, тан сүвтіс.

— Локтöй, пуксьöй!

«Аслас» Иваныс тай тайö.

Любöбсыла эз и тöдлы, кызди Мария Ивановна лои кабинаас.

Иван абу варов, чолёмаси и чөв олö. Дерт, позьö сёрнитöдны, но пока позьö и чөв олышты. Иван — Мария Ивановналөн быдтас. Сиктын сійöс шуöны «особой мортөн». Некодлы пö оз öткажит, ваяс пес и турун, а сьöмсö көпейка оз босыт мукөдъяс моз. Мукөдыд пычкасны нинöм абусыяе.

Со и сёрни панны помка лои. Туй бокас тыдовтчис сарай сямá стрöйба.

— Тайö нö мый кыпöдöны?

— Удобренье видзанін,— Иван восьтыштліс öдзöссö и бара чөв-жөнъ. Топыд вомаыд кажитчö Мария Ивановналы, но кор кыкөн колян, сьöкыд.

— Иван, извинит, мый нö быдтасыдлөн нимыс, öнөдз ог тöд?

— Анжела.

— А ыджыд-ö нин?

— 8 тöлысь лö.

— Самöй баты-мам тöдан кад...

Иванлөн вурыштöма вомсö, но радлуныс сөдзтысыс синъясысыс. Иван и школаас велөдчигас вöлі раминик, этша сёрниа, нинöм оз тöд. Кымынкö «два» лои жö швачөдöма, кытчөдз эз босытчы велөдчөмас кызди колö.

Бурыс и лёкыс матысмöдіс найöс. А со чөв олöны. «Гöтыр йывсыс, гашкö, ещö юасышты?»

— Иван, а Ленаыд нö фермаас на уджалö?

— Сэні.

— А кысь тöдса ним-овыс да! Ми öд челядькөд чукөртам материал бур лысытысысыяс йывсыс.

Иван бара долыда вашмуні да друг вöйис:

— Пыраламöй мяянö. Лена пöди эз на мун фермаас.

Иван гөлöсын кыліс збыль, сьөлөмсяныс нуөдöм.

— Аттьö. Мөдыс коркö пырала. Анжеликатö видлыны. Ме дорö жö öд велөдчыныс локтас...

«Вот тадз кө быдөн оліс да уджаліс, кутшöм бура эськö сиктса войтыр оліс»,— машинаысь чеччöм бöрын нййт туйсö Поповъяс керкалань восьлаліг думайтіс Мария Ивановна.

Поповьяслөн кильчöыс вöлі пöдса. «Некод мöй абу? Та ылнаысь вои да... Öдзөсас тай тас ни майöг, эмöсь жö, гашкö». Пöрысь кань моз видчысыөмөн пырис посводзас, тотшкерис öдзөсас. Некод эз шыась. Восьтіс öдзөссö, воськовтіс керка пытшас. Нырас чапкис лёк дук, көть бөр уськөдчы ывлаö. Но пырöма нин да. Шкоргöм шы чуновтіс пельсö. Весиг сапөгсö абу пöрччöма, кроватяс сунвидзис көзяиныс. Пызан выв тырыс «бомбаяс», нййт стöканъяс. Увгисны гутъяс, буракö, коддзöмаөсь жö. Пöлать вывсяныс кыліс

пошиктѳм шы. Мария Ивановна вештыштис киссьѳм занавессѳ. Сэн пукалісны шы ни тѳв кык зонка. «Менам Попов Ваня да ар куима зонка, вокыс».

— Здравствуйте!— кызд вермис небыдджыка шыасис учительница на дорѳ.— Мамыд нѳ абу гортын?

— Муніс.

— Он тѳдѳ кытчѳ? Код ордѳ?

Зонкаяс пырккерисны журнаыс.

— Ванюш, мыйла нѳ школаад эн волы?

— А лѳдзасны?— зонкалѳн ѳзйылісны синъясыс.

— Мыйла нѳ оз? Ме со весиг корны локтi да.

— Тѳтя!— ичѳтикыс кѳсийс чеччыны, но Ваньѳ кутыштис сійѳс бѳждорѳдыс. «Оз позь».

«Вот эськѳ татчѳ кампетыд и колѳ. Эг жѳ гѳгѳрво босьтнытѳ зептад».

— Школьной формаыд эм?— недыр мысыт юаліс зонкалыс.

Ваня дзѳрѳдыштис журнас.

— Сапѳгыд?

— Эм.

— Тѳньѳ!— ичѳтикыс индiс паччѳрас каян пос вывсьыс ротлѳм кѳм вылѳ.

— Няньыд эм? Тi нѳ абу тшыгѳс?

— Тѳньѳ няньыс!

Ваня эз удит кутнысѳ, ичѳтикыс тювкнитис джоджѳ, кватитис пызан вывсьыс сьѳд нянь гримзуль, мыччис Мария Ивановналы.

— Ой, зѳлѳта пи!— Мария Ивановна босьтис сійѳс ки вылас. Жалысла тюркнитис синваыс. Буракѳ, войтыс сотыштис кагалыс йісѳ, сійѳ крута лѳдзис кисѳ, няньторйыд уси джоджас.

— Кызд нѳ тѳнѳ шуѳны?— кагаѳс мелуйтанмоз юаліс учительница.

— Мисьѳ.

— Ми-и-шук! Ой, мича нимыд! Со менам зептысь сюри руб, вай котѳртлѳй Ваняыдкѳд кампетла. А ме муна. Мамыдлы висьталѳй, ыштѳ учительница школасянь воліс. Тѳ, Ваня, аски школаад лок, кѳть и мамыд оз кут тшѳктыны. Лок!

Бывлаас петѳм бѳрын дыр ышлоаліс, лѳньѳдчис:

«Шондiбаа, гажа жѳ вѳльнѳй светыс! Юысьясыс бара кылѳны да аддзѳны оз став этайѳ вѳльнѳй свет мичлунсѳ?» И друг сійѳ кыліс ас пытшысыс кутшѳмкѳ мыж. Этайѳ челядь водзас. «А ме нѳ мыйѳн мыжа, мый мамыс и батыс юѳны? Кысянь нѳ тайѳ, кор заводитчис йѳзыслѳн винанас тадзи йѳйталѳмыс? Водзтi ѳд немся эз тадз урсасьлыны. Коньбръяс кагаяс! Бергѳдчыны эськѳ да кватитны и нуны татысь пежинсыс зонкаяссѳ! Но кызд лысьтан мам-бать дорысь. Мырддыны кѳ судѳн?..»

Бура дыр мантчис кильчѳ помас. Сѳсся мѳдiс жѳ. Туйыс абу дженьыд, пемыд на вермас суѳдны. Арся туйѳдыд сѳсся и шлѳпикты. Буракѳ, талун кежлѳ ставѳ лои вѳчѳма. Первой велѳдчан лун помасыны кутіс. Мудзис Мария Ивановна. Сьѳкыд вѳлі луныс. И аски бара лун воас, и бара лѳѳ сьѳкыд. Велѳдысьыдлы быд лун сьѳкыд. Абу сьѳкыд сѳмын сылы, кодi оз вись челядь вѳсна сьѳлѳмнас.

5

Выльлунѳ пѳ картупель вылѳ.

«Мый нѳ сѳтшѳм водз? Важ йѳз шулѳмабсь, му кѳдзавлытѳдзыс пѳ картупельсѳ оз позь босьтны, сiсьмыны кутас. Ёнъя йѳзыдлы медтыкѳ босьтѳма... Нѳльѳд классаяссѳ нѳ петкѳдасны оз? Со тай ѳъявление ѳшалѳ».

Мария Ивановна матыстчис гижѳд дорѳ, лыддис, квайт урок бѳрын пѳ локтасны совхозса веськѳдлысьяс картупель босьтѳм йылысь сѳрнитны. «Да, картупель босьтан тышад школа кодъ армиятѳ совхозыдлы сьѳкыд аддзынытѳ. Да и велѳдысьяс кодъ полководецьясыд оз туплясьны».

Стӧч индӧм кад кежлӧ школаӧ локтисны сиктса веськӧдлысьяс, пыдди пуктанаяс и сідз-тадзьясыс.

Уна бокӧвӧй йӧзсыд велӧдысьяс здук кежлӧ тшӧкмунлісны. А сэся пондіс киссьыны велӧдысьясянь руководство дорӧ тшӧктӧмъяс да корӧмъяс:

— Зэв ёна корам, мед му вылас код йӧзыс эз вӧвны...

— Челябинсӧ му вылас не сӧмын нуны колӧ, но и вайны. Дас версттӧ подӧннад мунны абу шутка...

— Мед эськӧ мешӧкъясыс кыкнан сменаыслы тырмис...

— Копалкаыс кӧ жугалас, мед тӧдысь-кужысь морт сэн вӧлі, лӧсьӧдіс...

Дӧзмымӧн «мед» да «колӧ» пасьялісны велӧдысьяс. На бӧрын кыв босьтисны му бабитысьяс да совхозса веськӧдлысьяс:

— Позьӧ видлыны корсьны быд бригадаысь эсьйӧясӧс, ютӧмъяссӧ, но ручайтчыны ёнасӧ ог вермӧй... Оз тырмыны и тӧлка машинаяс да кужысь киа йӧз...

Кыв босьтліс и совхоз парткомса секретарь:

— Му — мян олан гажным. Сійӧ вердӧ мянӧс и юктӧдӧ, кӧмӧдӧ и пасьтӧдӧ. Миянлы некыз оз позь вӧдитчыны ськӧд лӧка да ещӧ челядь дырйи...

Бӧръя воясӧ ми чорыдакодъ личӧдлім вӧжжынымӧс и ас пытшканым чужтім «вӧрӧгъясӧс»: юысьясӧс, дышӧдчысьясӧс, гусясьысьясӧс. Вот ӧні и йирӧны кок сӧннымӧс. Накӧд ӧткӧн-ӧткӧн вермасьӧмыд нинӧм оз сет, колӧ артельӧн. А мый корӧны мянсянь велӧдысьяс, ковмас вӧчны! Тайӧ ставыс миянлы колӧ налы дорысь ёнджыка.

Медбӧрын сёрнитіс совхозса директор. Уна лыдпас лыддӧбдлӧм бӧрын совхозса юралыс пондіс сетны воча кывъяс велӧдысьяслӧн «мед» да «колӧ» вылӧ. Бура дыр мыкталіс: «Кызд асьныд тӧданнуд да кызд асьныд тӧданнуд.» И пуксис парта сайӧ. Ӧні сійӧ вӧлі экзамен слайтысь кодъ, кодлысь ёна юасисны, но эз тӧдны мый пуктыны: «два» ли...

Зато сиктыс тӧдіс, кызд донъявны сійӧс. Весиг гораа ропкис:

— Начальникад воис да этшӧ оз тӧд. А ылӧдчыныд мастер!..

Омӧлик веськӧдлысьтӧ сиктыд пыдди оз пукты. Но мыйлакӧ районуын сійӧс ошкӧны. Мыйлакӧ татшӧм начальникъяснас сиктыс мӧдіс тырны. Унджыкыс вельмӧм йӧз. Государство тшӧт весьтӧ кыйӧдчӧны озырмӧдчыны. А сиктыс чужӧмсӧ оз веж. Кысь нӧ вежас, кор ӧти начальник ыстысьӧ мӧд вылӧ. А ӧд ставныс велӧдчӧм йӧз...

Юралысьяс мунісны, а на йылысь мӧвпъясыс колины школаӧ. Гашкӧ, петас на и ортсыӧ. А бур эськӧ, горӧнджык кӧ сійӧ мӧвпъясӧ шуны.

Мария Ивановналысь классӧ индісны бурджык картофель му вылӧ. Дай нуисны автобусӧн. Мукӧдсӧ — грузӧвӧйӧн. Мария Ивановна класс дорӧ жӧ индісны и мӧд нельӧд классӧ. Сэні велӧдысьыс томиниқ, Елена Васильевна. Автобусын пукалісны орчӧн, сёрнитісны. Елена Васильевна висьтасис:

— Практикаӧдз ме вӧлі думайта, мися, велӧдысьыд кунм часӧдз и уджалӧ, сэся прӧстӧсь. А вӧлӧмкӧ, шойчӧг он и тӧдлы асывсянь вой шӧрӧдз. Тетрадыс прӧверитны, урок кежлӧ дасгысян, внеклассӧйыс мыйта!.. Эз ӧд весьшӧрӧ унаӧн верӧс сайӧ петны, медым не мунны велӧдны. Повзисны...

Мария Ивановналы окота вӧлі сёрнисӧ вуджӧдны институтас олӧм-вылӧм йылысь, но автобусыд ӧдйӧ и вайӧдіс картофель му дорӧдзид.

Автобус рекмис. Му вылыс ловзис, пондіс шутлявны, чирзыны, сьывны. Учительницаяс кежисны бипурлань, кӧні котралісны нин налӧн велӧдчысьясыс. Сэн жӧ вуджрасисны и совхозса йӧз, сӧвтчысьяс. Му вылас разі-пели тыдалісны нывбабаяс. Удитӧмаӧсь картофеляджык визьясӧ босьтны. Быттьӧ оз асланыс челядьыс тан кутны картофельсӧ босьтны...

Учительницаяс воигкежлӧ бипур дорын лои чӧв-лӧнь. Учителяс здоровайтчӧм вылӧ кодкӧ вочавидзис, кодкӧ эз. Сиктса бурлак зонъяс яндысьтӧг дзоргисны том учительница вылӧ. Иван Юрийлӧн печенча бергӧдлан беддыс коли биас да ӧзйис.

— Кӧн нӧ бригадирыс? — юаліс Мария Ивановна.

— Эстён, улас. Копалкаыс сибдёма,— өдйö шыасисны зонъяс.

«Уджавсис талун, тыдалö. Ветлыны, гашкö, видзöдлыны, мый сэн керöны?» И чукöстис мöд велöдысысö Мария Ивановна.

— Лок, Елена Васильевна, ветлам.

Бипур дорын лыбис шум: абу ставлы тырмёма печенчаыс. Лои на сэтчö суитчыны. А сэсса и юрас воис мöвп: босытны ставнысö сьöрьсыс. Елена Васильевнаöс тшöктис лыддыны челядьсö, некымынöс мöдöдис мешöкъясла. Кор висьталисны, мый сизимёма абу локтёмаöс, Мария Ивановналөн вирыс уськöдчылис юрас, вомыс востылыс нин пинясыны. Но удитис раммöдчыны: «Локтём йöзсö кöсьян пинявны, пöрысь выжысь! Ошкышт найöс! Юасыс, мыйла сизимöныс эз локны?»

— Машö пöчыслы отсасыны кольччис...

— Валяöс мамыс эз лэдз, висьмас пö.

— Светаöс ог тöдйö...

— Лена висьö...

— Юрий, Павел да Алеша волисны. Ведраяссö дзэбисны школа йөрö. Асыны вадорö пышйисны.

— Сельпо предлөн да детсадса завлөн зонкаясыс, рытнас лоö ветлыны на ордö. Кор бать-мамыс абу радöвöй йöз, налөн челядьыс мыйлакö өдйöджык тшыксьöны. Огö лысьтöй синманыс шуны да,— аслыс мöвпалис Мария Ивановна.

Боксяныс кылис челядьлөн сёрни. Кодкö ошйысьыштис:

— Буско миян менö век корсьö.

— А миян Туган быд керкаыс кöмъяссö гусявлö да ваялö гортö.

— Тöрыт Жулик пышйёма батьö дорыс. Дай кыскёма тшöтш Лыскоöс. Ме дорö леститчöны, мед верда... Эг верд, нбöрьяли на. Кайö, мися, бөр батьö динö вөр керкаас...— Тайö Валентин Шахов.

Мария Ивановналы зэв кажитчис Валентинлөн «воспитательнöй уджыс» понъясыскöд. «А мыйла сылөн велöдчысысыс эз ставөн локны öтувъя удж вылас?» Думъяснас сэтчöдз ылалис, эз и казавлы, кызди челядьыс энöвтисны сийöс. Араванас копалка дорынöс нин.

— Со мый лоим, Мария Ивановна,— ымралысь чужёма бригадир пыр и шыасис учительница дорö, кор сийö матысмис жугалём техника дорас.— Быдса час нин нокам.

— Овлö,— шуыштис Мария Ивановна. Тайö кывйыс частö мездывлö сийöс.

Көнкö бокин кылис нывкаяслөн лёкысь горзём. «Мый бара-й лоёма-а?» Лои энöвтны бригадиркöд сёрнисö. Тэрмасьмөн мунис нывкаяс динö.

— Марья... Локтö!!! Час тиянлы...

— А-а, сюрö... Локтö öд Мария Ивановнаым!

Шом Вась чепöсйис нывка чукöрысь, киас мыйкö тонъялö. Саялис бадьяс пöвстö. Елена Васильевна кутлис вöтчыны сы бöрся, энöвтчис.

— Мый нö лоинныд?— олёма учительница юалис дöзмём гөлбсөн.

— Васыс шырсö морбсö суйö,— медводз горöдис Ира. Галялөн чужöмыс едждöдёма, Анжела бёрдём синма.

— Аслыс эськö кöсий суйны питшөгас, да пышйис!— тшöтш шыасыö Елена Васильевна!

— Час, ме сылы петкöдла!— Тайö повзёдчан кывнас думсыс бурöдис ставнысö. А кызди петкöдлас: оз на и тöд. Ассыд кö— кучкин дай ставыс!

А кадыс мунö. Уджыс сулалö. И Мария Ивановна Елена Васильевнакöд мöдисны сувтöдавны челядьсö визысь визьö.

— Мария Ивановна! Тонöс Петяясыс миянлысь визынымöс мырддьöны! Мышсяныс кылис бёрдана гөлс.

Мырддян визяе картофельыс шоч. Мыйла нö эськö мырддьöны? Мед өдйöджык помавны?! Сидзи и эм...

— Мария Ивановна! Торйөн мöдам кысываны картофельсö али öтлаö?— юасис нывка.

— Торйөн, дитяе, торйөн. Ордйысьны кутам.

— О-о, ми ого сетчой!

— А ми, чайтанныд, сетчам!

— Локтой нин! Тян вѳсна паньясны!— кодлыкѳ горѳдис Тяня.

Мария Ивановна кѳсойтчылис: «Кодлы бара горзѳ?»

Лѳня да Васѳ ѳдва руныгѳны-локтоны.

«Кыз видны шырѳн дурѳмсыс Васѳѳс? Гашкѳ, вунѳдны? Али чырыштны?»

— Ой-йой, ой!— Кодкѳ лѳкыс бѳрддзис нѳльѳд «б»-ын.

«Мый бара лоис?»— Мария Ивановна усѳкодчис бѳрдѳм шылань. Ичѳтик Зина чужѳм кузя искѳвтис няйт сора вир. «Синсѳ кѳ перийсны и!..»

Елена Васильевна водзджык удитис воны Зина дѳрѳ. Нѳбѳвйнас чыш-калис нывкалыс чужѳмсѳ.

— Ноко, вай синтѳ видзѳдла, босѳтлы китѳ.

Кык учительница видзѳдлисны. Местаын жѳ тай синмыс. Но, слабѳг...

Мария Ивановналы быдтысигас быдторйѳ лои велѳдчыны пѳрысѳ йѳзлысѳ. Вѳзйис Зиналы:

— Вай, дитяѳ, ме тѳнсыд синтѳ кывъяла.

Челядь кытшалисны найѳс, чуймѳмѳн видзѳдѳны, кызди Мария Ивановна кывнас нюлѳ Зина синмысѳ няйтсѳ, лыасѳ. Зина лѳньштитѳ ойзѳмсысѳ, дугдис сѳблѳмсѳ майшѳдлыны.

— А ѳна жѳ, челядь повзъыли! Коді нѳ татшѳм лѳк мортысѳ? Синмѳ лыйны!

— Ѳлексей!

— А ме ѳщѳ чайтѳ Алешаѳс вокъясыс кодѳ жѳ шанѳн,— синнас дзѳбсѳѳм детинкаѳс корсянмоз сѳрнитис Мария Ивановна. Сѳсѳя шыѳдчис став дорас:— Он жѳ ѳбижайтѳ ѳта-мѳдтѳ. Ми ѳд татчѳ эг дурны локтой. Тадз кѳ кутам уджавны, картупельдыд лым улѳ усѳѳ. Вай, дитяяс, зѳля ѳктысямѳй.

Татчѳ суйтчис Елена Васильевна. Сийѳ гѳлѳсын кылис дѳзмѳта:

— Кымыныс ѳд шули: эн, мися, лыйсѳй! Ноко, сувгалѳй мѳстасаныд!— горзис Елена Васильевна да збойджык детинкаяссѳ весиг йѳткышталис кинас. Олѳма велѳдысыдлы тайѳ эз кажитчы. Киасысѳ велѳдысыастѳ ѳна видлисны пѳдсѳвет вылын. Судѳдз на волисны и.

«Нывтѳ лоѳ чырыштны, а то модаѳн лоас и асѳсѳ янѳдас».

Челядьѳс сувтѳдѳм бѳрын нывлы вашнитис:

— Лена, кивдлы некѳр эн сет вѳля.

Елена Васильевна ыпнитис арѳя пельысѳ моз.

«Яналис али дѳзмис бара?»— думыштитѳ Мария Ивановна и ачыс мыйлакѳ тшѳтш гѳрдѳдис.

Кѳр колис ѳтнас, тѳд вылас уси кольѳм вося дасѳд классыс. «Лѳсыд накѳд вѳли! Эз бара ков кесйѳдлыны».

Вунѳдѳма нин налысѳ став пакѳсть вѳчѳмсѳѳ. Сѳсѳя ѳд шулѳны: «Кулѳм мѳскыд пѳ век йѳладжык». Десятѳйѳдзыд и тайѳяс, гашкѳ, мортъяммасны.

— Висьтала!— ылисянѳ на кылис Тянялысѳ гѳлѳссѳѳ.

— Видлы!— грѳзитчис Васѳѳ.

«Мыйлакѳ ѳтияс ичѳтсияныс век пакѳститчѳны, мѳдѳяс соритчѳны». Бытѳѳ инѳм ѳз и кывлы, мѳдис ѳтсасыны Светалы. Тайѳяслѳн рѳдыс шанѳ. Му-мам кодѳыс жѳ рам да уджач. Налѳн сизим челядь и ставныс велѳдчѳны бура. Быд предметысѳ и быд классын. Тадзтѳ гежѳда овлѳ. Оз мешайтны ни ѳртѳясыслы, ни велѳдысыаслы.

— Эн, мися! Висьтала ѳд... Мария Ивановна! Васѳѳыс ведрааным из шыблалѳ!— ас визьсяныс горѳдис Тяня.

— И-из?!

Бѳрѳя воясас тадз вѳчлисны нин 9-ѳд классаяс. А тавѳ 4-ѳдсянѳ нин заводитѳны. Кодкѳ уджалѳма нин накѳд, удитѳма кѳдзын урѳдторсѳѳ.

Мария Ивановна серѳктыштитѳ, шунс:

— Васюк миян, сѳдзкѳ, картупель пыдди из кужѳ йирны!— Лѳптитѳ ведрасысѳ изсѳ.— Мыйла нѳ эськѳ изсѳ тѳчан, Васюк?

Васьо лэдзис юрсё, чөв олө.

— Мед пö планным өдйөджык тырас,— Васьолысь кывъяссö висьталіс Люба. Васьо видзөдласнас сотыштис Любаөс. Вермас на и нөйтны.

— Васьо, вөлөм, план вöсна төждысьö, а ми видам сійөс,— шензис быттё Мария Ивановна.— Гашкө, ставөн, челядь, кутам Васьо ног уджавны да?

Казявтөг оз овны челядьыд велөдысьыслысь вильшасьөмсö. Быд боксянь кыліс:

— Дерт нин!

— Огö бара!

— Казяласны!

«Казяласны!» Тайö Олег шуис, складовщиклөн пыис.

— Кыдз казяласны?— юаліс Мария Ивановна Олеглысь.

— Вesyс унджык лоö...

«Мамыслы отсасьлө и гөгөрвоө нин пакөститөмтö».

— Но дивö! Радио пыр став сикт пасьта янөдасны! Четвертöй «а» пö картофель пыдди из тэчöма мешөкъясас!— гөлөссö небзьөдөмөн юаліс Олеглысь.— Мешөкас изъясыс веськалісны эз?

Олег чөв оліс. Мария Ивановна матыстчис мешөк дорас, видзөдліс пытш-кас, сэсся бузнитис мешөксьыс картофельсö муас. Изйыс вөлі уна. Нывкаяс повзьөмөн у-укнитисны, а Мария Ивановна стрөга шеновтіс кинас, волөй пö татчө Васьо да Лёньö, видзөдлөй, мый керөмныд. Найö эз вөрзыны места вывсьыныс. Мария Ивановна эновтіс мешөксö, ачыс мөдіс нывкаяс дінö. Пакөститчысьяслы стрөга шуис:

— Öктöй! Но изтөгыс!

Олөма морттö ёнакодь дойдісны зонкаясыд, нервничайтөмсьыс сьөлөмыс нетшкысис бордъя моз. «Тадз оз шогмы, нинөмө воан»,— дивитис асьсö Мария Ивановна.

Со тадзи и ставнас медводдза луныс коли. Он на удит öти виччысьтөмтор решитны, мөд нин виччысьö. А кызди нө челядьыскөд? Накөд пыр тадзи. Быд лун.

Журнал лыддьом бöрын

Перестройка кадö, кор олöм серыс везжыны кутис, быд мортлы и уджнас, и шуöм-гижöмнас колö веськыда индины-петкöдлыны олöмысь тырмытöмторьяссö, быдöнкöд öтвылысь корсьны туй найöс бырöдöм вылö. Веськыда шуа, мый «Войвыв кодзув» та кузя мыйсюрö вöчö, но журналсö лыддигöн казявлан на олöмысь лöсявтöмторьяс. Со ме и кöсья сёрнитыштны Ф. В. Плесовскийлөн «Эжва катидса комияс» статья йлысь (авторыс тай корö вензьяштны!), кодöс йöзöдöма «Войвыв кодзув» журналын кольöм вося нельöд номерын.

Ф. В. Плесовский статьяс индö, мый 1720-öд вося перепись дырйи Пожög вöллöма погостöн, а Вöльдин, Великополье (Полле), Скöрöдум, Кырыша пыравлёмась Пожög погостö. А вот кытчö пырлёма сийö кадö Помöсдин, авторис оз инды. Помöсдинас кö погостыс эз вöв, став кулёмаясö дзебны нулысны Пожегö. А мыйла нö сідзкö помöсдинасясöс нимтылісны погочанаö? И овлёма-ö кодкö вылыс Эжваын сэтчö улыс да шöр Эжваса комияс локтöдз? Та йылысь статьяын немтор жö оз гижсьы. Гашкö, абу весьшöрö важсян сэтчöс местаяслөн нимьясыс йитчёмаöсь чудьяскöд: Чудь гу, Чудь ю, Чудь ю вад, Чудин чурк...

Ф. В. Плесовский серти Пожög погостыс лөлöма Помöсдин погостыс водзджык. Но вот менам киö сюри Л. Л. Ильиналөн да А. Н. Граховлөн «Реки Севера» книга, кодi петалöма 1987 воын Ленинградын, Гидрометеоиздатын. Тайö книгасыс лыддям: «Постепенно в местах пристанищ и волоков стали появляться русские поселения. В XII веке на притоке Сухоны реке Вологде возник город Вологда, на реке Онега в 7 км от Студеного моря — Онега. В списке погостов, составленном в 1137 году, на реках Северного края указаны и по сей день существующие города и деревни. На Северной Двине — Усть-Емецк, Усть-Вепя, Тойма, Иван-Погост (Холмогоры); на реке Варе — Вель (Вельск), на реке Пинега — Волок Пинежский (Пинега), на реке Вычегде — Помоздин (Помоздино)». Артмö, мый Помöсдинас йöзыс волёмась абу 1720-öд воясö, а пöшти 600 воон водзджык!

Гашкö, Плесовский ёртлы колi зильджыка корсьны важ документьясыс колана материальяссö, крепыдджыка гижöдсö подулавын.

Позис эскö петкöдлыны статьялөн авторлы (öткодялём могысь), кутшöм доныс

вöли сийö кадö öти низьлөн, 1 шайтлөн, 1 гривналөн. Öд талуньяыскöд öткодявтöг важ доньясыд öнiя йöзлы немтор оз висьтавын.

Март тöлысся журнал йöзöдліс Е. Цыпановлысь «Быдман пу да быдмысь пу» статья, кöни Цыпанов ёрт вайöдöма вель уна лексической да грамматической синоним (пиня—агас, коколюка—гормöдчан, ичöt—дзоля, сьывны йöктигöн, сьывны йöктöмөн, кувны тшыгла (тшыгысь, тшыгылы), кöсийма петкöдлыны, мый -ан да -ысь суффикса причастиеяс артмöдöны синонимической кыв сочетаниеяс, мый -ан суффикса причастиеяс важджыксь -ысь суффикса причастиеясыс да öнiя кадö колö паськыдджыка вöдитчыны -ан суффикса причастиеясыс да кыв сочетаниесян.

Ме видлалi гижöдьяссö Нёбдинса Витторлысь, Тима Веньлысь и шуны, мый тайö гижысыясыс -ан суффикса причастиеяссö частöджык пыртлісны асланыс гижöдьясö, ог вермы. Найö гижöдьясын -ысь суффикса причастиеяскöд тшöкыдджыка на паныдасьлан. Но öдвакö -ысь суффикса причастие артмöма действие петкöдлан кывьясысь.

Чайта, мый важ йöзыс, первобытнöй обществоын на, медводз кутісны торйöдны öта-мöдсьыс предметьяссö, сэсся предметьясыслысь действиесö и вöлисти предметьяслысь лыдсö да признакьяссö. Шуам: кыйсьыны—кыйсьысь морт; котöртны—котöртчысь ныываба; би видзны—би видзись пöчö... Та бöрын кутісны нин и лөвтöм предметьяслысь действеннöй признакьяссö торйöдны: кыйсян кöлуй, пыранпетан туй, новлан паськөм... А босьтны кö татшöм кыв сочетаниеяс: лыддян книга; бертан мыр; пöрöдан пу; куртан турун—тыдовтчö, мый причастиеясыс -ан суффикснас петкöдлöны предмет вылас веськөдöм действеннöй признак; лыддян книга—книга, кодöс лыддьöны, куртан турун, турун, кодöс куртöны и с. в. А «лыддян мортыд» оз петкöдлы мортöс, кодi мыйкö лыддьö. Артмö гөгöрвоны поэтьöмтор.

Мукöдлаас Е. Цыпанов ачыс аслыс паныд сувтö -ан суффикса причастиеяс пö петкöдлöны мян кадся литературнöй кывйын сöмын лөвтöм предметяс (катан пароход, каян тшупöдьяс, гымалан кымöр, дзузган лампа). А мортыс öмöй «лыддян морт» сочетаниеяс лөвтöм предмет?! Водзö сэсся авторис гижö, мый -ысь суффикса причастиеяс лöсялöны лөвья предметьяслы, артмöны став сикас глаголлөн кыввужйысь. А кызди татшöм кыв соче-

таниеяссö гөгөрвоны: му вылын куйлысь ыджыд из; ю кузя катысь пароход; лёкысь омлялысь төв; вөр сайысь кылпöдчысь шондi? Оз во сьёлöм вылад «уджавны инженерын» сочетание. **-ЫН** йыла кывъясыс сулалöны ина падежын и петкöдлöны действие мунан места (кöни? кытöн?). А позьö öмöй инженерын уджавнысö? Ми огö шуöй «уджавны врачын» (учительын, лётчикын и с. в.).

Неыджыд статьяын Е. Цыпанов уна ног дас витысь гижöма «вöдитчыны» кывсö. Ме видлi корсьны В. Савин да В. Чисталев гижöдъясысь «вöдитчыны» кывсö, но эг аддзы. Тима Вень сöмын öтилау гижö, мый Вольднын вöдитöны картупель, капуста («быдтöны» везжортасын).

Ме думысь, **вöдитчыны** кывтö позьö йитны мыйкö киö босьтанакöд (вöдитчыны черöн, пуртöн, шы-пищальöн, тасьти-паньöн, ведраöн, пöдöнчаöн, коколюкаöн, пач чышкан лыскöн...).

Выразительнöйöн (экспрессивнöйöн) гижысьлөн кывйыс лöö сэк, кор гижысьыс босьтчö уджавны зэв кыв кутöмөн, лыддысьысьсö зэв пыдди пуктöмөн.

Борис Шаховлөн «Гöрд дзоридзяса сьöд шаль» романлысь медводдза юкöнсö лыддигöн вöрзис сьёлöмöй, коть эськö кытюрö позьö на (и колö) гижöдсö шыльöдышты. Шуам, лыддьян романсьыс: «Сэни уджалгöн быдöнлы колö тайöс юрын кутны да вуж йывсяныс бырöдны коть кутшöм кывзысьтöм ру». Ми шуывлим: «бырöдны вуж выйöныс». «Пöвъясөн вевтялöм... вышка пытшяныс помся гыля-гольдöчöм да гора дзуртöм шы кылö. Вышка дорсяныс неылын кузь сарайын пар вöчан машина ушкö-пушкö, орччөн кузнеча да сэни дугдывтöг клонгöны». Гольöдчылöны öшиньö либö öдзöсö. Вышка пышкад, ме думысь, ёнджыка камöдчöм да көртөн көртö клёнöдчöм кылö. Кузнечаад шыяс йылысь Тима Вень тадзи гижлис:

Шаачкöны-дорöны

дорччысьяс,

Вылісянь сьöкыда

кöрт вылö усьöны


мöлötьяс.

Ыпкöны-пöльтöны

пушканьяс,—

тырöма ловныс.

Öгыр моз доналö



Техн. редактор А. Одинцов.

Адрес редакции: 167610, г. Сыктывкар, Дом печати, комн. 26.

Телефоны редакции: 2-47-52 (гл. редактор), 2-51-52 (отв. секретарь)
Сдано в набор 15.12.87. Подписано к печати 06.01.88. Ц00001. Формат 70×108¹/₁₆.
Печать высокая. Усл. печ. л. 4,9+0,08; усл. кр.-отт. 5,425; учетно-изд. л. 4,52+0,3 вкл.
Тираж 4718 экз. Заказ № 10032. Цена 30 коп.

Республиканская типография Государственного комитета Коми АССР по делам издательств, полиграфии и книжной торговли. 167610, г. Сыктывкар, ул. Первомайская, 70.

гöрнийн көрт,
Лямалö, пыдзрасьö
нöш улын — гöрд,
Би зэрöн сывкъялö
Зарниөн мичаа
гөгöрыс кинь,
киссьö.

«А öни сiйö йöткыштчас да бөр шливгас. Гортланьыс», — водзö лыддьян Борис Шаховлөн романьыс. Ме чайта, «шливгас» кывйыс ёнджыка «зэр» кывлы лöсялö (лунтыр шливгис шоныд зэр). А ва кузя пыжаыд **шлывгö-мунö** либö **шлывгö-кывтö**.

«Колснитны» кывнас петкöдлöны лөб поткöдлöм, кор чуркаыс шöри потö либö гырысь сакар торъяс поткöдлöм. А тывкөртнад лöсыдджык **калснитны**, мед биа изьсыс би киньясыс сывкнитисны.

«Педьö лэдзис Агниöс, пыркöдыштис юрсисö орччөн сулалысь Гордилысь». Позьö юрсисö кинад (чуньяснад) пашкыртны, а пыркöдны позьö шапка, чышьян либö мукöд көлуй ёгысь да бусысь. Пармапöвста сиктьясад революциядзыд öдвакö «сразу» кывтö сёрнитигад шулывлісны, тшöкыдджыка «пырысь-пыр», «пырысьтöм-пыр».

Вöлі эськö зэв бур, журнал лист бокьясö кө кадысь кадö сетывлінныд сывланкывьяс. Журналлөн 1985 вося 8 номерын эськö вöлі йöзöдöма Виль Пашлысь (Сизь Пашлысь) «Джуджыд керöсын» сывланкыв, но, ме думысь, сэни бара жö вöчöма öшыбка:

Джуджыд керöсын,

Гажа нöрысын,

Öтнас ён керка сулаліс дыр.

Сиктсаян зэв улын,

Юсян зэв улын,

Сöмын тыдаліс вөр да сьöд мыр.

Ми сывывлвлім:


Сиктсаян зэв улын,

Юсян зэв улын,

Сöмын тыдаліс вөр да сьöд мыр.


Важөн йöзыд овмöдчылісны юядорса джуджыд берег вылö, а кодюрö мунлісны пöчинöкö, стрöйтчылісны сиктсаян ылöджык, мед и видз вылö, и му вылö вöліны паськыдджык местаяс, да и пес вöрыд и кер вöрыд вöлі матынджык.

Со и ставыс, мый меным вöлі окота гижышты тiянлы журнал лыддьöм бöрын.



Вурдъяс.

Е. Павлов.




Кымõра лун.

Г. Полов.

«Серлас» котырлõн выставка выльсь репродукцияс.

30 кӧп.

Индекс 73069



Давпон грезд тӧлын.

Серпасыс Л. Жаковалӧн.